




92.7



P O C O · A · P O C O



G A N G · F O R W A R D





I · A M · R E A D Y


William Stirling Maxwell.

Bibl. Belg. # 39










Illustrium
HOLLANDIAE
&
VVESTERISIAE
ORDINVM

ALMA
ACADEMIA LEIDENSIS

Contenta proxima pagina docebit.



LVGDVNI BATAVORVM.

Apud Iacobum Marci, & Iustum à Colster,
Bibliopolas.

ANNO.
clb. lxx. xiv.

FOLIOLA

VERBENA

ORDINARIA

ACACIA

ACACIA

ACACIA

ACACIA

ACACIA

ACACIA

ACACIA

ACACIA

ACACIA

ACACIA

ACACIA

ACACIA

ACACIA

ACACIA

ACACIA



ALMA ET ILLVSTRIS
ACADEMIA LEIDENSIS;

Id est,
ICONES atque VITÆ;

Illustrissimorum Principum

GVLIELMI, Principis Aurangiaë, Comitis à Nassauw, &c.
primi Academiae Fundatoris,

atque

MAVRITII, Principis Aurangiaë, Comitis à Nassauw, &c.

Summorum post Potentiss. DD. Ordines Academiae Epopton:

Itemque eorum qui

aut

*Cum auctoritate publica Academiae huic feliciter unquam praefuerunt
atq; etiamnum praesunt,*

Nobiliss. vnâ cum Ampliss. Coss. Urbis, Acad. Curatorum,

aut


*Professorium per omnes Facultates Titulum in ea haëtenus honorificè
sustinuerunt, atq; etiamnum adhuc cum laude suslinent.*

Addita sunt huic operi

Academiae, Horti Academici, Bibliothecae, Theatri Anatomici,
ejusque pompae, qua ante annos $\overline{\text{xxxix}}$. solemni
die Academia in hanc Urbem primum
introducæta est,

DELINEATIONES ARTIFICIOSISSIMAE;

æri omnes incisæ;



Nobilissimis & Amplissimis
almæ & illustris

ACADEMIÆ LVGDVNO-BATAVÆ

CVRATORIBVS,

eorundemque Secretario ac Consiliario

D. D. NICOLAO ZEISTIO, IC.

& Urbis Syndico dignissimo.

Nobilissimi atque Amplissimi Viri,



*N*nus jam agitur quadragesimus ex
quo partim vos partimque; Præde-
cessores vestri, Viri omni memoria
dignissimi, Academiæ huic Leidenſi
publica Illustr. DD. Ordd. auctori-
tate præſuiſtis, eamque; Illuſtriſſ. Princi-
pis Gulielmi Naſſovij auſpicijſ olim
erectam, prudentia admirabili, cura incredibili & ſucceſſu
prorſus ſtupendo gubernaviſtis. Prudentia veſtra in eo po-
tiſſimum eluceſcit, quod primum quidem ſaluberrimis legibus
eam ſuffulciviſtis; ab eo verò deinceps iugiter tempore, quæ-
cunq; ad ſtudia juventutis incitanda ſœliciterque; promovenda
pertinere aliquomodo judicaviſtis, hæc in ea omnia ſanciveri-
tis atque conſtitueritis. Studiij vero veſtri & flagrantiffimi
ad rem literariam promovendam affectus, inter alia argu-
mentum maximum hoc eſt; quod cum aliàs negotijs ex cauſa
Reip. graviffimis diſtineamini, tamen quater ad minimum

quotannis ad conventus super rebus Academiae celebrandos
Lugdunum vestrum excurratis : cognituri faciant ne omnes
probe officium quorum operam occupatis ; bene de vobis atque
de Academia vestra meritos merentesque ; praemijs prosequen-
turi ; atque de ijs quibus Academia ad incrementum sui ullo
modo porro indiget, consilia communicaturi. Quae quidem in
re, sicuti molestias multimodas minimè gravatim degluti-
tis ; ita nullis etiam parcitis sumptibus, quos utiliter impen-
sum iri pro prudentia vestra judicatis. Unde natum est, ut
Batavica vestra haec Academia intra brevissimi temporis
orbem caput altius erexerit, quàm inde ab omni retrò memo-
ria intra tempus multo longius, totius Europae Academia ulla
alia : & nisi nos fallunt auguria, ad multo adhuc maius fa-
stigium lapsu temporis enitetur, spectatissimae vestrae emulac-
suffulta eadem praesidio. Observare hic licet (quidquid cete-
roquin nostra natio insitâ quadam sibi naturâ, alia ad amet
adire regna, aliosque frequentare populos) quod numerosissima
tamen semper ex omni hominum ordine studiosorum turba
hanc Academiam insideat : exteri verò etiam ex omnibus
Orbis angulis ad eandem tanquam ad mercatum quendam
maximo numero certatim confluant. Quotquot sanè in hanc
commigrant, vix ab ea rursus avelli possunt ; usque adeo om-
nia suis hic necessitatibus pulchrè inservire praedicant ; neque
me hercule injuriâ : Bibliotheca, quam instructissimam hic
erexistis, publici promiscuè usus est. Hortus vester Academi-
cus omni stirpium genere confitus, planeque amœnissimus,
voluptatem & utilitatem incredibilem passim quibuslibet
con-

confert Amphites &. In omni liberalium artium genere
Αἰεὶ βῆα publicè privatimque patent hic innumera: atque
quod unum ad Academiam vestram commendandam suffi-
cere posset, toties quoque die perq; totum annum hic legitur,
ut credo in nulla totius Orbis Academia pluries atque frequen-
tius. Lectionibus siscæ intertexuntur exercitia disputatio-
num publicarum privatarumq; ita crebra, ut vulgo studio-
rum illos, qui plurimas Academias peragraverunt, audia-
mus dicere; hanc vestram Acad. in se complecti, quidquid est
quo reliquæ simul omnes gaudent. Qui vero lectiones publicas
vestro mandato hic obeunt; Viri doctissimi, acutissimi, &
in sua quisque facultate exercitatissimi sunt, magno delectu
ex flore literatorū a vobis excerpti, & pro se digni quisque,
quem florentissima Gymnasia undecunque valide ambient.

Nimirum Nobiliss. atque Ampliss. Viri, augustissimus
hujus celeberrimi vestri Athenæi splendor, sed vero etiam
tam exterorum quam indigenarum efflagitationes frequentes
nos incitaverunt, ut partim, quenam omnino habeat vestra
Acad. studiorum subsidia, publico hoc scripto declararemus;
partimque pro nostro etiā ipsi modulo aliqua ex parte Acade-
vestram illustraremus. Huic fini primum vultus vitasque
exhibemus Illustriss. Principum Gulielmi atque Mauritij
Nassoviorum, a quibus Rectores Acad. vestre Magnifici
quotannis creantur, & ipsa Academia quamplurimis benefi-
cijs gloriosè decoratur. Mox vero Nobiliss. Viri etiam vitas
& vultus vestros in proscenium hoc nostrum producimus,
qui cura atque inspectione vestra Academiam hanc ex voto
bono-

bonorum omnium *foeliciſſime* per annos jam multos gubernaviſtis, atque etiamnũ *ſumma* cum laude gubernatiſ. Deinde verò *ſultus* ad *ſivum* delineatos *ſitaſque* etiam eorum omnium ordine ſubjungimus, qui inde a primo *Acade- veſtræ* ortu *P. oſeſſorium* titulũ in ea per ſingulas *Facultates* publicè ſuſtinuerunt, atque etiamnum adhuc hodieque ſummo cum applauſu ſuſtinent. Tandem ſchema atque fabricam *Academix* hic proponimus, eorumque porrò *Gymnaſiorum*, quæ bono publico ſtudiorum ſub *veſtri* nominis patrociniſ erecta hic ſunt.

Rogamus vero vos, *Nobiliſſ. atque Ampliſſ. Viri*, ut tenuem hanc noſtram opellam, quã cum ſumptibus & laboribus noſtris maximis *veſtrarum NN. & AA.* honori deſudavimus; non tam pro merito ſuo, quam pro ſolito *veſtro* in litteras affectu, alicujus æſtimare quæſo non dedignemini; Deumque *Opt. Max.* interea precamur, ut *veſtris NN. & AA.* prolixiſſimè de cœlo benedicat, *veſtrumque* regimen in multos annos proroget & ſecundet, ad nominis ſui gloriam & propagationem boni publici. Dat. in Urbe & *Academia veſtra* Lugduno-Bat. x. Septemb. cl. l. c. xiv.

Veſtrarum NN. & AA.

devotiſſimi & humilliſſimi clientes

IACOBVS MARCI

IUSTVS à COLSTER

Bibliopola Leidenſis.

ACADEMIA LEIDENSIS.



FVNDATIO ET INAVGVRATIO *Academiae Leidenfis.*

SONDATA est celeberrima hæc
Academia anno clō. 15. LXXV.
a GVLIELMO AVRIACO,
magno Principe, & cujus in
Belgium beneficia nulla ætas
ignorabit. Obsessa anno præ-
terito quàm arētissimè Lei-
da, admirabili Dei inprimis misericordiâ, & sin-
gulari civium virtute ac constantia est servata.

b

Itaq;

I N A U G U R A T I O

Itaq; ejus rei ergo honorem novæ Academiæ decernere illi placuit, eaq; ineunte anno lætis auspicijs inaugurata vi. Eid. Febr. Illo die, ut tam illustri novo operi benignus Deus adspiraret, habita prius sacra concio, ac cōceptæ publicæ preces in templo D. Petro sacro. tum, quia armis parta libertas videbatur, iussi in armis esse cives, qui destinatos Professores in Academiam armati introducerent, iisdē quoque armis suis, contra vim hostilem porrò strenuè illos defensuri. Ecce omnem apparatus, & pompæ ordinem. E curia, quo convenerant, progressi, non uno per viam arcu triumphali posito, in trophæi alicujus speciem, ad Academiam processere. Antecedebat in carrucâ vecta fœmina, simplici habitu, veste candida, quæ *Sacram Scripturam* repræsentabat. circum carrucam pedibus ibant quatuor S. Evangelij scriptores, *Matthæus, Marcus, Lucas, & Ioannes*. Tum *Justitia* sequebatur, in monocerote incedens, egregio cultu, obligatis fasciâ oculis, vnaque manu strictum gladium, altera bilancem tenens. Hanc stipabant equis vecti quatuor summi Iureconfulti, *Julianus, Papinianus, Ulpianus, & Trebonianus*; quibus ad latus satellites totidem, & à pedibus pueri duo. Post hos *Medicina* erat, & ipsa equitans ac manu librum herbasque gestans,

ACAD. LEIDENSIS.

gestans, media inter antistites quatuor præstantissimos, *Hippocratem*, *Galenum*, *Dioscoridem*, & *Theophrastum*. ac his quoque dati satellites totidē, puerique à pedibus duo. Tum armata *Pallas* sequebatur, dextra hastam, læva clypeum suum tenebat, in quo *Medusæ* caput expressum. Vtrūque latus maximi etiam viri claudebant, *Philosophorum* omnium principes *Plato* ille, & *Aristoteles*; deinde *Oratorum* primus *Cicero*, ac *Poëtarum* *Virgilius*. hos itidem satellites tuebantur, & à pedibus pueri totidem. Inde flatores, & tibicines publici ibant læto cantu omnia implentes. hosque accensi urbis quatuor sequebantur, virgam singuli manu gestantes albo colore distinctam. Post hos anteambulones Professores denique veniebant. Primus erat *Casparus Coelbaesius* pro tempore S. Theologiam professurus, cui latus dextrum claudebat *AVRIACI* iussu, cuius personam in hac solenni dedicatione representabat vir nobilissimus, *Gerardus VVingardus* J.C. & Hollandiæ curiæ Senator. ad lævum incedere *Jacobus Doussa*, ex primariâ etiam Provinciæ nobilitate, *Rhenolandiaë* aggerum curator, & *AVRIACO* à consilijs, vrbisq; *Leidensis* summus præfectus. Hos vir nobilis sequebatur *Theoderus Nisburgius*, J.C. & Provincialis quoque

INAVGVATIO

curiæ Senator, Iurisprudentiæ professionem inchoaturus; & medium illum deducebant è præcipuâ nobilitate *Ianus Doufa Nordovicus*, atque *Arturus Brederodius*; ille famâ admodum illustri, & Rhenolandicæ aggerum curator, vrbisq; etiam præfectus; hic in curia Provinciæ Hollandiæ confiliarius. Collegam Nieuburgium *Iustus Mennius* sequebatur, Senator quoque, & Fisci patronus, itidem Ius prælecturus. hunc deducebant nobili vir profapiâ natus *Arnoldus Duvenvordius*, & *Feudo Brouchovius* Rhenolandicæ prætor, aggerumque curandorum præfectus. Proximus illis *Petrus Forestus* Medicinæ Professor futurus, medius inter Coss. vrbanos duos *Nicolaum Heemskerckium*, & *Theodorum Montfortium*. Inde *Laurentius Orschotus* ibat, communem cum *Foresto* operam studiosis Medicinæ daturus, cui a latere dextro consul *Gulielmus Löus*, à sinistro *Cornelius Adrianus Barreveltius*, senator. Post hunc *Gerardus Bontius*, Medicinæ Doctor, qui Mathematicen doceret, quem *Cornelius Hugo Thorenvlietius*, & *Petrus Henricus Vassenarius*, senatores ambo, comitabantur. Tunc *Cornelius Grotius*, J.C. & libellorum supplicum magister, Philosophiam instauraturus; eumque *Petrus Omius*, ac *Petrus Georgius*, item Senatores, medium ducebant. Hos novæ
Acade-

ACAD. LEID'ENSIS.

Academiae Professores honoris causa reliquus Magistratus sequebatur, & magna omnis ordinis multitudo. Totum agmen inter quatuor signa medium; è quibus duo in fronte præcebant, duo tergum tuebantur. In fossâ illâ, cui Academia adjacet, quæque vulgo Rapenburgum dicitur, navis erat, rubro alboque panno amicta, vario desuper tapete tecta: & è tholo corona laurea, pomis Medicis variegata, dependebat. In hâc Apollo vehebatur, novemque Musæ; ad clauum autem Neptunus stabat, qui liberatâ per maris sui vndas vrbe, Academiam navigio introducere velle videbatur. Apollo testudinem manu tenens fides percutiebat, Musæ suavissona voce accinebant. mox verò, cum Professores novi advenirent, in terram exscendentes, singulos post amplexum & oscula, oratione adstricta Latina compellantes adventum sunt gratulati. Tum Academiam introgressi, in frequentissima Auditorum corona, *Casparus Coolhaesius* de S S. Theologiæ laudibus præfatus, laboris Musici antesignanus lectiones inchoavit. Id dum fit, per præcipuas vrbis plateas cives, qui in armis, ambulare, & explosa omnis generis bellica tormenta lætitiâ publicam testabantur. Ad extremum, cum peracta

IVAVGVVRATIO ACAD. LEIDENSIS.

ritè omnia, in domo Naeldwicenâ epulum
magnificum Magistratus vrbani dedit, diesque
inter festos positus. Ab istis initijs ad hoc Famæ
fastigium venit, nulli hodie, quotquot exstant,
nominis celebritate inferior. Vivat porro, vi-
geat, ac florat quamdiu gratum orbi terrarum
Musarum nomen.



IANI DOVSÆ

EPIGRAMMATVM
EXTEMPORALIVM SYLVA,

Ad Lugdunum nostram pertinens, & scriptorum quorundam in omni disciplinarum genere elogia continens, eorum præsertim, quorum personæ adscriptis nominibus An. clō. 15. LXXV. VI. Id. Februar.

qui primus Academiae institutæ dies fuit,

ab IOANNE HAVTENŌ, eidem

urbis à Secretis, in forum pro-

ductæ, Populoque repræ-

sentatæ fuerunt.

Neptunus ad Musas.

Q*Vid Musis cum Marte? nihil: confidite Divæ;
Ille abiit, vobis possit ut esse locus.*

Musæ ad Neptunum.

*Laus Neptune tibi, obsidio quod solueris urbem,
Tam comi que nos excipit hospitio.*

Apollo ad Artes, sive Humanitatis studia.

*Docta satis Martem urbs, Artes nunc discere: remque
Vobiscum et) mecum postulat esse sibi.*

Artes, sive Humanitatis studia ad Apollinem.

*Connubio junctas stabili, propriasque dicatas
Phæbe Pater, præsto nos tibi semper habe.*

Salvius Iulianus ad Iustitiam.

*Lovanium fructu nos tantum accepit et) usu,
Hic etiam nexu me juvat esse tuum.*

Nec

EPIGRAMMATA.

Responsum Iustitiae.

*Nec fructu Grudij nos accepere, nec resu:
Namque Papam, non me nunc locus ille colit.*

Ad eundem Saluium Iulianum.

*Care Pio, ac Divis gratissime fratribus olim,
Non ingratus eris nunc quoque Cattigenis.*

Ad Æmilium Papinianum.

*Tu quoque Septimij iustissima cura Severi
Huc ades. omnis abest hoc Caracalla loco.*

Ad Eundem.

*Et sedem, & Dominum mutes melioribus hortor,
Lugduno Romam, Septimium Auræico.*

Ad Domitium Vlpianum.

*Tutor Alexandro Domiti, & consultor eidem
Huc ades: & Baldos, barbariemque doma.*

Ad Caium.

*Æmilius Latio Iuris sit dictus Asylum,
At Legum nobis tu Coriphaeus eris.*

Ad Sextum Pomponium.

*In pretio quondam Romæ qui Sexte fuisti,
Nunc quoque Lugduni non inhonorus eris.*

Ad Hippocratem Coïum.

*Huc ades Hippocrates Medicorum gloria Colæ,
En vocat ad partes te Medicina suas.*

IANI DOVSÆ

Ad Galenum.

*Tu quoque Lugdunum venias curare Galene,
Affectam bello, pestilitate, fame.*

Ad Theophrastum.

*Hunc etiam in numerum adscribi Theophraste mereris,
Plantarum cui vis cognita tota fuit.*

Ad Cornelium Celsum.

*Facta urbana tuo res rustica munere scriptis
Nec minus illustris est Medicina tuis.
Hinc quoque militia tractasti commoda Rhetor.
Hoc Martem Musis jungere Celse fuit.*

ACADEMIA LVGDVNENSIS

AD ÆMILIVM MACRVM,

*Hic etiam volucres tecum meditare licebit,
Quæque nocet serpens, quæ iuvat herba Macer.
Ergo age, sed propera licet ævo grandior, & quæ
Nasoni quondam, nunc lege Cattigenis.*

Ad eundem.

*Maeste Macer, semperque tibi ver floreat, herbas
Tam bene cui verbis jungere cura fuit.*

Ad Sammonicum Serenum.

*In medicis medicus, vatesque in vatibus idem.
Esse duorum hominum quod solet, unus habes.*

EPIGRAMMAT...

Ergo ades & foelix nostris quoque civibus adsis:
Et vatem dici te patere, & Medicum.
At Baias metuis, funestaque balnea: fors &
Nunc quoque suspectus est Caracalla tibi.
Quod metuas non est, Caracallis vicinus omnes,
Romanasque minas, Hesperiumque jugum.
Quique adeo prior Caracallis omnibus unus,
Omnibus & Baijs seior Alba fuit.

Ad Theophrastum Paracellsum.

Tu quoque ades nostro non inficiande Lyceo,
Nec medicus, verum magnus Apollo mihi.

Ad Platonem.

Salve Socratici notissima fama Lycei
Die Plato, magni doctor Aristotelis,

Ad Aristotelem.

Fide poli interpretes, naturæque æmule, & idem
Digne tuo salve nomine Aristoteles.

In Laudem Homeri.

Magnus Aristoteles, major Plato, maxima Athenæ
Omnibus at major magnus Homerus erit.

Ad Vergilium.

Ilium in Italiam portaſti Andine poëta,
In Batavos transfer nunc precor Italiam.

Ad eundem.

Parthenopen Leida mutes Maro: vicit Iberos
Iſta, quibus ſervit nunc quoque Parthenope.

IANI DOVSÆ EPIGRAMMATA.

Ad Ciceronem.

*Lugdunum venias Tulli, aut famulere necesse est.
Maranum patitur Belga, Italusque iugum.*

Minerva Lugdunensis.

*Hactenus arma mihi curæ, obsidioque fuerunt,
Nunc mutare bonis artibus arma paro.*

In Lugdunensem Minervam.

*Arma virum, & pugnæ studiis obstare Minervæ,
Qui putat, in nostra non meret urbe locum.*

*Hæc Delo, & timidis placeant commenta: Batavos
Lugduni & Musas, Pallas & arma docet.*

Ad novam Acadamiæ Lugdunensem.

*Quantum Delo amni Rhænus præstare videtur,
Tantum Leida tibi cedere Lovanium.*

Ad Eandem.

*Cedat Lovanium, cedat tibi Leida Duacum
Armis, iustitia, religione, fide.*



PRINCEPS AVRIACVS
FVNDATOR ACAD. LEIDENSIS.



PRIN-

PRINCEPS AVRIACVS

FVNDATOR ACAD. LEIDENSIS.



Actus est W I L H E L M V S
N A S S O V I V S Araufionis
Princeps, Dillenburgi in Co-
mitatu Nassoviæ, anno Chri-
sti clb. Is. xxxiii, iv Aprilis.

Vxores habuit quatuor. qua-
rum primam *Annam Egmon-*

danam, Maximiliani Egmondani Comitis Bura-
ni filiam unicam duxit anno M. D. L, iv Eid. Iun.

Ex quâ nati *Maria*, & *Carolus Gulielmus Nassovius*,
Comes Buræ, &c. Anna hac M. D. LVIII anno ix

Kal. April. defunctâ, duxit cognominem aliam

Mauritij Electoris Saxonie filiam, celebratis

nuptijs Spiræ in quinque millium equitum fre-
quentiâ, &c. Ex hoc connubio natus Dillen-

burgi in arce, anno M. D. LXVII, xiiii Novembris,
MAVRITIVS NASSOVIVS, Princeps ma-

gnanimus, &c. præterea filie *Anna* & *Æmylia*.

Saxonicâ hac Annâ Dresdæ extinctâ anno M. D.
LXXVII, tertiam ducit Carolam Ludovici Ducis
Monpenseriani filiam, ex quâ sex ei natæ filie;

videlicet, *Loysa Iuliana*, *Elisabetha*, *Catharina Belgica*,
c. iij *Elan-*

PRINCEPS AVRIACVS.I

Flandrina, Caroletta Brabantina, & Æmylia secunda.
 Quarum matre Gallâ anno MDLXXXII. Ant-
 werpiæ mortuâ, quartam & ultimam, adhuc fu-
 perstitem, duxit Ludovicam, Casparis Comitis
 Colignij filiam: ex quâ natus posthumus patre
 nefandissimo scelere perempto HENRICVS
 FRIDERICVS, Princeps Aur. &c. De vita porro,
 magnanimi hujus Principis, & præclarissimis
 ejus facinoribus, gloriosissimis victorijs, gra-
 vissimis sollicitudinibus atque curis, maximis
 denique discriminibus & periculis, in quæ se
 pro Belgij salute intulit, nihil præstat, quàm
 pauca dicere. Obijt Delphis Batavorum anno
 cl. Is. LXXXIV. sexto Idus Iulij à monstro quo-
 dam hominis non nominando, crudelissimi
 Iberi auctoritate & suasu, immaniter trajectus:
 sui que non Academia tantum, quæ Auctorem
 eum agnoscebat suum ac Patronum; sed & toti
 Reip. quæ libertatis suæ vindicem, ingens reli-
 quit desiderium.

MAVRITIVS de NASSAV,
TVTOR ET PROTECTOR.
ACAD. LEIDENSIS.



MAV-

MAVRITIVS de NASSAV,
TVTOR ET PROTECTOR
ACAD. LEIDENSIS.



MAVRITIVS D. G. Principi
patui Arausionis natus, Comes Nassovia, Catimeliboci, Viandæ, Dietzi, Meursæ, &c. Marchio Veræ, Flis. singæ, &c. Dominus Polanæ, Leckæ, Graviæ, Cuyckij, S. Viti, Doefburgi, &c. Garterij Ordinis Eques, &c. Gubernator Præfectusq; generalis Gelriæ, Hollandiæ, Zelandiæ, West-Frisiæ, Trajecti, Transisulaniæ, &c. earundemque Provinciarum nomine summus terræ mariq; Imperator. Natus, ut supra indicavimus, anno M. D. LXVII. Hic Illustrissimus Princeps anno M. D. XC, mense Februario, communibus Nobilissimorum Ordinum suffragijs in victoriosissimi patris sui P. M. locum est substitutus, & generalis provinciarum in Belgio unita-

rum

MAVRITIVS de NASSAV.

rum factus Gubernator. Cui dignitati quâ gloriâ hætenus præfuerit, & hujus loci non est multis commemorare, & universo orbi longè est notissimum. Consilia ac facinora ejus præclara, victorias & triumphos, nulla unquam delebit oblivio. Faxit Principum Princeps ut Heros hic incomparabilis, & Vnitorum Belgarum Fortissimus Assertor Reip. suæ diu vivat incolumis, & Academiam Paternam, ut hætenus fecit, multos adhuc annos fideliter promoveat, tueatur, & conserveat.



IANVS DOVSA P.



IANUS DOUSA ACADE-
MIÆ CURATOR ETC.

IANVS

IANVS DOVSA P.



IANVS DOVSA NORDO-
VIX nobilissimâ Hollandiæ
familiâ natus admodum in-
fans parentibus orbatus, Ly-
ram Brabantię oppidum, stu-
diorum causâ amandatus est,
primâq; ejus rudimenta fue-

runt sub Ioanne Fabro: inde Delphos mox trans-
latus Henricum Iunium Præceptorem habuit,
cujus celebris tunc temporis schola. Huic cum
annum vnum operam dedisset Lovanium con-
cessit, & mox inde Duacum, vbi insigni Lucæ
Fruterij ingenio captus, studiorum eum socium
ac comitem ascivit, Lutetiam cum eo profectus,
nobilissimum scientiarũ omnium emporium.
Vnde in patriam accersitus mox eò redijt, sum-
morum illic virorũ famâ ac claritate adductus,
à quibus vicissim propter excellentes ingenij
dotes amabatur æstimabaturque. Inde domum
iterum reversum, ductâq; uxore, juvenem etiam
tum sibi Respublica vindicavit, atque in supre-
mum aggerum curandorum, fluminumque re-
tandorum, Collegium cooptavit; quo munere
totos viginti annos functus sponte se abdicavit.

In memorabili illâ Lugduni obsidione magnum animi robur ostendit, ita illustrissimo Principi Auriaco probatus, ut tam graviter afflicto patriæ statu præfectura Urbis nemini rectius committenda crederetur. Hanc ubi cum laude obiisset, liberata mox vrbe, cum Academiam instituere illis decretum esset, nullum Principi Ordinibusque tantæ rei auspicatius nomen visum est quàm IANI DOVSÆ, cui & bellica fortitudine, & eruditionis gloria parem alterum Resp. non habebat. Multiplex erat in viro lectio, incredibilis penè memoria. Græcarum ac Latinarum literarum; Historiæ veteris ac novæ nihil de quo rogatus non ex tempore responderet. Vnus ille, quod de Longino ait Eunapius, erat βιβλιοθήκη πρὸ ἐμψυχῶ, καὶ περὶ πάντων μεσσῶν. Vnus ille Bataviæ Varro, & Academiæ commune oraculum. Et cum hac quidem Doctrina tam eximia cæteræ etiam virtutes certabant, Comitatus, Candor, Urbanitas, ac Modestia. Ob quas non Batavis modò, aut Belgis, sed & Gallis reliquis & Germanis, Anglis, Italis, Bohemis, Polonis, atque adeò ipsis in Turcia Græcis Europæis pariter atque Asiaticis in honore ac pretio habitus fuit, æstimantibus magni viri merita etiam tam longè disitis gentibus. Gessit autem hanc Academiam

demix curam annos xxi. Quo medio tempore
cum ad patriæ annales conscribendos animum
adjunxisset, Archivorum item publicorum cu-
stodiam in se suscepit. Deinde in supremæ quo-
que Curix Senatui adscriptus, xiii eo in mu-
nere annis laudabiliter exactis, ad plures abiit,
anno Christi MDCIV. ætatis suæ LIX.

Epitaphium.

Sistas Viator: Dousici Manes rogant
Tempus exiguum, moramque parvam:
Quem terra novit, Troicique pallida
Mater Memnonis, integerque Phæbus
Quique emergentem surripit terræ diem.
Non isti gemitusque tibiæque
Inane murmur sordidamque neniā
Mendicant cineres vagumque lesū,
Fractique raucos æneatoris modos;
Sed plenas tibi lachrimas remittunt.
Cui tota luctum destinat tellus suam,
Unius scelus est ciere voce.

IANVS DOVSA P.

Scripta ab eo edita hæc sunt.

E *Pigrammatum, Satyrarum,
Elegiarum, Sylvarum libri.*

Nova Poemata Lugdunensia.

Nota ad Sallustium.

Epodon liber ex puris Iamibus.

Oda Britannica.

*Elegiarum & Epigrammatum
liber.*

*Præcidanea ad Petronium Ar-
bitrum.*

Centurionatus ad Plautum.

Præcidanea ad Catullum.

Præcidanea ad Tibullum.

*Schediasma Succidaneum ad
eundem.*

*Commentariolus in Q. Hora-
tium.*

*Appendix Succidanea ad eun-
dem.*

*Epistola Apologetica duæ; una
de Annalibus Batavia; al-
tera pro prætore Nortwiceno
peregrinitatis reo.*

Annales Hollandiæ carmine.

*Iidem præfata Oratione à filio in-
cepti usque ad Didericum
IV.*

*Echo, sive Halcedonia, cum no-
vis Epigrammatis, & Ele-
gijs.*

*Procuravit ut ederentur ab
alijs scripta.*

Batavia H. Iunij.

Inscriptiones Antiquæ Smetij.

Luca Fruterij Opuscula.

*Confecta partim, partim ad-
fecta, nec edita
reliquit.*

Præcidanea in Iuvenalem.

Volumina aliquot Epistolarum.

*Fragmenta omnia veterum Ora-
torum, Poetarum, Historico-
rum.*


CORNELIUS CONINCK



CORNELIUS DE CONINCK
CURATOR ACAD. LEIDENSIS.

COR.

CORNELIVS CONINCK.

ORNELIVS CONINCK à Bloys Ictus natus est Dordraci primaria Hollandiæ vrbe. Tumultu belgico pro communis patriæ libertate præclaram operam navavit. In Republicâ Delphesi consul creatus, atque in confessu Dominorum, Ordinum Hollandiæ West-Frisiæque delegatus; ad pacis Gandavenfis tractatum Guilielmo Magno Principi Auraico, Ducis Alenconij Directori & Consiliario intimo, collega datus fuit. Deinde cum Illustrissimus Princeps Amplissimorum Hollandiæ, West-Frisiæque Ordinum Auspicijs, novum Hagæ-Comitis instituisset Senatum, qui auctoritate pari cum Senatu Magno Mechliniensi jus de causis controversis diceret, Prætoriumque Principis referret, primus in Senatum adscriptus. Ac postremum Academiæ Lugdunensis Curator electus est. Tandem his dignitatibus laudabiliter usus diem obiit Hagæ-Comitis xxvi Decemb. Anno clj. l5. LXXXII. ibique honorifice sepulchro illatus.

ABRAHAMVS ALMONDIVS.



ABRAHAMVS AB ALMONDE
CURATOR ACAD. LEIDENSIS.

c

ABRA-

ABRAH. ALMONDIVS.



BRAHAMVS ALMONDIVS ex veteri Almondiorum stirpe oriundus, natus est in arce paterna Altenaco, a nimia Delforum vrbis vicinia ita dicto, Kalendis Februar. clō. cl. xxxiiii. Generis sui ortū ducit a filio minore nato Domini de Strijen circa annum clō. ccc. id quod insignia ejus familiae arguunt. Patrem habuit Ioannem Almondium, matrem Petronellam ex nobili Werviorum familia. Avus ejus paternus Iacobus Almondus Curiae Hollandiae praeses fuit. Adolescens bonis literis operam dedit. Postea ad munera publica vocatus summos honores gessit, Consulatum Delphis aliquoties, nec non Hiemradatum agri Delfensis. Mox & Assessor factus est collegij DD. Ordinum Hollandiae, deinde praefectura rerum nauticarum Roterodami. Interea & Curatoria Academiae Lugdunensis dignitate functus est. Vir fuit verè candidus & Batavicâ morum simplicitate multum commendabilis. Obijt iiii Idus Ianuarij clō. lō. xciiii.

PAVLVS BVSIVS.



PAVLVS BUISIVS CURATOR
ACADEMIA LEIDENSIS.

c ij

PAV-

PAVLVS BVSIVS.



PAVLVS BVSIVS Dominus
in Sevenhoven & Cappel,
natus Amerfsfurti anno clō. lō.
xxxī. In Academia Dolana
literis operam navavit cum
Domino in Tolouse (Alle-
gondij fratre natu maximo)
nec non Domino in Mathenes, & Regnero Cant
Consule olim Amsteldamensi. Doctoris titu-
lum in Academia Andegavensi acquisivit 2^{do}
Ianuarij anno clō. lō. lvi. Iuramentum, quod
ab Advocatis Curiae Hollandiae praestari solet,
Domino in Assendelft, Heemskerck, &c. Equiti
Senatori & praefidi primario praestitit Hagae Co-
mitis 3^{tio} Novembris, anno clō. lō. lvii. Postea
anno clō. lō. lxi vrbis Leydenfis Syndicus fa-
ctus est, & deinde deputatus una cum Dominis
in Kenenburch, Poelgeest, & Mathenes nomine
Illustrissimorum D. Ordinum Hollandiae in
Collegio D. Ordinum generalium Bruxellae apud
Ducissam de Parma, sicut & apud Ducem de Al-
ba. Medio itidem tempore in motibus & inte-
stino bello anno clō. lō. lxxii aut clō. lō. lxxiii.
Senator, & Advocatus Hollandiae, Custos magni
Sigilli,

PAVLVS BVSIVS.

Sigilli, & illustrissimi Principis Auraici pię memorię Confiliarius datus & delectus pręses loco principis tam in confessu D. Hollandię & Zelandię Ordinum quam in Senatu Provinciali Legationem nomine Principis & D. Ordinum pro pacificatione Gandavenfi & Bredana suscepit. Nascentis Academiae Lugduno-Batavę cum Domino Nordovikio secundus Curator electus : quo munere fungens vitam cum morte commutavit. Anno clō. Io. LXXVI. aut clō. Io. LXXVII Chomarchus una cum nupere defunctis Dominis in Warmont & Poelgeest in locum Domini in Lockhorst, qui renuntiabat, substitutus est : quam itidem sustinens Provinciam ad superos ivit. Senatoris & Advocati Curię Provincialis munus cum sustinuisset ad annum clō. Io. LXXXIV, a nobilibus & potentibus D. Ordinibus oneris istius remissionem honorifice petijt & obtinuit. Legationem quoque in Angliam ad Elisabetham Reginam tam illustrium D. Ordinum quam Principis nomine ter obivit cum D. Allegondio, Nordovikio, Barneveldio. Quo tempore ordinem equestris dignitatis ipsi cum Nordovikio & Ortelio a Regina oblatum magna cum gratiarum actione recusavit. Postremo cū Comes Lycestrię nomine Reginę Anglię

e. iij

harum

PAVLVS BVSIVS.

harum provinciarum gubernationem suscepisset, Collega in Consilio Ordinum erecto, nominatus est. Natus annos LXIII e vivis discessit, Deoque animam reddidit in prædio suo *ten Vliet* in Capell in Provincia Traiectina mense Aprili anno clō. Is. xciv. Sepultus in templo Sevenhoviano.



IOHAN.

IOHANNES BANCHEMIUS.



IOHANNES BANCHEMIUS
CURATOR ACADEMIAE LEIDENSIS.

IOHAN.

IOHAN. BANCHEMIVS.



IOHANNEM BANCHEMIVM
anno clo. lxx. mater erudi-
tionis Leida edidit. tunc qui-
dem minus nota, sed quam
tamen immortalitati litera-
rum jam tum fata destinabāt.
quarum ille antistitem in vr-
be patria daturus erat. Atque a parentibus qui-
dem in eadem vrbe loco atque ordine honestis-
simis, primo Ultrajectum missus est, vbi Macro-
pedio, non ignoto a scriptis viro, & ut tum fere-
bant tempora, in primis erudito, operam dedit:
Ultrajecto Lovanium se contulit, in qua juris
scientia impense tum florere putabatur. In hac,
ut discendi indefessus erat, cum progressus fecis-
set haud poenitēdos, in Galliam profectus, quod
summum in ea solet esse præmium, eo donatus
est: cui Andegavum delegit. Ita in patriam re-
versus, foro se mature consecravit. quo natura
& præclaro animi instinctu totus ferebatur. E-
venit autem, ut dum ibi ageret patronum, &
jam magni esset nominis, gliscente cum expe-
rientia & causis, animi iudicio, quo supra cæte-
ros pollebat, anno deinceps octuagesimo & se-
cundo,

IOHANNES BANCHEMIUS.

cundo, de constituendo supremo Hollandiæ, Zelandiæ West-Frisiæque consilio ageretur, cui muneri obeundo, cum alijs primoribus patriæ viris ab illustri Principe Aurasio delectus est Banchemius. qui cum & ambitione alienus esset, & abunde existimationis ac honestæ rei, e causarum patrocinio, paratum sibi cerneret, diu quidem restitit, tandem vero a patria expugnari se passus est. Ita tamen ut eodem tempore in Republica ejusque cura occupatus esset: adeo ut nihil magni admodum momenti gereretur, cui non sagax ille & prudentiæ civilis non minus quam humani ac divini juris consultissimus Banchemij adhiberetur animus. Paulo post, cum gravissima inter Lugdunensem magistratum & Rijnlandiæ Chomarchum de finibus ac jurisdictione orta esset controversia, visum est illustribus patriæ patribus, a Iohanne Banchemio & Theodoro Leeuwio, supremi consistorij assessoribus, rem tantam componi. Quod & prudentissime ab illis factum esse, summa plurimorum annorum tranquillitas testatur. Postea cum itidem inter Reipublicæ Leidensis præfectos & Senatum Academiæ ejusque membra male conveniret, adeo ut manifestam Academiæ perniciem, ni mature occurreretur, res tractura

f

esset,

IOHANNES BANCHEMIUS.

esset, nemo huic quoque simultati componenda, magis visus est idoneus Banchemio. In quo cum dexteritate summa usus esset ac consilio, cura illi Academiae est commissa. cui annos multos cum collegis celeberrimis Iano Douſa, Nordovici Domino & Iohanne Grotio Consule Delphenſi, praefuit. Erat in hoc viro citra fastum gravitas, citra asperitatem severitas, animus vero nulli rei nisi aequo & bono obnoxius. ut invictum prorsus & inexpugnabilem adversus fortuita diceres. Iuris autem tanta scientia, non umbratica quidem illa & scholastica, sed quae usu forensi confirmata, cum ad singula deveniretur, fidem prope excederet. Quo factum ut extincto Diderico Nieuburgio, supremi consistorij praefide, Banchemius succederet, non tam temporis praerogativa, quam virtutis & experientiae merito. In qua dignitate Musarum simul ac iustitiae antistes, cum bonorum omnium maerore anno cl. l. cl. Novemb. xxix excessit.

IANI GROTH.



IOHANNES GROTHUS
CURATOR ACAD. LEIDENSIS.

f ij

IANI

IANI GROTII.



NATVS & educatus est Del-
 phis, nobili Bataviæ civitate.
 Patrem habuit Hugoné Gro-
 tium, qui anno clō. Io. LXVII
 consulatu quinto mortuus
 est. Grotiorum familia Del-
 phis & circū patritia a qua-
 dringentis annis & quod excurrit. Mater ipsi
 fuit Elefina ab Heemskerca, quæ etiam prosapia
 celebris apud Batavo-Lugdunenses ab aliquot
 centenis annis. Præceptoribus Delphis usus est
 in linguis Latina & Græca Henrico Iunio, Vi-
 ctore Giselino & Laurentio Ducholio, & eo-
 rum hypodidascalis. Anno decimo octavo Dua-
 cum profectus, in collegio Regio conviva fuit
 Iohannis Huveterij a Ferrarijs, ubi in eadē tunc
 mensa inter cæteros erat Ioannes Montanus Sa-
 cræ Theologiæ Doctor, amanuensis quondam
 magni illius Erasmi Roterodami. Ibi Philoso-
 phiæ operam dedit sub Ioanne Sartio a Sene-
 phra, cuius auspicijs magister artium & philoso-
 phiæ declaratus est. Inde se ad Iurisprudentiam
 contulit, auditor Piethij, Prælij in institutioni-
 bus, Vendevilij, Putij, Boetij Eponis, Vibrandi
 & Viti

& Viti, in alijs utriusque juris partibus. Eodem tempore celebres illic erant in Theologicis Matthæus Galenus Westcappellius, Rubus, Albanus, Stapletonus. quorum etiam lectionibus & disputationibus, cum ab alijs studijs otium erat, frequenter interfuit. Postquam urbs Lugdunensis Batavorum obsidione liberata, ibiq; Academia ab Illustrissimo Principe Arausino instituta, fratris Cornelij Grotij literis, qui magistri libellorum supplicum munus professione Academica mutaverat, in patriam, atque inde in ipsam illam se Academiam contulit; in cujus albo sive matricula, tertius omnium tunc temporis studiosorum reperitur; ubi apud matrem fratremque habitavit ad annum usque clō. 15. LXXXII. quo tempore se matrimonio junxit Aleidæ Borriæ Delphensi, ex Overschiaca & Adrichemica prosapia, unde filios tres, filiam unicam sustulit. Adscitus in ordinem judicarium, consulatus deinde continuos gessit quatuor, moxque Curator Academiæ factus est. Nec pœnituit hac in dignitate constitutum Doctoratus in Iure titulo hætenus omisso, honorari, quī prius cum adhuc Lugduni viveret, omnibus Professoribus tam usus erat familiariter, ut non tantum auditor, verum etiam præcipuorum collega videretur.

IANI GROTII.

Tandem a consilijs factus est Illustriss. Principibus Hohenloicis, quo nomine etiamnum contentus vivit.



IANI GROTII

in effigiem suam.

Consilium patriæ præbens sic ora ferebam,
Quando Academiæ credita cura mihi est.
Iamque videns dicas, quantum mutatus ab illo,
Sed senio & curis hoc venit ex alijs.

HUGONIS GROTII

in candem.

Talis eram quondam ille tuus mea patria Consul,
Curatorque domus sancta Minerva tuæ.
Multum ætas, multum duri trivere labores,
Et subit hoc tantum dicere, talis eram.

DANIE-

DANIELIS HEINSII

in eandem.

P *Refectus Delphis patrijs Musisque Batavis,
Apollinem terris dedi.*

GVILIELMI GROTH

in eandem.

H *Ic fuerat vultus quondam juvenilibus annis,
Cum tibi consilium, patria, terra darem.*

*Nunc aliam faciem curæque ætasque dederunt,
Verum animi remanet qui fuit ante vigor.*

*Ille virum turbæ doctorem me addidit, illa
Parte hospes, lætor me superesse mihi.*



CORNELIVS NEOSTADIUS.



CORNELIVS NEOSTADIUS
CURATOR ACAD. LEIDENSIS.

COR-

CORNELIVS NEOSTADIVS



CORNELIVS NEOSTADIVS

Dominus in Sevenhoven &
Coppel, supremę Hollandiæ
Zelandiæ West-Frisiæque Cu-
riæ Senator primarius, Aca-
demięq; Lugdunensis in Bat.

Curator. Natus Brilæ Anno cIo. Io. xLix. stu-
duit in Gallijs Duacorum; Leydæ primus Iuris
Doctor renunciatus. obiit Hagæ comitis Anno
cIo. Io. cvi. illis in muneribus. Scripsit de Feudis
Hollandicis, de Pactis Antenuptialibus, de jure
Æsdovico, Dere Romana, quæ duo posteriora
lucem sperant.

ADRIANVM MATHENESIVM.



ADRIANUS A MATHENES
CURATOR ACAD. LEIDENSIS.

ADRIA.

ADRIANVS MATHENESIVS.



PRÆTER Iohannem Banchemium, alterum Musarum antistitem Lugdunum sibi peperit. ADRIANVM MATHENESIVM, Mathenesij & Opmeri toparcham : Io-

hannis viri primariæ nobilitatis filium. cuius felicitati hoc accessit, quod magno illi Iano Dou-
sæcooptatus, ex equestri ordine successit. Vere dignus qui pupillam altero parente orbam sus-
ciperet, & extincti desiderium, quod erat singulare, incredibili benignitate morū & prudentia leniret. quam jam ante Ordines ac universa patria fuerat experta, & in rebus gravissimis quotidie experitur. Vt eidem & Martis & Musarum, quæ alumnæ pacis sunt, præsidium eodem tempore incumbat. Cum quibus paria quotidie facit. Cornelio Neostadio supremi consilij Senatore, cui iunctus fuerat, defuncto, annos pluri-

ADRIANVS MATHENESIVS.

mos collegam habuit Cornelium vander Myle,
nobilissimum virum. De quibus vere dici po-
test, bono Musarum natos esse. cum in summa
concordia, de uno tantum inter se ambo conten-
dant, vter Academiae plus profit. cuius rei palam
ambo promeriti, vtrique sibi mutuo concedunt.
De virtutibus viri tanti plura hic adferre, illi
grave esset. Et pro laudibus, quæ longe amplio-
res illi debentur, vota sua tota Academia confi-
gnat: satis beata, si quam bene est de illa meri-
tus, tam diu bono publico superfit.

CORNELIVS VANDER MYLE.



CORNELIVS VANDER MYLE
CURATOR ACAD. LEYDENSIS.

g iij

COR-

CORNELIUS VANDER MYLE



CORNELIUM NEOSTADIVM
Cornelius vander Myle, loci
cognominis toparcha exce-
pit. Quem parente Adriano
Curia Hollandia praeside, vi-
ro nobilissimo & eruditorum
omnium patrono, Haga æquitatis sedes & im-
perij anno c15. 15. LXXIX edidit: Lugdunum
prima erudivit. Ne in vrbe alia præesset aliquã.
do Musis quam in qua eas hauserat. Lugduno
in Galliam, Italiam, Germaniam, cæterasque
totius fere Europæ Academies se contulit, cum
in paterna hæreditate literarum quoque amo-
rem accepisset. In ijs autem nihil æque ac viros
eruditos coluit; tanto quidem & successu & stu-
dio, ut omnium quoscunque eximios præ reli-
quis hæc ætas dedit, amorem domum, tanquam
peregrinum mercimonium, referret. Quem ut
singulari humanitate peregre pepererat, ita in
patriam

CORNELIVS VANDER MYLE.

patriam reversus, admiranda, in negociorum mole tanta, diligentia scribendi ac labore aluit & conservavit. Itinere confecto, in Batavia Iosephum Scaligerum, omnium scientiarum apicem invenit: cujus animum cum primo statim intuitu expugnavit. quod ex ipso audire nemini. Idque legato honorifico idem heros postea testatus est. Plane ut omnium ubique Musarum amor esset, antequam patronus earum in patria fieret. quod evadere non potuit. Neque generositati ejus fata usquam defuerunt. Nam fere omnes quos privatus viderat, dum in cura Academiæ versatur, cum accessione maxima honoris iterum conspexit: Thuanum, Velsærum, Casaubonum, aliosque plurimos: quater in Galliam, bis ad Ludovicum xiiii & Reginam matrem, semel ad Venetos, bis ad Henricum quartum publica legatione functus. in qua, invicta illa & cœlesti manu, quam nemo hostium in acie sustinuit, & quæ totam quanta est Galliam, sæpe in horrorem dedit, & eandem amica pace solus iterum

CORNELIVS VANDER MYLE.

iterum composuit, præter expectationem eques factus est. Domi quoque, postea aliquamdiu in equestrem ordinem ac dignitatem allectus est. Vir non in transcurso dicendus: nisi debito illius virtutibus encomio, vna intercederet. Modestia nimirum. quæ in eo tanta est, ut superstitie se cæteras dissimulari malit.



ICONES & VITÆ

quotquot haberi potuerunt;
eorum qui
in

ACADEMIA LVGDVNO-BATAVA


Sacram paginam aut linguam Sanctam
id est,

SS. THEOLOGIAM

unquam professi sunt:

*Juxta seriem temporis, quo quisque eorum, ab ipso
Academiae primordio, professionem suam
auspicati seque mutuo insequuti
sunt.*

ordine hic industriè & fideliter exhibitæ.



CASPARVS COELHASIVS. SS.
THEOLOGIAE PROFESSOR.

CASPAR⁹ COELHASIVS.

NATVS est Coloniae Vbiorum
 Anno Christi clō lō xxxvi
 ipsā Conversionis D. Pauli
 Vigiliā, parentibus honestis,
 & seriō pijs: quorum indu-
 striā & sumtibus tum ibi-
 dem, tum Dusseldorpij sub
 Rectore Ioh. Monhemio, in bonis literis, inque
 Religione Majorum, sedulō institutus fuit. In
 hac igitur ad annum usque ætatis xxiv. ipse per-
 severavit. Quo tempore, purioris doctrinæ co-
 gnitionem per Dei gratiam adeptus, regno Pon-
 tificio, cui militare cæperat, palam renuntiavit,
 non sine magna rei familiaris, & honoris in hoc
 seculo jactura, & crebro vitæ discrimine. Itaque
 variā aliquamdiu fortunā jactatus, tandem An-
 no clō lō lx. Trarbachii, in ducatu Illustris-
 simi Principis Bipontini, ad Ecclesiæ Reformatę
 ministerium vocatur. In qua functione annum
 circiter integrum ibidem transegit. Hinc in Co-
 mitatum Nassovicum profectus, partim Bilstei-
 nę, partim Sigenę, eandem provinciam ferme
 quinquennium cum laude administravit. Anno
 deinde lxvi. Daventriam accersitus, paulō ul-

A ij

tra se-

tra semestre Ecclesiam ejus loci magnis laboribus collegit: & primus ibidem repurgatam doctrinam publicè in templo tradidit. Sed hinc violentiâ hostium expulsus, cùm veluti privatus ad breve tempus vixisset, mox anno LXVII. Efseñdiæ sub ditione Principis Clivenſis sacrum docendi munus repetijt: & triennium cum semestri in eodem istic consumſit. Inde in Palatinatum remigrans, Monsenheimij fermè biennium in hac ipsâ administratione continuavit, usque ad Annum LXXIII. Quo tempore ab Ecclesia Gorrichomenſi vocatus, cùm labores suos ad Christi gloriam utilius hic collocari posse crederet, contemptis periculis, & adversitatibus, quibuscum sæpe conflictatus fuit, cum familia in Hollandiam pervenit. Sed Gorrichomij vixdum semestri transacto, à Leidenſibus vocatur. Quibus cùm operâ suam Anno LXXIV. promississet, obsidione interim urbis gravissima durante (quæ aditum ipsi omnem præcludebat) partim Delphis, partim Dordraci, ubi Synodus generalis tum habebatur, ad tempus substitit. Verùm ipso liberationis die Urbem hanc ingressus, sæpe dictum Ecclesiæ ministerium circiter octennium, nempe ad annum usque LXXXI. fideliter in eâdem exercuit. In qua statione dum

versa-

versatur, ipsa hujus Academiae nostrae fundamenta, anno LXXV. ineunte Februario, feliciter jacta fuerunt. In cujus foundationis solenni Actu primus ipse Orationem inauguralem habuit: & professionem Theologicam ex superiorum voluntate auspicatus, Epistolam D. Pauli ad Galatas publicè ad tempus explicuit. Postea successorem non incommodum nactus, cui hanc lampada traderet, in solo Ecclesiae ministerio labores suos continuavit. Interea anno LXXIX. controversiâ inter ipsum & Collegas obortâ, de jure Christiani magistratus circa disciplinam, & regimen Ecclesiae, &c. quum cæteris ipse per conscientiam assentiri non posset, hi verò dissentientem ferre nollent: quumq; aliæ subinde difficultates ac lites, ex alijs nascerentur: ipse publicæ pacis studio munus docendi sponte suâ deseruit, & sibi suisque veluti privatus in posterum vixit. Agit nunc annum ætatis LXXIX. corpore quidem obseuium infirmo, sed animo in Christo bene valente. Edidit opuscula sat multa, maximam partem apologetica: sed belgico ferè sermone conscripta: idq; occasione potissimum controversiæ paulò antè dictæ. Horum omnium Catalogum ipse seorsim in lucem edere cogitat: idq; propediem, Deo favente facturum se promittit.



7 GVLIELMVS FEVGVERÆVS.

GVLIELMVS FEVGVERÆVS,
Theologus per illud tempus
non incelebris, Rothomagi
natus, atque è Gallia in Aca-
demiā Lugduno-Batavam
honorifico stipendio accitus,
ut post D. Coolhasium (qui
eam provinciam ad tempus tantum tunc susti-
nebat) Theologici studij fundamenta in hac fe-
licibus jam auspicijs crescente Academia iace-
ret; vocationem oblatam amplexus, anno clō
Io LXXV. in urbem Leydensē venit: eodemque
ipso anno professionem suam ibidem exorsus,
solus eam sine Collega aliquamdiu primus
ordinarie obivit, usque dum D. Bollius ei Col-
lega adjungeretur. Vix professionem ingressus,
disputationum creberrimarum mox exercitia
proponebat; hacque sua diligentia ad Acade-
miam frequentandam studiaq; Theologiæ ibi-
dem capeſſenda, plurimorum tam exterorum
quā indigenarum animos mirificè accendebat;
adeò ut jam inde ab hoc tempore observare li-
ceret certissima, Academiæ caput suum aliquan-
do magnificè erecturæ, indicia. Anno vero clō Io

LXXIX. rebus ipsius id ita exigentibus, ad suos iterum in Galliam reversus est, atque prouectâ iam multû ætate, ibidem ubi natus fuerat (quod paucis inter peregrinationes suas conceditur) vitam cum morte cōmutavit, anno, ut rumor est, clō lōcxiiii. Scripta quibus quidem Academiam Leidensem celebrem reddere studuit, ea fere hæc sunt.

Bertrami Prasbyteri, De corpore & sanguine Domini, liber ad Carolum Magnum Imperatorem, Gulielmi Feugueræi operâ emendatus & commentario illustratus.

Gulielmi Feugueræi responsa ad cuiusdam obscuri inquisitoris

in Zelandia delitescents, de Ecclesiaperpetuitate & Notis deq; alijs quinque eodem pertinentibus capitibus, quaestiones. Hunc libellum Iustus Lipsius, quod magni cum aestimaret, hoc elogio sub illud tempus prosequebatur.

Duplicia Hesperij rupistis vincla Tyranni,
Mattiaci, atque armis asseritis patriam,
Asseritisque fidem; patriam sed turbat Jberus
Ecce iterum, ecce fidem turbat hic ardelio.
Verum alij patriam: sed tu Feugræe tueri
Perge fidem, & fidei qui faciunt tenebras,
Scriptis illucere tuis: sunt vera ministri hæc
Munia, & ingenio digna tuo & genio.

IUSTVS LIPSIVS.

IOHAN.

IOHANNES DRYSIVS.



IOHANNES DRUSIVS
LINGUÆ .S. PROFESSOR.

IOHANNES DRUSIVS.



IOHANNES DRUSIVS, aliàs *vanden Dressche*, natus est Aldenardæ oppido Flādriæ haud incelebri, in ea parte vrbis quæ vulgo Pamele dicitur, in domo scandulari prope tēplum e regione castelli veteris: anno cl. l. xxviii. Iunij, pridie illius diei qui DD. Petro & Paulo sacer, circa horam septimam ante meridiem. Docuit Lugduni Batavorum annos vii. & quod excurrit. Hinc postea Franequeram Frisiorum ad Academiae tunc primum ibi nascentem excitus, ibidem, quamdiu Domino visum erit Linguam sanctam summa cum laude etiamnum adhuc proficitur; sacrae paginae Veteris iuxta & Novæ studiosorum sua nominis celebritate, undecunque ad se illuc quamplurimos evocans tanquam in hac professione jam Antesignanus aliquis. Habet inedita scripta partim adfecta, partim confecta, propemodum infinita, commentatus enim est in omnes fere libros Testamenti Veteris. Habet præterea in manibus alteram partem annotationum in T. Novum, quæ propediem etiam ipsa lucem aspiciet.

Scripta

Scripta ejus, quæ diversis temporibus edidit,
hæc sunt.


- | | |
|---|---|
| C omment. in Ruth. | De Hasidæis, contra eundem. |
| In Tobiam Castigationes. | Ad Minervæ Seratij Responso. |
| Comment. in Esther. | Opuscula Grammaticalia. |
| Comment. in Priorem Macha-
beorum. | Grammatica Ebræa in usum A-
cademiæ Franekeranæ. |
| Comment. in Ecclesiasticum. | Comment. in Sulpicii Severi Hi-
storiæ sacram. |
| Annotationes in N. T. | Comment. ad voces Ebr. N. T. |
| Observationum sacrarum libri
XVI. | Grammat. Chaldaea. |
| Questionum libr. III. | Apophthegmata Ebræorum &
Arabum. |
| Animadversionum lib. II. | Responso ad quæstiones anonymi
Theologi, de nomine Elohim. |
| Miscellaneorum Cent. II. | Nota in Gram. Clenardi. |
| Parallela. | Proverbiorum sacrarum Classis
duæ. |
| Comment. in minores Prophetas. | Proverbia Bensyæ & Adagiorum
Ebraicorum Centuriæ aliquot. |
| Fragmenta Veterum interpp. in
Psalms. | Tetragrammaton. sive de nomi-
ne Iehova. |
| De nomine Elohim. | |
| Quæsitæ per Epistolas. | |
| De tribus sectis Iudæorum, contra
Serarium Iesuitam. | |





LAM:

LAMBERTVS DANÆVS.



Hic natione Gallus est, patriâ Aurelianēsis: qui facili promptoq; ingenio, cui discendi cupiditas, labor, & exercitatio accedebat, id quod voluit est consecutus. præter artium enim Eucyclopædiam, variarum etiam scientiarum cognitionē adeptus est: earum scilicet, quibus sancta illa studia, quæ postremo secutus est, ornavit atque illustravit. adeo ut mirum sit, homuncionis unius ingenium tot & tam diversas scientias haurire & retinere potuisse. Initio operam Iuri dedit, annosq; xv. doctorem Aureliæ Annam Burgium audivit, qui postea consiliarius in senatu Parisiensi anno dñi. 1510. crematus fuit. Ex quo tempore reformatæ religioni adhærens, mutatis studijs, anno sequenti lx Genevam concessit, ibique se totum sacris literis tradens, summa sua vigilantia, lectione Auctorum infinita, memoriaque stupenda obtinuit, ut inter præstantissimos & exercitissimos Theologos fuerit habitus. In Pastorum Doctorumq; Genevensium ordinem accitus, & Ecclesiæ & Scholæ suæ opera perutilis fuit: qui

semper commentabaturque edebatque aliquid. Porro in Patribus, tum in Scholasticâ Theologiâ ita versatus fuit, ut non facile crediderim extitisse aliquem, qui in illo studiorum genere hunc antecelluerit. Geneva evocatum Academia Lugdunensis apud Batavos excepit, docentemq; audivit. cujus & eruditionem, ingenij alacritatem, promptitudinem, memoriamque in allegandis recitandisque Patrum, Scholasticorum, Canonistarum, Prophanorumque scriptorum sententijs, est admirata. Lugduno Batavorum post exactum annum discedens, Gandavum anno clb. Io. LXXXII. commigravit. ubi & ad breve tempus docuit. vrbe autem illa immoderato in rebus agendis studio, discordia moleque sua jam laborante, in Navarram vocatus: in qua Orthesianam Academiam Hispaniæ proximam docendo scribendoq; illustrorū reddidit; ac diem quoque extremum clausit, annos natus LXVI.

Danæi scripta Didactica hæc.

E lenchus Hæreticorum.	est Commentarius in Epistol. D.
Ethices Christianæ libri tres.	Paul ad Philémonem.
Tractatus de Amicitia Christiana.	Commentarius in priorem Epistol.
Tractatus de Ludo Aleæ.	Pauli ad Timotheum.
Physices Christianæ partes duæ.	Orationis Dominicæ explicatio.
De Veneficijs Dialogus.	Paratitla in D. Augustini Tomos
Exegetica.	duos præcipuos, nimirum VI. &
Methodus Sacre Scripture, quæ	VII.

D. Au.

D. Aurelij Augustini liber de Hæresibus.

Polemica.

Tractatus de Antichristo.

Commentar. triplex in Petri Lombardi libri primū Sententiarum.

Responsio ad calumnias Gulielmi Genebrardi.

Demonstratio Antithesis Jacobi Andreae de Persona Christi.

Examen libri de duabus in Christo naturis a Martino Kemnitio conscripti.

Apologia adversus blasphemias Jacobi Andreae.

Antosander, sive Apologia adversus injustam Lucæ Osiandri condemnationem.

Responsio, ad Lucæ Osiandri Admonitionum ad Ecclesias Gallicas & Belgicas.

Ad fratres Tubingenses Responsio de tribus gravissimis questionibus.

1. De S. Domini Cæna.

2. De Majestate hominis Christi.

3. De nõ dānandis Dei Ecclesijs.

Responsio ad Stephanū Gerlachium.

Sophismatum ejusdem Gerlachij Elenchus.

Responsio ad Nicolai Selnecceri librum, qui inscribitur Necessaria

& brevis Repetitio &c. in quo Exegesis Saxonica oppugnatur.

Ad Nic. Selneccerum de Exegesi Saxonica brevis Epistola.

Ad Articulos de Cæna Dominica.

Ministris Ecclesiarum & Scholarum Marchitarum proponēdos necessaria Responsio.

Ad Libellum ab Anonymo quodam

Libertino recens editum hoc titulo, De externa seu visibili Ec-

clesia, ubi illa reperiri possit, & quanam vera sit, Responsio.

Edita præterea a DANÆO.

Commentarius in Euangel. Matth.

Commentarius in Euangel. Marci.

Loci Communes: quorum tractatio

Capita summa v. continet. I. de

Deo. II. de Angelis. III. de

Homine. IV. de Ecclesia. V. de

Salutaribus Dei donis erga Ec-

clesiam.

Responsio ad Bellarmini Disputationes Theologicas.


Harmonia sive Tabula in Solomonis Proverbia & Ecclesiasten.

Geographia Poetica, lib. III.

Aphorismi Politici.

Politices Christianæ lib. VII.

Vetustissimarum primi Mundi Antiquitatum lib. IV.



IOANNES HOLMANNVS.



Gregium hoc Academiae Leiden-
densis ornamentum omnis-
que virtutis expressissimum
exemplar, Stadena, Germa-
niae celebre emporium, pro-
tulit Anno clō. 15. xxiii. cla-
ris ob officia, & religionis
pericula parentibus, antiqua prosapie Bremao-
riundis. Nam patrem habuit Ioannem Hol-
mannum Primum, primum in vrbe Stadena ab
inclyto Lutheri ingenio Reformatae Religionis
antistitem, & Verbi Divini Ministrum, ferues-
cente etiamnum ibidem superstitione Pontificia.
Vnde non semel ab insidiatoribus in vitae dis-
crimen adductus est. Mittitur a parentibus suis
Ioannes Holmannus Secundus, admodum puer,
Rostochium; primaque studiorum fundamenta
feliciter ibi ponit & absoluit. Inde ad maiorem
uberioremque studiorum progressum & cultum
Wittenbergam, & magni Philippi Melanchtho-
nis, Lutheri, ac Lotichij, contubernium able-
gatur. Quibus domestica familiaritate, vitae in-
tegritate, ac eruditionis nitela, ita se probavit,
ut instar filij a Philippo diligeretur. Adeo ut ipse

Philippus neminem ad Potentissimi Saxoniae Ducis filios instituendos & moderandos HOLMANN O aptiorem censuerit, ejusq; commendatione hoc officio summa cum laude functus fuerit. Sed mox in patriam revocatur, & Sacro Ministerio initiatur: primumq; in pagis Stadenæ vicinis, deinde ipsa in patria sua summo cum honore hoc munere fungitur. Vxorē ducit Annam anno ætatis xxiii. ex qua liberos suscepit quinque. Eorum natu maior Ioannes Holmannus tertius cum ad ætatem adultam devenisset, egregiamq; studijs operam navasset, simul cum patre Stadenæ Verbi divini Ministerio functus est; ductaque uxore tres liberos procreavit. Sed nullam felicitatem in his rebus caducis perpetuam S. Deus homini esse voluit, fortunamque nobis vitream largitus est, quæ tunc cum splēdet frangitur. nam repentē fatalis aries Holmanni familiam concutit: moritur uxor, moriuntur liberi omnes, & tres ex filio nepotes. Ita Ioannes Holmannus Secundus qui modò pater & avus fuerat, & jam pronepotes expectabat, omni posteritate destituitur. Cumque circa hoc tempus viri eruditio ac celebritas Nobilissimorum & Amplissimorum Academiae Leidenfis Curatorum & vrbis Consulū auribus insonuisset, amplif-

amplissimis honestissimisque condicionibus, virum ætate gravem, Theologiæ scientia maximum, Hebraicarum ac Grecarum literarum peritia clarissimum, ad Ordinariam in Academia sua Theologiæ Professionem sustinendam evocant. Leidam igitur commigrat anno cId. Id. LXXXI. & post menses quindecim ex patria accersit Beken ab Edenbuttels virginem patrinam (quam olim infantem sæpe ulnis gestaverat) ac Leidæ in uxorem ducit. Cum qua deinde suaviter vitam transegit, sed sine ullo prolis proven-
tu, usque ad annum cId. Id. LXXXVI. Tunc lethali febre oborta moritur secundo die festi Natalitij Salvatoris nostri, mane hora vii, in amplexibus IOANNIS HEVRNII, adstante Iano Doufa, Lipsio, Beima, cum uxoribus, amicis charissimis. Nam nec Doufa, nec Heurnius magis familia-rem aut amicum unquam quenquam habuere. Exequias HOLMANNI docta & magnifica fune-
bri oratione decoravit Cornelius Grotius Iuris Professor Ordinarius. Ingenti amicorum cum
luctu, & non mediocri Academiæ damno Hol-
mannus mortalitatem explevit. Nam præter sum-
mam Theologiæ peritiam, adeò exacta literarum
Hæbraicarum peritia clarebat, ut omnibus Eu-
ropæ ingenijs eo in studio aciem perstringeret.
In

In niveo hoc pectore cū Relligione & sincera fide
Eruditio ac comitas certabant. adeò ut virtutem
in ipso extollere, esset iniuriam eruditioni infer-
re: eruditionem laudare, nihil aliud esset quam
virtutem deprætiare. Hunc Celsissimus Prin-
ceps MAURITIUS NASSAVIUS, tum in A-
cademia Leidenſi studijs vacans, hunc Curatores
& Consules reverebantur; amabant College, ve-
nerabantur & loco parentis colebant studiosi.
Ad publicas enim lectiones domo exiens, inde-
que rediens magna studiosorum caterva dedu-
cebatur. qui honor nulli Professorum ab ipsis A-
cademiæ incunabulis, in hunc diem usque, nisi
Holmanno & Lipsio tantum contigit. Scripta
quidem nulla edidit, sed plurima reliquit, quæ
cum instructissima ipsius Bibliotheca publicè
adservantur. Nam moriens Academię totam Bi-
bliothecam legavit, primum fundamentum &
exordium Bibliothecæ Leidenſis.



IOANNES HOLMANNVS. ****

*Vir Nobilissimus IANUS DOUSA, Dominus,
de NOORTWYCK,*

Academiae Leidenfis Curator, ac Supremæ
Curia Hollandiæ & Zelandiæ
Confiliarius,

mœstus amico intimo

IOANNI HOLMANNO SECVNDO,
THEOLOGIAE PROFESSORI
GLARISSIMO,

*in perpetuam posteritatis memoriam
hanc*

FVNEBREM ELEGIAM

Posuit Leydæ in templo
DIVI PETRI.

Hoc tumulto HOLMANNI cineres Libitina sacra-
Siste hospes; fuerit, dū; quis & unde scias. (vit:
Prognato ingenuis STADENA parentibus auras
Lucis, & expensâ huic prima alimenta tulit.
Mox RHODUS, & CIMBRÆ puero plausistis ATHENÆ,
Quâ CODANA frequens littora plangit olor.
Hic percepto animi cultu, morum indole, vitam,
Ingenuum, ingenuis artibus excoluit.

Nec

IOANNES HOLMANNVS.

*Nec satis hoc: celebrum MISNI quoq; Principis AVLAM
Et WITTENBERGAM noscere cura fuit.
Sæpe hic LOTICHII pendere canentis ab ore,
Sæpe tua meruit voce, PHILIPPE, frui.
Sacrorum imprimis RITVS perdiscere cordi:
Et studium veræ Religionis habens.
Majores natu venerari, aequalibus uti
Comiter, à fastu liber & inuidiâ.
Et mirum, tantis virtutum insignibus auctum
SAXONICI studium promeruisse DVCIS?
Et dignum ante alios habitum, sua pignora curæ
Cujus, & arbitrio crederet, & fidei?
Martia quò placidas molliret corda per artes,
Æmula Phylliridæ Suada Magisterio.
Si magnis placuisse haud parva est gloria, noster
Cur non hac etiam laude SECVNDVS ouet?
Sed durum pugnare Deo, patriæque VOCANTI,
Sic laribus tandem redditus ille suis.
Spargere DIVINI properavit semina VERBI
Vixdum etiam quinas natus Olympiadas.
Erudiundi alios SOPHIA est & principium & fons,
Hæc paritur non ætate sed ingenio.
Quæ cura à teneris HOLMANNO inceßerat annis
Civibus ut posset utilis esse suis:
Hæc eadem usque, per undecimæ Trieteridis orbem,
Ad canos etiam concomitata senem:*

Dura

Duratura rogò porrò tenuis. Et bene, sinon
Huc quoque manasset nominis aura tui.
Scilicet hinc BATAVO BREMAM mutare LYCÆO,
Et LVGDVNENSEM iussus adire SAIN:
Hospitæ ubi terræ ossa dares, ea scilicet una
Deerat adhuc spatijs ultima meta tuis.
Haud aliena tamen: certè domo abusque petita,
Hic ijt in thalamos CAIA secunda tuos:
Quæ legeret supremo animam morientis ab ore,
Lumina quæ cauis conderet articulis.
Hic priva, ac DOVSÆ laribus confinia tecta:
Carior hocque etiam nomine LEIDA tibi.
Parva loquor: tanti certè inquam LIPSIVS ille,
Qui tibi pro multis millibus unus erat.
Discipulorum auris, tanti; consueta frequenti
Cingere suggestus obsidione tuos:
Solenni que senem juvenum deducere pompâ,
Abdita dum magni fers documenta Dei.
Indicio fuerit librorum exstructa supellex,
Versatos manibus quos iuvat esse tuis.
Hanc Academia voluisti cedere in Vsum,
Prodesse orbi etiam post tua fata studens.
Nec pietas obscura tua hæc, sed in ACTA relata
Publica nunc quo stat BIBLIOTHECA loco.
Ingenij hic quoq; multa tui monumenta leguntur,
Signata archetypis illa voluminibus.

Lique

***** IOANNES HOLMANNVS.

*Liqueris hæc animi quo robore, quamquæ SALVTIS
Spe solida innexus, prætereunda mihi.*

*Uxorem & quotiens solatus dixeris, O quam
DISSOLVI, & tecum me, Deus, esse iuvat.*

*Ut propria hæc ejus fuerit laus; mihi satis illud
Dicere, non aliter sit mihi posse mori.*

*Sic tua mors, sic Vita odij expers omnis, & unde
Jure sibi exemplum nostra LYCÆA petant.*

*Nunc veram tibi det REQUIEM Deus, & bona multa
Eveniant cineri, care SECVNDE, tuo.*


EPITAPHIVM.

Deo Max.

Beke ab Edenbuttels.

ET. MEMORIÆ. IOH. HOL- VXOR. HEV. MOESTA.
MANNI. SECVNDI. THEO- POSVIT. VIXIT. AN-
LOGI. ET. PROFESSORIS. NOS. LXIIII. OBIIT. ANNO.
VITA. DOCTRINAQ; LAV- CIO. IO. LXXXVI. VII.
DATI. KAL. IAN.

HADRIANVS ZARAVIA



ADRIANVS ZARAVIA

Theologus eximius, simulque in linguis plurimis egregiè versatus, propter nominis celebritatem & quia putabatur Academiæ Leidenſi utilem admodum nauare o-

peram poſſe, a Nobiliſs. DD. Curatoribus & Conſulibus Urbis, ad Academiam eorum vocatus, Theologiam ibidem profiteri cœpit anno clō lō LXXXII. atque cum ſub illud ipſum tempus plurimi ex Arteſia, Hannonia, Leodiensī, Namurcenſi agro, atque etiam aliunde Galli exules ingruentibus bellis ac perſecutionibus, deſertis ſuis finibus, religionis ergo Lugdunum Batavorum habitatum concederent, ibidemque cœtum utcunque magnum conſtituerent, eccleſiæ Gallorum illorum exulum paſcendæ a Magiſtratu Leidenſi præfectus eſt, inque hoc utroque munere annos aliquot cum fructu magno conſumpſit. Sed anno LXXXVII, quoniam negotijs Leyceſtrianis ſeſe imprudentius innexuiſſet ſubito hinc diſcedens, fixis poſtmodum in Anglia ſedibus, ibidem reliquæ vitæ ſuæ tempus in-

C

fun-

functione ecclesiastica exegit, plurima interea temporis non contemnendæ eruditionis Theologica scripta diuulgavit. Fuerunt verò hæc primum quidem seorsim edita, sed anno clō lō cxi. undecunque collecta atque conquisita uno omnia simul volumine edidit Societas Stationariorum Londinensis, suntque hæc:

- D**E diversis gradibus Ministrorum Evangelij. Responsio ad convitia quadam Gretzeri, in quibus Hadriani Zaravia nomine abutitur. N. fratri & amico.
- De honore præsulibus & præbyteris debito. Examen tractatus D. Beza De triplici Episcoporum genere.
- De Sacrilegis & Sacrilegorum pænis. Defensio tractatus De diversorum Ministrorum gradibus ad Theodora. Bezam. De imperadi auctoritate & Christiana obedientia, libri quatuor.





FRANCISCUS RAPHELENGIVS
HEBRÆARUM^{RA}LITERUM PROFES.

C ij

FRAN.

FRANC. RAPHELENGIVS.



ANNO II, ditionis Insulanæ oppido, natus xxvii Februarij anno Christi cl^o l^o xxxix, prima literarum fundamenta cū Gandavi iecisset, patrem amisit: proinde matris iussu ad mercaturam se convertere coactus, à mercatoribus apud quos collocatus erat, Noribergam missus, animo ipsius ad mercaturam minus aut apto aut inclinato, apud eos ipsos ad quos missus erat, commoditatem nactus est studia pauxillum intermissa per biennium plus minus continuandi. Domum inde reduci nova se obtulit occasio Lutetiam proficiscendi: ubi, florente tum Academia, magnos in linguis Græca & Hebræa sub illustribus professoribus, & inprimis Ioanne Mercero, profectus fecit. Supervenientibus ibidem bellorum civilium tumultibus, in Angliam se contulit, & Cantabrigiæ aliquantisper Græcam linguam profectus est; donec instituta in patriam revisendæ matris gratia profectio, Antverpiam in reditu divertit, coëmendis aliquot libris, quorum tum Cantabrigiæ non magna erat copia. Dum Antverpiæ

verpiæ aliquantisper hæret, correctura Typographica ipsi arridente, mutato consilio, operam suam Christophoro Plantino addixit: qui adeò ingenuitate morum ipsius delectatus est, & potissimum quòd typographiæ suæ, eruditionem juvenis cum insigni coniunctam diligentia perutilem fore animadverteret, ut maximam naturæ filiarum Margaretam ipsi elocaret anno clō. 15. LXV. Dum in foceri typographia per plures annos correcturæ librorum præcipuam molem sustinet, Biblia illa magna, quæ Regia vocant, edere Plantinum contigit. In horum editione incredibile quantos labores Raphelengius sustinuerit, dum accuratissimè singula recognoscit, Annotationibus, ubi opus erat, illustrat; versionem interlinearem adornat; Grammaticam Hebræam ex optimis quibusque Grammaticis cum iudicio & cura collectam addit; Epitomen Thesauri linguæ Hebrææ Santis Pagnini infinitis vocibus auget, & innumeris locis emendat; quod satis ex testimonio Benedicti Ariæ Montani inter Prolegomena præmissio, patet. Multa ijsdem annis ad ornamenta librorū quos focer excudebat, præcipuè in linguis Orientalibus, corrigendo, illustrandoque præstitit, quamvis rarò nomen suum adscribi pateretur. Tandem focero

Lugduni Batavorum, quo longiùs à turbis abesset, commorante, omnis molestia directionis Typographicae in illum fere solum Antverpiae incubuit. Plantino verò sub finem anni clb. lb. Lxxxv. Antverpiam reverso, vice versa Raphelengius Lugdunum Batavorum cum familia commigravit, & in partem Typographiae quam eò Plantinus transvexerat, successit. Hic Hebraeae linguae Professor factus, operam suam & Curatoribus Academicis, & auditoribus suis probavit. Otium insuper maius nactus, seriò Arabicæ linguae cognitioni, quò antè semper animus illum ferebat, se applicare cepit; & subsidijs librorum, quos Guil. Postellus & And. Masius benevolè subministràrant, *Lexicon Arabicum* satis copiosum confecit; adiutus etiam nonnihil usu librorum Iosephi Scaligeri, quo cum sæpenuerò de ijs studijs conferebat. *Lexicon* hoc cùm in nimiam molem excrevisse illi videretur, demtis multis quæ minùs necessaria existimabat, in formam editioni aptiorem contractius descripsit; ita tamen vt tironibus sufficere, & provectioribus etiam placere posse non omnino desperaret. Vix ultimam manum Lexico describendo imposuerat, cùm mors, quam toto triennio præ tædio amissæ uxoris, & paralyfi afflictatus, sæpe optaverat,

rat, virum optimum humanis exemit Iulij anno Christi cIo. Io. LXXXVII. ætatis suę LVIII. superstitionibus filijs tribus, filia vnica. *Lexicon* id quindecim ab obitu ipsius annis publici iuris factum est. Scripsit præterea *Dictionarium Chaldaicum*, quod posterioribus editionibus *Epitomes Pagniniane* subiunxit; item alia quædam; sed omnia in privatos suos vsus: vt *Lexicon Persicum* vocabulorum quæ in Pentateucho; item *Observationes linguae Hebræe*, quas vir minimè ambitiosus nonnullis familiarium & discipulorum promptè & liberaliter communicavit. *Tabulas* item in *Grammaticam Arabicam*, & alia huc facientia, sibi concinnavit: sed quæ edi noluit, ne Postello, qui primus Christianorum *Grammaticæ Arabicæ Rudimenta* vulgavit, gloriam præripere voluisse videretur. Multa ex Hebræo & Arabico in Latinum sermonem transtulit; quorum pauca admodum perfecta, pauciora edita sunt.

Statura fuit paulo infra mediocrem; forma faciei qualem imago hæc non infeliciter refert; colore florido; barba spadicea, oblongiore; oculis cæruleis; moribus sine fuco & fallacijs, & præcipuè ab omni fastu alienissimis. Familiares habuit viros doctos Ariam Montanum, Boderianos fratres, Iosephum Scaligerum, Ioannem Drusi-

Druſum, Franciſcum Iunium, Franciſcū Gommarum, & alios; ſed intrinſecè Abrahamum Ortelium, Cornelium Kilianum, Carolum Cluſium, Iuſtum Balbianum, Iuſtum Lipſium, & Lucam Trelcatium ſeniores.

IN OBITVM
FRANCISCI RAPHELENGII.

Aſpicis anguſtam tumuli ſe tollere molem,
Lenique terram vertice,
Exiguo raram gremio quæ poſſidet umbram,
Maneſque nobiles. procul
Hinc fuge, cui ſclerum cura eſt, cui gloria rerum
Ventosa pectus erigit:
Virtuti patet ille locus, ſolique beatus
Sacer modæſtiæ vacat.
Virtutum domus eſt: jacet hic Raphelengius ille,
Ingentis Europæ decus.
Huic oriens Aurora ſuos ediscere ſoli
Permiſerat lubens ſonos.
Eoſque domi rediens tranſduxit honores,
Pauciſque cognitus licet
Cum patrijs Batavis Arabas confudit & Indos.
Ah! hoſpes, ah! en, qui fuit
Sol oriens nobis, linguaſque orientis ab ortu
Transvexit, occidit tamen.



LUCAS TRELCATIUS PATER
THEOLOGIAE PROFESSOR.

D

LVCAS

LVCAS TRELCATIVS P.



RINI natus est, in agro Atre-
batico, non procul Duaco,
anno clō. 15. XLII. Pueri cu-
ram matertera suscepit, pia &
religiosa Fœmina, Cœnobij
cujusdam Vestalium Mater.
Ab hâc Duaci primum edu-
catus, ubi literaturæ principia hausit, & pro in-
genio, quo valebat, in literarum humaniorum
scientiâ profecit plurimum. Ex eâ schola insu-
las Flandriæ missus est, atque inde Lutetiam, ce-
lebre tunc omnis doctrinę emporium. Illic dum
studia colit, viris magnis quibusdam innotescit,
inter quos Ioannes Mercerus, regius Hebræę
linguæ professor, & Petrus Ramus oratoriæ.
Moxque religionis purioris amore accensus,
materteræ beneficijs renuntiat, & mercatoribus
quibusdam Insulanis, studijs promovendis ne-
cessaria promittentibus, operam in posterum
addicit. Lutetiâ deinde Aureliam abiit, inde
Sancerram, quod in agro Biturigū oppidum est,
obsidione ac fame celebre, anno ætatis XXVIII.
Inde per belli civilis tempestatem huc illuc cir-
cumactus, in Angliam ejectus Londini sedem
fixit.

fixit. Ibi linguæ Latinæ Ludum aperuit, jamq̃;
 octauum ita annum exegerat, cum vocatus ab
 Insulanis, Ecclesiæ istius ministerium capessit.
 Sed iniuria temporum non diuturnam illi hanc
 sedem permisit, itaq̃ue ad Bruxellanos, à quibus
 antea quoque rogatus erat, commigrat. Hic post
 sexennium disturbatis Ecclesijs, Antverpiam se
 contulit, ibidemque propter obsidionem urbis,
 & infesta itinera, menses ferme octo subsistere
 coactus est. Interea, cum variæ vocationes ipsi
 offerrentur, de fratrum sententiâ, Ecclesiæ Gal-
 licæ Lugduni Batavorum se addixit, cui per xvii
 annos fideliter inseruiuit. Vix biennium illic
 egerat, cum propter eruditionem eximiam ad
 Academiam adhibitus fuit. Tandem cum mul-
 ta laudemunus obeuntem, pestis rebus humanis
 exemit, Anno clō. Is. cii, ætatis lx. Scripsit
Synopsin Theologiae.

IN OBITVM


LVCÆ TRELCATII P.

TRelcatij ora cernis & pium caput:
 Vox sola restat, priscaque eloquentia.
*Illam relinquit artifex scalpri manus,
 Ut ipse laudem servet hanc totam sibi.*

D. H.

D ij

CARO.



CAROLVS GALLVS.

CAROLVS GALLVS natus
 Arnhemix, primario Geldrix
 oppido, ex patricia familia
 anno Christi clb. lb. xxx. die
 xvi Augusti. Hic fundamen-
 tis liberalium artium, & cog-
 nitione Latinæ & Græcæ lin-
 guæ mediocriter excultus, Coloniam Aprippi-
 nam ablegatus, ibi initio juri operam dedit; ejus
 verò mediocri cognitione tinctus, mutato stu-
 dio, veræ & orthodoxæ religionis zelo ductus
 Genevam concessit, studiumque Theologiæ ar-
 ripuit, sub præceptoribus, magni nominis viris
 Iohanne Calvino, & Theodoro Beza, ac sum-
 ma sua vigilantia & morum humanitate obti-
 nuit, ut præstantissimo cuique ac eruditissimo
 gratus acceptusque fuerit. Peragrata deinde reli-
 qua Gallia in Germaniam sese transtulit. Redux
 in patriam quantos labores, quæ pericula exce-
 perit & sustinuerit, vix quisquam dixerit, veræ
 enim pietatis luce instructo, erat tunc temporis
 periculosum eam profiteri. Deinde Daventriam
 evocatus ibi fidelem piumque verbi divini præ-
 conem egit, & in vera orthodoxa reformataque

D iij religio-

religione, Ecclesiam sibi commissam pie feliciterque instituit & gubernavit. Adhæc turbata ibi propter pontificiorum persecutiones Ecclesia, ab illustrissimo principe Wilhelmo Duce Clivensium, Hammonam Marchiæ oppidum est evocatus, ibique per xvi annos pastoris fidelissimi munere in Ecclesia defunctus est. Inde furoribus & turbis Anabaptistarum ejectus, tandem Lugdunum Batavorum ad Professionem Theologicam ab Amplissimis DD. Curatoribus est accersitus anno clō. 1ō. LXXXVII. In qua vocatione septennium cum honore & fructu auditorum non exiguo versatus, post sopitos in patria militares tumultus, longēque a patria absentia pertæsus, patriam quasi postliminio repetijt, ubi nunc octuagenario major in vivida & virenti senectute, Deo, sibi, & sacris studijs quicquid superest vitæ, consecravit.

Edidit publicè in lucem, librum Gecmanice conscriptum contra errores Anabaptistarum. Præterea edidit Latine brevem & perspicuum Commentarium in Apocalypsin Divi Iohannis: qui inscribitur *Clavis Prophetica, Nova, Apocalypseos Iohannis Apostoli & Evangeliiographi.*



PHILIPPUS MARNIXIUS SANT-
ALDEGOND .V.N. THEOLOGUS.

PHI-

PHILIPPVS MARNIXIVS.

PHILIPPVS MARNIXIVS sancto-Aldegondius nat⁹ est Bruxellis, anno clō lō xxxviii. Nomen ejus per Europam totam clarissimum; & in viro genus, ingenium, eruditio, eloquentia, virtus, atque industria certabant. Tumultu Belgico pro communis patriæ libertate præclaram sanè operam nauavit, & à GVLIELMO NASSOVIO AVRIACO, magno Principe, summo in honore habitus est. Vix quisquam dicat, quantos labores, quæ pericula pro Rep. exceperit, & sustinuerit. Ad diversos Reges, Principes, ac Respublicas, sæpe legatus. Inter varias gravissimasque occupationes aut scribebat, aut commentabatur semper aliquid, Reip. aut Ecclesiæ profuturum. Cum singulari sacrarum literarum amore flagraret, è linguâ Hebræâ, cujus præter alias plures apprimè doctus erat, Psalterium transtulit, Inde Biblia quoque ipsa, Ordinum auspicijs, est aggressus, quod opus absolvere mors non permisit. Ac postremum in Galliam legatus, valetudine obnoxia, fractoque multis laboribus corpo-

corpore, Lugduni Batavorum in Musarum gremio expiravit, cum in Vrbe illâ Bibliorum translationi incumbens, annos aliquot exegisset. Obijt xv. Decembris anno seculi xcviii. ætatis suæ lxx.

EPITAPHIVM.

NON poterant alibi tua dignius ossa cubare
MARNIXI, juxta clare sago atque toga,
Quam LEIDÆ; Martis quæ & Palladis artibus altè
Effert præ reliquis urbibus alma caput.

Scripta hæc sunt.

P salmi ex Hebræa in Belgicam linguam translati : deinde ad Rhythmos Belgicos ab eodem re- vocati.	Exules, Brabantos, Flandros, Hannones, Artesios, aliosque Belgas, peregrinis in regionibus, ob puram Euangelij doctrinam, dispersos.
Sic Veteris & Novi Testamenti Cantica.	Tractatus de Cæna Domini, ad
Theses aliquot de Ecclesiæ atque Ecclesiasticarum Traditionum ætate seu certa norma.	Galliarum Regis sororem, Lotharingiæ Duci nuptam.
Item de Sacramento Cæna Domini- nice	Contra Libertinos.
Responsio ad Michaëlis Baij, Regij Professoris Lovaniensis, Apologiam.	Apologetica Responsio contra Anonymum quendam Libertinum
Epistola Consolatoria ad Fratres	Alvearium Romanum.
	Tabula, quâ differentia Christiana & Papistica Religionis exponitur.

E

Oratio

*Oratio pro Serenissimo Archiduce
Austriae Matthia & Ordini-
bus Belgicis, habita Wormatia*

*in Comitijis, Anno Cl. Id.
LXXVIII. mense Majo.*

His accedunt varia & varijs temporibus evulgata.
*Admonitiones, Declarationes, Tractatus, Consilia,
Disputationes, Consolationes, Interpretationes, Et
inter Seria, Ioci etiam & Facetiae, aliaque Scri-
pta Anonyma multa.*





FRANCISCUS IUNIUS SS.
THEOLOGIAE PROFESSOR.

E ij

FRAN-

FRANCISCVS IVNIUS.



IRVM NOBILEM, nobiliorem Theologum, Bituriges protulerunt anno clo. lo. XLV. Primum quinquennium egressus elementa discere cœpit docente patre, sexennis scribere. Annos natus XII. lectionibus publicis operam dedit, & Iuris studium arripuit, sub præceptoribus magni nominis, Francisco Duareno, Hugone Donello, Antonio Concio, & Ludovico Russardo. Sed eo postea neglecto ad Theologiam se applicuit, exactisque aliquot annis Genevæ, cum nuntiaretur Ecclesiam Gallicam Antverpianam ministrum sibi quærere, cum amicorum suasu, tum proprio animi motu, occasionem arripere placuit. Vbi fideli aliquamdiu navatâ operâ, ut & in vicinâ Flandriâ, Gandavi, Brugis, alibi variâ fortunâ sæpe cum præsentissimo vitæ periculo, Limburgum transiit, cum neque illic tutam stationem haberet, neque ibidem abijt, exceptusque illic humanissimè à Frederico Electore aliquantisper hæsit in ecclesia Scænaviensi. Inde itinere in Galliam instituto, ut matrem amicosque salutaret,

lutaret, eo peracto in palatinum redijt, ibique
 commoratus variâ mansione ad annum clō. lō.
 xcii. cū ducis Bullionij auctoritate in Gal-
 liam rediturus, Belgium transfret, Lugduni Ba-
 tavorum benignè exceptus detentusque, per de-
 cennium in Academiâ SS. Theologiæ Professo-
 ris primarij munus sustinuit. Tunc grassante
 per omnem Hollandiam peste absumptus, Deo
 animam piam reddidit, anno clō lō. c. 11. æta-
 tis LVII.

EPITAPHIVM CHRONOSTICHVM.

OCtobrIs ter sena DIes & qVIna refVLget
 SenaqVe LeyDensI bls sonat hora solo.
 OrbIs Vbl Titan FranCIscVs IVniVs atrâ
 TaCtVs peste, æthræ regna beata petIt.

A. A.

ALIVD.

IVNIVS ergo abijt, Batavæ lux aurea gentis;
 Et quem vix orbis, nunc brevis Urna capit?
 Quis lamenta mihi dictet, quis flebile Carmen,
 Atropos, inque tuum non bona vota caput?
 Siccine tam sancto tollis de vertice crinem;
 Diaque, quæ poteras parcere, fila secas?

E iij

En,

En, facinus pullato ECCLESIA luget amictu,
Et sua GYMNASIUM nobile damna gemit.
Et plorat PIETAS, & sparsos scissa capillos
Persolvit cineri tristia iusta pio.
Sertaque dat lacrymis VIRTUS manantia, mittit
Inferias tumuli in vertice, cana FIDES.
Sic tamen æterno decurrunt ordine fata:
Vertitur arbitrio sors sua cuique DEI.
Et ratio est, animum nobis quæ temperet agrum:
Debuit hoc cælo, quod dedit, ipse suo.

IOANNES MEVRSIUS.

Scripta ejus hæc sunt.

O Ratio Gallica ad Regem Hispaniarum pro defensione Belgij. facta Germanorum postulatu. Apocryphi libri translati, cum Notis.
 Responsum ad fratres Zandwicens in Anglia, de imagine Christi. Ioannes Tilius De regibus & Regno Gallorum Latinus factus, historia studiosorum quorundam postulatione.
 Vetus Testamentum cum D. Immanuel Tremellio translatum ex Hebraico. Oratio De lingua Hebraea. Grammatica Hebraea lingua.
 Acta Apostolorum, & Epistola Ecclesiasticus Pauli ad Corinthios translata ex Arabico. Specularium Immanuelis Tremellij adversus Gnebrardum.
 Confessio fidei Frederici III. Elect. Palatini Gallica. E- Orationes duæ Francotalia habita ad lectionem veteris Testamenti.
 I. Bodini Daemonomania Latina. Oratio.

- Oratio de vita & obitu Zachariae In Daniele Commentarius.
 Vrsini. Confessio Regis Galliarum Gallicé,
 In Anathematismum Georgij Libitina in obitum Ioannis Casimiri Comitis Palatini.
 XIII. adversus Gebherdum Coloniensem Episcopum.
 In Epist. Iudae Apostoli. In Psalmum CI. Commentarius.
 Orationes quatuor ad lectionem Expositio in Apocalypsin Gallicé.
 Veteris Testamenti. Analysis in Genesin.
 Προκαταβλημα in quatuor primos Psalmos Davidis. In Ionam Prophetam Commentarius.
 Apologia catholica Latina facta. M. T. Ciceronis epistola ad Atticum & Q. fratrem cum E-
 Lexicon Hebraicum. mendationibus & Notis.
 Index Expurgatorius.
 Admonitio Christiana contra Defensio catholica doctrina de
 Ioannem Haren, Gallicé. natura & gratia.
 Liber, cui titulus, Academia. Eirenicum.
 Curopalates cum Notis, Gracé Christianus Pacificus Gallicé.
 & Latiné. De politia Moysis observatione.
 Epistola dua Regis, & una Ples- De Theologia.
 sei Latina facta. Oratio in Iesuitas Latina facta.
 Paralleli sacri. Tertullianus cum Notis.
 Prætexta pulla in obitum Principis Anhaltini. Animadversiones in Bellarminū.
 Προλογισμός in III. capita Gene- item Animadversiones ad
 seos. tres libros de TRANSLATIONE IMPERII
 Confutatio argumentorum in hi- ROMANI à Gracis ad
 storiam creationis. Francos, quos Bellarminus Di-
 Nota in Apocalypsin. sputationum suarum libris in-
 Manilius cum Castigationibus terferuit adversus Matthiam
 & Notis. Flaccium Illyricum.
 Prima defensio doctrinae catholicae Commētaria in Iechēzelem Pro-
 de Trinitate. phetam.

*In Euangelium secundum Mat-
theum analytica expositio.
Loci communes aliquot SS. Theo-*


*logia, & alia quæ nondum
exstant.*

Regia majestas, quam quondam vidimus, oris
Talis erat, Iuni sic rediurus eris.
*Sin furor est, tentare hominem cœlestia quenquam;
Et furor est, dotes pingere velle tuas.*

D. H.



FRAN.



FRANCISCUS GOMARUS THEO:
LOGIÆ PRIMARIUS PROFESSOR.

F

FRAN-

FRANCISCVS GOMARVS.



FRANCISCUM GOMARUM
 domo Flandrum, Anno a sa-
 lute parta clō. 15. LXII. dede-
 re Brugæ, veræ Belgarum A-
 thenæ. siue humanitatem ci-
 vium videas, siue ingenia ad
 literas nata, siue nominis ce-
 lebritatem, ad quam plures nostra tempestate
 pervenerunt. Patri Francisco, matri Iohannæ
 Moermans fuit nomen; ambobus honesto loco
 natis, & in re non contemnenda. Puer prima li-
 terarum stipendia in urbe patria fecit, quæ do-
 ctissimos iuventutis doctores semper aluit in li-
 teris; nonnunquam & qui publicè docerent: in-
 vidente frustra Dovaco, cui Academia præroga-
 tivam Flandria concedit. Cæterum cum pietatis
 veræ luce imbutus esset, & hanc parum tutum
 esset, ut tum tempora ferebant conscientia in-
 qua, profiteri, in Britanniam se contulit: ubi in
 Philosophiam magna animi contentione incu-
 buit, & peracto, ut loquuntur ibi, cursu, magi-
 sterij honorem adeptus est. Hinc in Germaniam
 profectus, in ea Heidelbergam, in qua summi
 tum Theologi docebant, studijs delegit. Neque
 minus

minus optatam ibi metam cursu contigit, & supremum in sanctissima hac facultate gradum promeruit. Cum autem patria carendum videret sibi, Francofurtum ad Mœnum, urbem toto orbe a celebritate nundinarum, quæ bis anno recurrunt, notissimam, reliquis prætulit: ut in eo cum fructu verbum Dei purè ac fideliter doceret. Et in ea quidem Ecclesia annos aliquot transegit. Tandem Lugdunum Batavorum, ab ijs quorum curæ ab Illustribus Hollandiæ Ordinibus commissum est, ne quid detrimenti literaria res capiat, in hanc Academiam, quæ magni jam tum erat nominis, vocatus fuit. in qua annos aliquot Lucam Trelcatium Patrem, divinæ cujusdam pietatis ac facundiæ virum, mox & Filium, in primis vero magnum illum Franciscum Iunium, cum quo & affinitate se conjunxit, collegas habuit. cui Iacobus Arminius, ingenij ac iudicij acerrimus, deinde successit. Tandem cum Senatui Populoque Middelburgensi, de illustri apud suos schola instituenda cogitare visum esset, honorificè ab ijs invitatus, ut nimirum Ecclesiam pasceret, quod subinde Lugduni fecerat, & Hebræas litteras, simul ac Theologiam doceret, eò se contulit. Linguas plures præter patriam didicit; sed præsertim quibus eruditi cen-

F ij sentur,

sentur, Latinam, Græcam, & Hebraicam. Hanc
à Iudæis, & in primis accuratè.

Scripta ejus hæc sunt.


M *Arsilij Patavini defensor criminis Hæreticorum & Ca-*
pacis Notis illustratus. tholicorum. 2. de S. scriptura.
Conciliatio doctrinæ orthodoxæ Antiochæ pars secunda, Specu-
de providentia Dei. lum veræ Ecclesiæ Christi.
Antiochæ pars prima de dis- *Examen controversiarum de Genealogia*
Christi. & de Euthimio Mathæi Hebraico
diffinitio.

IN FRANCISCI GOMARI.

H *Oc etiam vobis patriæ debetur Athenæ,*
Hoc etiam Brugæ quod numeretis erit.
Sin pudet, ut nunc est, mea patria: cessimus ultro.
Exilium tectis prætulit ille iuis.
At vos posteritas hoc saltem discite teste,
Quid patriæ possit, quid pietatis amor.

D. H.





F iij

GV.

GVLIELMVS CODDÆVS.



VLIELMUS CODDÆUS
 honestissimis parentibus o-
 riundus, natus est Lugduni
 Batavorū anno clō Io LXXV,
 quarto aut paullo amplius
 mense post solutam ejusdem
 Urbis durissimam obsidio-
 nem, ob quam bono publico strenuissimè tole-
 ratam, eodem illo ipso anno ad octavum Fe-
 bruarij publicā Academiā *Βεγβείx* loco donata &
 cohonestata fuit. Ac quidem ingruente obsidio-
 ne Parentes ejus Rheniburgo in urbem habita-
 tum concesserant: sed pater Delphos inde pro-
 fectus atque per interjecta mox castra reditu in
 urbem prohibitus, durante obsidione ibidem
 deinde commorari debuit; quum gravidam in-
 terea matrem luctuosissimæ illius obsidionis
 tædia cum maxima inedia & summo animi an-
 gore devorare oporteret. ingenij non pœnitendi
 in ipso statim ætatis exordio spem faciens, ad
 studia destinatus est. Ac quidem prima studio-
 rum suorum tyrocinia sub Nicolao Stochio Vi-
 ro pientissimo & iuventutis institutore felicissi-
 mo emensus & ab eo rude donatus, ad Acade-
 miam

miam ulterius mox se contulit, inque ea deinde totos continuos decē & quod excurrit annos exegit; humanioribus literis operam navans, itemque Græcæ & Hebrææ linguis: sed Hebrææ tamen imprimis, manu ductoribus ad eam rem usus (preter Iudæos, quorum aliquot privatim adhibuit,) duobus Franciscis; Raphelengio videlicet & Iunio: viris quaquaversum celeberrimis & nonnisi cū præfatione nominandis. Sed multo maxime tamen in S. Theologiæ studijs, partim lectiones frequentando, partim publice juxta ac privatim multoties disputando, sese semper exercuit; L. Trelcatij sc̃ioris, F. Gomari, sed maxime tamen Francisci Iunij per annos novem auditor usque adeo assiduus ut toto illo tempore vix decem illius lectiones intermiserit; cujus proinde quam plurima penes se non minimi pretij dictata habet. Ac quidem cum propter obitum Franc. Raphelengij, Nobiliss^{mis} atque Ampliss^{mis} DD. Curatoribus ad linguæ sanctæ professionem (quam per provisionē ut loquuntur una cum professione Theologica sustinuerat aliquandiu supra nominatus D. Franc. Iunius) consultum videretur vocare aliquem, quem consentiens omnium fama & specimina aliquot publica, in hac lingua non infeliciter versatum esse

fidem

fidem facerēt; solemniter ab illis ad eam ordinariè subeundam vocatus, atque anno clō. lō. cī. die octavo Septembris cum bono Deo feliciter illam auspicatus, in eadē adhuc stātionē, quamdiu eidem Deo placebit, perseverat: jamque in eo aliquamdiu fuit, ut Arabicæ linguæ notitiam cujus jam ante aliquot annos sub Philippo Ferdinandi fundamenta jacere cœperat, cum Hebrææ, Chaldææ, Rabbinicæ &c. linguarum cognitione (peritissimum in Arabica lingua ut & cætera orientalibus in linguis virum, D. M. Erpenium Collegā simul & ἐργολάου sortitus) quoad usque licebit, conjungat; hoc fini, ut professioni suæ ex usu publico tuendæ, hac quidem etiam ex parte magis par esse possit, atque ad ea, quæ jam diu circa S. scripturas molitur μελετήματα, paratior aliquando accedat.

Scripta.

Edidit *Notas ad Grammaticam Hebræam Martinij Navarri Morentini.*

Orationem in laudem Celeberrimi Mathematici D. Rudolphi Snellij funebrem.

Declarationem D. Iacobi Arminij, quā coram Potentissimis

Hollandiæ & West-Frisiæ Ordinibus sententiam suam explicuit de Prædestinatione, providentia Dei, & id genus alijs doctrina capitibus, in linguam latinā a se conversam. aliāq; minoris momenti quædam.

LVCAS



LVCAS TRELCATIVS F.



Atus Londini, patre ob religionem profugo, anno clō. lō. LXXIII. Ætatem primam Bruxellis, Antverpiæ, & Lugduni Batavorum egit, sub Orydrio, Carpenterio, Stochio. Annum vix egressus xvii concionibus ad populum habendis, admotus est; jam tunc scilicet

Ante annos animumque gerens, curasque viriles.

Docendi exercitia peregrinationes excepere, non illæ iuueniles, otij transmittendi causa institutæ, sed quæ athletam Dei exercerent. Ergo simul atque Heidelbergam venit, Ecclesiam Gallicam rogatu presbyterij totos menses sex fideliter Divino verbo pavit; & digressus inde Basileæ, Tiguri, Genevæ, optimo cuique atque eruditissimo gratus & acceptus fuit; quodque Genevæ vix unquam cuiquam, hoc isti nostro delatum est, ut in tantâ eruditorum, piorumque & disertorum Ministrorum copiâ, ipse licet adhuc adolescens in Ecclesiâ audiretur: applaudentibus Beza & Goulartio. Revocatus inde, non delicias cogitavit, non otium, non voluptates,

tates, non uxorculam; sed crucem Christi, & gementes sub tyrannide Antichristi ecclesias, partim consilio amicorum, partim propriâ deliberatione experiri instituit, & in ijs se Deo & sancto Christi gregi probare. Sed & ipsum Aquilgrano ad suos in Bataviam remeantem excepit non levis terror. Captus enim à Buscoducensibus, cum nihil nisi mortem & extrema quæque expectaret, subitò amicorum operâ elapsus est. Atque ita Lugdunum Batavorum post bienij peregrinationem venit, curamque fidelem ex eo tempore primùm Ecclesiæ, postea defuncto patre Academiae præstitit: donec consummato cursu suo in cælestem patriam & contubernium sanctorum evocatus est, ingenti suis relicto mœrore. Obijt XII. Septembr. anno Christi clv. l. c. vii. ætatis suæ xxxiv.

EPITAPHIVM.

Postquam tot Christi famulos, tot lumina mundi,
 Funeribus densis mersit acerba dies,
 Te quoque TRELCA TI, media florente juventa:
 Mors comitem tantis addidit atra viris,
 Ut pullo squallens Ecclesia fleret amictu,
 Fleret Athenæi muta cathedra tui.

*Hec te pastorem desiderat, illa magistrum,
 Utraque dat lacrymas orba parente suo.
 Justus utrique dolor. tu parte beatior ista es,
 Quod tali potius tempore raptus obis,
 Quo fas omne perit, quo non amor ullus honesti est,
 Cumque sua justos mors pietate petit.
 Quod nisi sublati justis te fata tulissent,
 Tempus erat justos te moriente mori.*

IOSEPHUS SCALIGER AMICO.

Scripta ista sunt.

I*Nstitutiones Theologiae.
 Tractatus De brevitae vite,
 Gallicè.*

*Amidotum contra Pestem. Non-
 dum editus est.
 Apparatus ad S. Scripturam.*



IACO.



IACOBUS ARMINIUS S.S.
THEOLOGIAE PROFESSOR.

G iij

IACO.

IACOBVS ARMINIVS.



Oc præclarū ingenium Oudewatria extulit, ad Ifalam in Hollandiâ, oppidulum patria clarissimorum viro-
*rum, Johannis de Veteri Aquâ, Cornelij Valerij, & Rudolphi Snel-
 lij.* Natus est anno clō. Io. LX.
 Patre orbus à Theodoro Æmylij, viro honesto ac gravi, literis in Scholâ Ultrajectinâ mancipatur, quo mox vitâ functo, Rudolpho Snellio ducente, Marpurgum in Hassiam concessit, anno clō. Io. LXXV. ubi cum intellexisset excisam ab Hispanis patriam, ruinas videre cupidus, ijs collustratis iterum in Hassiam iter instituit. Interea Illustrissimi principis Auriaci auspicijs erecta est nova in Batavis Academia: quod ubi famâ accepisset, domuitione in patriam institutâ, Roterodamum venit, quo patriæ Oudewatræ reliquiæ, & cives Amstelodamo ob religionem profugi concesserant. Inde in novam, quam dixi, Academiam ablegatus, tantum profecit, ut à Lamberto Danæo, viro celebri, industriæ ac diligentiae exemplum cæteris studiosis publica collaudatione proponeretur. Ad Theologiam

giam Philosophiamque ingenium applicuit, & in intima se utriusque adyta penetravit. Atque hæc ad annum usque clō. Io. LXXXII. quo S. P. Q. Amstelodamensis Genevam uberioris profectus capiendi causâ ipsum misit. Ibi Theodorū Bezam, magni nominis Theologum, cum aliquandiu audivisset, Basileam migravit, ubi summus ingenio & doctrinæ ejus honos habitus fuit; adeò ut Genevam iterum discessuro Doctoris titulum sumptu publico facultas Theologica detulerit, quem modestè recusavit. Genevam reversus, exactò illic aliquo tempore, motus famâ Iacobi Zabarellæ, qui tunc Philosophiam Patavij ingenti studiosorum concursu profitebatur, Italiam abiit, quâ per septem menses collustratâ, Genevam pedē reflexit. Inde post aliquot menses à Mœcenatibus suis revocatus, cū luculentissimo doctrinæ testimonio reversus est. Ibi magnâ cū existimatione functus ministerio per annos xv. à Curatoribus Academiæ Leidam vocatur, ægreque dimissus à suis, munus Professoris adiit anno clō. Io. c. III. Professione laudabiliter gestâ, cum de quibusdam Theologiæ capitibus seorsim sentiret, à multis variè exagitatus, vir animi mitissimi, & tam duro exercitio impar, dolore confectus in morbum incidit

cidit lentum ac gravem ; cum quo aliquandiu
conflictatus vivere desijt XIX. Octobris, Anno
clo. lo. c. IX. ætatis XLIX.

EPITAPHIVM.

*Subtilis ille sensuum, potens fandi,
Sed cura semper prima cui morum fuit,
Appellat omnes hîc jacens ARMINIVS,
Ne disputare maluerint, quam vivere.*

Scripta hæc sunt.

D*isputationes de diversis Christi Analysis capituli IX. ad Romanos.
stiana Religionis capitibus. Dissertatio de vero & genuino se-
Orationes, itemque Tractatus in- su cap. VII. Epistola ad Rom.
signiores aliquot. Amica Collatio cum D. Francisco
Examen modestum Libelli Guil- Iunio de Predestinatione per
helmi Perkinsi de Predestina- litteras habita.
tionis modo & ordine, itemq; Epistola ad Hippolytum a Colle-
de amplitudine gratiæ didina. bus, &c.*

IN IACOBI ARMINII.

Q*ui nunc per altæ aurei cœli domos
Regnat beatus, & suo junctus Deo
Humana celsus spernit ac nescit simul;
Sic, Hospes, ora magnus ARMINIVS tulit.
Cælare mores atque dotes ingeni,
Doctumque pectus quod fuit (sed heu Fuit)
Manus nequivit artifex. & quid manus?
Efferre cum non lingua non stylus queunt.*

7. Reael.
CONRA.



CONRADUS VORSTIUS SS.
THEOLOGIAE DD. ET PROFESSOR.

H

CON.

CONRADVS VORSTIVS.



NATVS est Coloniae Agrippinae in Vbijs, loco honesto, patre Theodoro Vorstio, matre Sophia Starckia. Quæ utraq; familia illo loco jam olim satis clara est. Puer in patria, inde à prima ætate, bonis literis innutritus, cum circiter octavum ætatis annum expleisset, studio reformatæ Religionis, cui pater p. m. impensè favebat, Bedberam in vicinam Menapiorum regionem ablegatur anno clō. lō. LXXVII. Vbi logicas artes, cum latino græcoque sermone, cumque doctrina Catechetica, sub industrio præceptore totum quinquennium addidit. Inde circa annum clō. lō. LXXXII. Dusseldorpium missus, studium linguarum & philosophiæ Rameæ, qualis ibi tunc vigebat, triennium ferè continuavit. Hinc anno LXXXV. in patriam revocatus, & paulò post Aquisgranum missus, philosophiam Peripateticam cum Ramea non segniter conjunxit: præsertim anno LXXXVI. & LXXXVII. cum in Laurentiano Gymnasio, quod Coloniae celeberrimum est (libertatem Religionis à Regente solemniter

ante

antè pactus) cursum, quem vocant, philosophiæ absoluit; dignus a præceptoribus tunc judicatus, cui Magisterij gradus tribueretur. Sed hunc honorem, quia sine juramento fidei Romano-Catholicæ obtineri non poterat, l. m. q. repudiavit. Atque hoc tempore ad S. Theologiam (amicis dissuadentibus, & alijs ad studium juris, alijs aliò hortantibus) instinctu maximè ductuque Optimi viri Ioh. Badij, verè Theologi, animum seriò applicuit. Quod studium deinde in alijs Academicis, & Scholis illustribus, præsertim Herbornæ ferè quadriennium, & Heidelbergæ penè triennium, tum præceptores publicè audiendo, tum privatim alijs prælegendo ita tractavit, ut tandem anno xciv. Theologiæ Doctor Heydelbergæ à Clariss. viris Dan. Tossano, Iac. Kimerdoncio, & Petro Calamino publicè creatus sit. Postea cū superiorem Germaniam, Helvetiam, partemque Galliæ, peregrinando lustraret, non paucis passim viris Eximijs maximè Theologis, honestè innotuit. Et Basileæ quidem anno xcv. disputationibus Theologicis pro D. Grynæo, non semel præseduit. Genevæ verò aliquandiu hortante inprimis D. Beza, in Academia publicè docuit. Vbi & solenniter ad professionem Theologicam ab Amplissimo Urbis Senatu vo-

catus fuit: quam tamen necessarijs de causis, in patriam retractus, non acceptavit. Anno xcvi. ab Inclyto Comite Benthemensi, &c. D. Arnoldo p. m. Steinfurtum ad similem professionem, unaque Ecclesiæ pastorum, legitimè accersitus, in Dei & pij Principis voluntate acquievit. Vbi professionem annos pene xvi. pastorum verò simul circiter septennium, cum bona omnium auditorum gratia obivit: adhibitus etiam superiori Consistorio, quod causis matrimonialibus, & examinandis S. Ministerij candidatis, præesse illic solet. Interea dum hic est, ab alijs viris Principibus, & Ecclesijs, non semel alio vocatus fuit: nominatim anno clv. Is. c. ii. ab Illustri viro D. Plessæo, & Ecclesiâ Salmuriensi, ad Academiam tunc recenter illic fundatam: Et anno clv. Is. c. v. & clv. Is. c. vi. ab Illustrissimo Principe D. Mauritio Hassiæ Landgravio &c. ad Academiam Marpurgensem. Sed persuasus à suis, in statione vetere permansit. Tandem anno clv. Is. c. x. à Nobilissimis Academiae Lugduno Batavæ Curatoribus invitatus, accedente Illustrissimorum Ordinum & Celsissimi Principis Mauritiij Nassovici &c. pia voluntate licet ob Theologicas, quæ ibi inciderant, lites assensum toto pene anno suspenderet; & à suis
æger-

ægerrime avelli posset: tamen quum, omnibus utrimque expensis, operã suam fructuosius ibidem ad Christi gloriam collocari posse crederet, anno demum clō. Io. c. xi. suis illam renunciavit, & Belgis addixit, inque ordinem professorum legitime vocatus fuit, sed crescentibus interea Ecclesiasticis rixis, ac turbis, cū familiam eo jam traduxisset, ne viri boni officio uspiam defuisse videretur, ex consensu superiorum, jure suo cedens, a professione actuali hætenus abstinit, & sedem in eadem provincia quietiorem alibi delegit: donec controversiã totã (quæ fervide à multis hætenus ipsi mota fuit) à supremo Magistratu ritè cognita, legitimeque decisa, munus suum pacatè ac tranquillè obire possit. Quod quidem à Deo unice optat, & meritò sperat.

Hætenus ab eo edita sunt,
quæ sequuntur.

- | | |
|--|--|
| D <i>Isputationes supra 20. de varijs S. Theologiae locis, diversis temporibus emisse, inde ab Anno 1594.</i> | <i>Diatriba Epistolica cum iisdem Iesuitis.</i> |
| <i>Idea S. Theologiae. Anno 1696.</i> | <i>Antipistorius, sive Tesseradecas contra Doct. Pistorium.</i> |
| <i>Apologia pro Ecclesijs Orthodoxis, contra Iesuitas.</i> | <i>Enchiridion controversiarum, sive Index Errorum Ecclesie Romanae.</i> |
| <i>Antapodixes contra eosdem, de tribus fidei articulis.</i> | <i>De Causis deferendi Romani Papatus, Disputationes.</i> |
| | H. ij. Anti- |

- Anti Bellarminus contractus,* Ioh. Piscatore.
seu brevis Refutatio 4. Tomo- Amica collatio cum eodem.
rum Bellarmini. Paranesis ad Doctorem Sibran-
Tractatus Theologicus de Deo. dum Lubbertum.
Exegesis Apologetica, pro eodem Scholia Alexicaca ad ejusdem
Tractatu. de Prædestinatione, &c.
Responsio Modesta ad Anglicos
articulos. Edidit & germanica quæ-
Prodromus adversus criminatio- dam v. grat.
nes fratrum quorundam. Librum precum.
Plenius Responsum ad easdem. De indulgentiis veris & falsis.
Catalogus Errorum Doct. Sibran- Concionem funebrem de morte
di Lubberti. Illust. Dn. Comitis senioris in
Oratio Apologetica, apud Illust. Benthem, &c.
Ordines habita. Apologiam contra Ecclesiasticos
Parasceve ad Collationem cum Leowardienses, &c.

Habet secum alia plura, nondum edita: partim perfecta, præsertim Elenctica, & Apologetica quædam: partim affecta, ut Commentarios in omnes ferè Apostolorum Epistolas, & conciones in Euangelia Dominicalia: item Adversaria in Disputat. Metaphysicas Fr. Suarez. aliaque id genus tum philosophica, tum Theologica: quæ suo tempore, si Deus vitam & ocium porrò dederit, in publicum edere decrevit, ad veritatem (præsertim quæ secundum pietatē est) in omnibus magis magisque illustrandum. Cui proposito Deus ex alto gratiose benedicat.

OGDOASTICHON.

Plurima pro sacra vocor ad certamina causâ
 Et mihi non uno surgit ab hoste labor.
 Lis fecunda sui qua desinit, incipit. Eheu,
 Quod cogar socijs dicere bella meis!
 Ausonijs modo terror eram, spoliataque dudum
 Vel Bellarmino vindice, Roma fuit.
 Nunc fratrum in me versa cohors, & prodiga zeli
 Æmula civili prælia Marte gerit.
 Nec calamo stant bella virum: deposcitur ipsis
 Victima, & insontis supplicium fidej.
 Sed medijs erecta malis mens conscia recti,
 Freta Deo, nulli succubat Invidia.
 At vos posteritas tumulo hac inscribite verba,
 Posthuma fortune signa futura mea:
 Nulla Reformatâ mihi pars dilectior unquam,
 Nulla, Reformatâ, pars minus æqua mihi.

C. B. S.



IOHAN.



IOHANNES POLYANDER.



IOHANNES POLYANDER,
filius Iohannis Polyandri, Ec-
clesiastæ quondam Emdani,
sacrarum literarū ac lingua-
rum peritissimi ex Patritia
Gandavensium familia di-
cta, *Van den Kerckhoven*, oriun-

di, ac piæ matronæ *Christianæ Van Houten*, Flan-
dræ, natus est Metis, Anno cl. Io. c. LXVIII.
die Martij xxviii. Vnde anno sequente parenti-
bus suis in Palatinatu Religionis causa exulanti-
bus, ab ipsis Franckendaliæ biennium fuit edu-
catus. Hinc patre ipsius ad Verbi divini Mini-
sterium à Gallo belgis Emdæ peregrinantibus
vocato, in Scholis primum Gallicæ, deinde La-
tinæ & Græcæ linguæ usque ad annum xiv. ope-
ram navavit. Inde à parentibus Bremam missus,
Christophori Pezelij aliorumque doctissimorum
virorum lectiones biennium audivit. Hoc evo-
luto, jactisque ibidem Philosophiæ ac linguæ
Hebraicæ fundamentis, Heidelbergæ quadrien-
nium in palæstra Philosophica ac Theologica
desudavit, suorumque præceptorum *Danielis Tos-
sani*, *Francisci Junij*, *Georgij Sohniij* ac *Fortunati Crellij*

utens consuetudine, tam publicè, quam privatim declamando ac disputando sub ijs se exercuit. Anno ætatis suæ xx. Genevam studiorum suorum absolvendorum causa profectus, *Theodori Beze* atque *Antonij Faij* lectiones ædesque frequentavit: Ibidemque familiariter usus est eximio Theologo *Antonio Sadeele*. Anno sequente ab Ecclesijs Gallobelgis in Belgium vocatus, postquam Leidæ aliquot menses substitisset, publicumque sui progressus specimen in nonnullis Ecclesijs Gallobelgicis edidisset, ab Ecclesia Dordracena ad munus Pastorale vocatus, eam annos viginti Verbi divini pabulo summa cum tranquillitate pavit, atque Amplissimi Senatus postulatione Logicam & Ethicam in schola eadem extra ordinem triennium cum dimidio professus est. Anno ætatis suæ XLIII. a Nobiliss. DD. Curatoribus Academiae Lugduno Batavæ ad professionem Theologicam evocatus, non minus ægrè à Magistratu, quàm ab Ecclesia totaque civitate dimissus fuit. In qua vocatione triennium jam versatur.

Opuscula ipsius hæc sunt.

V *Aria poemata Geneva & Harmonia locorum S. Scripturae
Heidelbergæ ab amicis ipsius prima fronte invicem discre-
evulgata. pantium ab ipso ordine dispo-
sita*

*sita, Gallicè.**nem sanctorum, Gallicè.*

*Historia Andreae Demetrii de Responso ad interpolata Anastasi
Græcorum ortu & interitu, è si) Cocheletij Doctoris Sorbo-
Belgico in Gallicum sermonem nistæ ac Monachi Carmelitæ
translata. Sophismata.*

*Theses Logicæ atque Ethicæ. Disputatio contra Adorationem
Disputatio adversus Invocationem Reliquiarum Gallicè.*

*Cætera quæ Lugduni-Bat. meditatur, aliquan-
do, Deo juvante, in lucem emittet.*

Antonius Fayus S^r Theologiæ Professor
Iohanni Polyandro suo Geneva in Belgium
revertenti scribebat IV. Kal. Martij
Anno clō. 15. xci.

NUnquam non alia ex alijs in bella vocantur
Dura pij; bello cinctam, qui, IANE, Genevans
Liquis, jens Christi legatus, pacis ut almæ
Dona feras illis Christum qui pectore gestant,
Bella parata vide: pacemque optare memento,
Non sperare. vides migranti nubila cælo
Vt princeps erebi conjuratiq̃ue malorum
Conglomerare greges properent, & quicquid in orbe
Lucis habet vivæ Christi sol aureus, atris
Obscurent sparsis non una fraude tenebris?
At tu non molli succinctus robore, contrà
Audens ire velis: quanquam discrimina mille

*Ordine perpetuo, pugnandaque praelia surgant.
 Nil formidandum Christo duce, qui tibi pugnis
 Millenis claro, millena tempora lauro
 Vestiet, & tuto tandem te littore sistet.*

In Iohannis Polyandri effigiem.

Q*uem voluit lapsis paulatim occurrere rebus
 Versa suas in se maxima Leida manus,
 Hoc vultu POLYANDER erat: pax candida vultum,
 Et prudens habitat simplicitatis amor.
 Non satis ingenium est, plus nunc Academia poscit.
 Concordes animos debeat illa tibi.*

D. H.





SIMON EPISCOPVIS. SS.
THEOLOGIAE PROFESSOR.

I iij

SI-

SIMON EPISCOPIVS.



IMON EPISCOPIVS, na-
 tus est Amstelodami, celeberrimo
 Hollandiæ in emporio,
 Anno clō. 15. LXXXIII. paren-
 tibus honestis & reformatæ
 religioni cum primis addi-
 ctis: qui, quantumvis prole
 numerosâ aucti essent, & re non ita lauta uteren-
 tur, ut sustinendis studiorum sumtibus pares esse
 possent, tamen cum in eo animi ad studia pro-
 pensius inclinantis indicia quamplurima elu-
 cescerent, incitante & exstimulante fratre natu
 maximo, privatimque subsidium ultro benignè
 offerente Viro Consulari, D. Cornelio Bennin-
 go, literis eum studiisque consecrare animum
 induxerunt: Missus itaque quamprimum sub
 disciplinam D. Petri Vekemanni Rectoris Scho-
 læ per id tempus non incelebris, ejusmodi inge-
 nij industriæ & sedulitatis specimina edidit, ut a
 varijs magni nominis Viris, Amplissimo Sena-
 tui Reipub. Amstelodamensis de ciuibus in or-
 dinem alumnorum suorum adsciscendis, pie &
 seriò cogitanti, commendatus fuerit, qui eum
 licet reluctantis & tergiversantibus non pa-
 rum

rum in principio parētibus tandem tamen consilio hortatui, & suasioni, prudentissimorum virorum D. Petri Vekemanni, D. Iohannis Kuchlini & D. Iacobi Arminij, cedentibus, suum in posterum esse voluit: Ex illo deinde tempore eos studiorum suorum Mæcenates liberalissimos & munificentissimos habuit. Neque multo post Anno clō. Io. c. a Curatoribus Scholæ, solemnī sentētia & suffragio dignus renunciatus est, qui in Academiam ad altiora studia capeSSenda promoveretur. In Collegium itaque Illust. DD. Ordinum Holl. & West-Fri. quod ei præesset Clariss. Vir. D. Iohannes Kuchlinus, cum quo parentibus ejus, quo tempore apud Amstelodamenses ministerio Ecclesiastico fungeretur, arcta necessitudo intercesserat, ablegatus est. In eo autem postquam literarum humaniorum studijs, quantum necesse erat, non segniter operam dedisset, Philosophiæ, cujus cognitionem sibi perquam necessariam ducebat, sacris attentius operari & penitus arcanis ejus perlustrandis, incumbere constituit: & incubuit per triennium integrum summâ cum diligentia: postea vero etiam cum Theologiæ studio animū adjunxisset eique non oscitanter invigilaret, subinde ad eadem Philosophiæ adyta recurrere solebat. Tandem

de vero partim legibus & statutis Collegij partim rebus ipsius privatis ita postulātibus, Magisterij titulo in Acedemiâ dignus judicatus & a Clarissimo celeberrimoque Matheſeos profefs. D. Rudolpho Snellio Anno clō. 16. cvi. publice insignitus est. Crina vero Theologiæ, cui jampridem animum studiumque addixerat & in qua non parvos progressus fecerat, consecratum se destinatumq; sciebat, totum sese deinde & ex asse illi uni dedere, apud animū proposuit: cumq; voto & desiderio peregrinationis, quo admodū tenebatur, potiri non posset, biennium & ultra in Academia Leidenſi subsistere coactus est. Interea vero doctrina & famâ Clarissimorum Profefs. D. Gomari, D. L. Trelcatij & D. I. Arminij imprimis lectiones assiduus coluit & frequentavit, meditando, legendo, disputandoq; creberrimè & diligentissime sese exercuit. Postea Anno clō. 16. cix. desiderio visendi vicinam Frisiorum Academiam, & fama imprimis Clariss. Viri & sacræ linguæ Veterani interpretis, D. Ioannis Drusij excitatus, Franequeram se contulit, ibidemq; per menses novem commoratus est. Exinde Anno clō. 16. c. x. reversus Amstelodamum ab Ampliss. Senatu Roterodamensi Bleyſwicum dominio illius subditum, ad ministerium Ecclesiasticum

siasticum vocatus est : ubi cum Deo & bonis omnibus operam suam probaret, colloquio inter duodecē pastores in concessu Illustriss. DD. Ordd. Holland. & West-Frisiæ anno clō. lō. cxi. instituto, adhibitus est: inde cum ab Ampliss. Civitatibus ad Ecclesiasticam functionem sollicitaretur, tandem a Nobiliss. & Ampliss. DD. Curat. Acad. Lugd. Batavæ ad professionem Theologicam anno clō. lō. cxii. evocatus est, cui provinciæ gerendæ licet difficillimis hiscetemporibus imparem esse se intelligeret, tamen iudicio aliorum de se plus quam suo proprio tribuens, auctoritate imprimis & hortatu Maximorū virorum incitatus vocanti Deo acquievit, jamque biennium & quod excurrit non sine supremi Numinis auspicio & benedictione clementissimâ in professione istâ versatus est.



ICONES & VITÆ

quotquot haberi potuerunt,
eorum qui

IVRISPRVDENTIAM

in

ACADEMIA LVGDVNO-BATAVA

unquam professi sunt:

*Juxta seriem temporis, quo quisque eorum, ab ipso
Academie primordio, professionem suam
auspicati seq; mutuo insequuti
sunt,*

ordine hic industriè & fideliter exhibitæ.

COR-
NELIVS
GROTIVS IVRIS-
PRVDEN-
TIÆ PRO
FESS-
SOR.

K ij

COR-

CORNELIVS GROTIUS.



CORNELIVS GROTIUS natus est in oppido Delpho, Holladiæ magnarum urbium tertio, die 25 Iulij qui D. Iacobo sacer, anno 1544. Patrem habuit Hugonem Grotium, virum antiqua virtute & opibus pollentem, ex patriciâ Grotiorum familia, quæ in repub: Delphenſi totis quadringentis annis continuis illustris, etiam huc usque consulatibus, & summis reipub: honoribus decoratur. Mater ipsi fuit Elisæa Heemskerckia ex præcipuâ Hollandiæ nobilitate & opulētissimâ, nisi sub comite Hollandiæ Florentio Quinto cum Gerardo Velsenio, cui consanguinitate fuerat juncta, Fortunę experta ludibria, majore bonorum parte & patrijs laribus exuta fuisset.

Puer in patriâ prima litterarum & artium liberalium fundamenta jecit sub ductu Henrici Iunij, viri litteratissimi, & optimi juventutis informatoris, ubi commilitones habuit quam plurimos Hollandiæ nobiles ac magnates, inter quos magnum illum & incomparabilem Ianum Duzam Nortvici Dominum verum nobili-

nobilitatis Hollandiæ decus. Iacobum Egmondum equestris ordinis virum, Keneburgi Dominum, illustrium Ordinum Hollandiæ etiam nunc primatem. Iacobum Eyndium Virum Marte & Pallade nobilem, urbis & arcis Wourdanæ præfectum; cum quibus omnibus arctissimam amicitiam toto vitæ curriculo sanctissimè coluit.

Adolescens à patre missus est Lovanium tunc temporis celeberrimum Europæ scientiarum emporium: cumque Themidi consecratus esset, ne illotis manibus sacra puræ Divæ contingeret, primo varijs artibus sese imbuit; per quadriennium continuum Philosophico studio incubuit, Philosophiam Platoniam, quippe quam solam inter humanæ sapientiæ sectas magis divinam, (ut revera est) iudicavit, adeo avidè amplexus est, ut omnia Platonis & Platoniorum scripta perscrutatus fuerit, memoriæ infixerit, ac per totam vitam manu ac mente volutaverit.

Cum vero Græciam omium scientiarum matrem & fontem esse animadvertisset, magna contentione græcam linguam penitissimè addidit. Deinde linguam sacram tam avidè percepit, ut nunquam aliâ linguâ quam genuinâ divina oracula legeret. Mathesin quoque & reli-

quas artes penitus arripuit. Anno ætatis vigesimo Lutetias Parisiorum profectus operam dedit viris litteratissimis & summis Philosophis, ac in primis Auratum Græcæ linguæ peritissimū ac Professore regium habuit amicum. Ita pectore varijs artibus præparato contendit ad jurisprudentiam, veram illam & non simulatam Philosophiam, cujus perdiscendæ amore Aureliam petijt, ibi usus optimis præceptoribus legitimæ scientiæ studium absolvit, cumque dignissimus judicaretur à Professoribus gradu Doctoratus, Licetiæ laurea decorari voluit, nec unquam post toto vitæ curriculo adduci potuit, ut Doctoris titulum admitteret, ita erat ab omni ambitione alienus. In patriam reversus foro & rebus agendis sese dedit, usus convictoribus viris nobilissimis Arto de Brederode & Theodoro Leeuwio senatoria dignitate postea decoratis: cumque absoluto totius practices curriculo Delphum reversus ædes paternas apud matrem viduam (patre anno 1567 turbulētissimis reipub: temporibus vita & consulatione defuncto) inhabitasset, Senatus populusq; Delphensis eum in cōsiliū suorum Sapientum cooptavit, ac eodem anno in iudicium album adscripsit; innotuit omnibus Grotij probitas & excellens eruditio, quæ

quæ causa fuit ut Illustrissim⁹ Princeps Auriacus Gulielmus comes Nassavius harum provinciarum gubernator, magistrum libellorum supplicum eum creaverit. Quo munere summa cum laude & inculpatissime functus est, donec illustres Hollandiæ Ordines anno 1575 publicum Gymnasium erigere statuissent, cui inaugurando & legibus informando præter ceteros aptissimus judicatus est Grotius, ac primum Philosophiam per aliquot annos professus est, ac deinde Iuris docendi provinciam sibi impositam egregie exornavit, juventutis studia disputando & de jure promptè respondendo mirificè promovens. Sexies Academiae Reçtoratu summà cum prudentià & moderatione sine ullius offensa functus est. Aliquoties supremi consistorij senatorum, quod Hagæ comitis est, senator nominatus, nunquam permoveri potuit ut munus docendi defereret, etsi revidendis maximi momenti supremæ curiæ sententijs adhiberi sese passus fuerit. Tandem gravis ætate piè & placidè obdormivit anno 1610. ipso die quò primum lucem hanc adspexisset, relicta conjugè nobilissima matronâ absque liberis.

Libros nullos edidit, sed elaboratos quosdam
commentarios ad diversas Iuris partes con-
scripsit. Inter quos

Absolutissimum commenta-
rium ad quatuor libros In-
stitutionum juris civilis.
Ad omnes titulos quatuor pri-
morum librorum digestorum.
Duos Tomos commentariorum &
observationum feudalium.
Singularem tractatum continen-
tem quinquaginta differen-
tias feudorum, a feudis Hol-
landicis.

In Clarissimum & summum
Virum

CORNELIVM GROTIVM.

Accipe quem jactes post plurima sacula, Lector,
Nec quo spectari dignior alter erit.
Grotius hic ille est: quo Musica sceptrā gerente
Lugdunum felix & sine lite fuit.
Non illum Themidis laluerē oracula, non-qui
Socratico dulcis manat ab ore lepos;
Æternum solitus cunctis præferre Platonem,
Non tamen & Macetum spreverat ille senem.
Hauserat Astree puras e fontibus, illas
Quas nunc barbaries non bene turbat aquas.
Sola quies placuit. mentis quoque dona beatæ
Præsit, & in vulgo nil tulit esse suum.

Nunc

*Nunc quoque quod nulla sp. Etatur imagine, pingi
 Crede mihi tanto dignior ille fuit.
 Sola Virum prestat divina modestia semper,
 Et sola ante omnes collocat illa Virum.*

D. H.

IN EVNDEM.

Hic rerum causas docuit, diuque Mathesin,
 Atque ita se totum legibus inde dedit:
 Doctrinaque sua decus immortale paravit,
 Cecropium referens pectore & ore senem.
 At nullam vultus, si quæras forte, reliquit
 Effigiem, ingenij quam monimenta sui.
 Sæpe hoc Lugdunum sensit Rectore quietem,
 Dissidij longis exagitata malis;
 Idcirco a Stygio nomen jam vendicat amne,
 Et cineres placida Leida quiete fovet.

G. G.

L

HVGO



HUGO DONELLUS IC.
ET IURIS PROFESSOR.

HUGO

HVGO DONELLVS.



IN Heduis natus Anno clō. Io. xxvii. inter præcipua Galliæ suę ornamēta locum sibi non infimum vindicat. Decurso scholæ studio ad Iurisprudentiam animum applicuit, in qua tantos cum ætate progressus fecit, ut inter primos sui ævi merito Iureconsultos habitus fuerit. Insignia Doctoratus accipita manu Fr. Duareni, magni Themidos antistitis, & quem nullus Europæ angulus ignorat. Memoria præ cæteris adeo præcellebat, ut totum Iuris corpus a capite ad calcem verbo tenus recitaret. Docuit Biturigibus, & Aureliæ summa cum laude, & maximo Auditorū fructu, Sed singulari pietate sua odium provocavit eorum qui religionis reformationem animis iniquissimis persequēbātur, adeo ut anno illo Galliæ funesto, multis crudelissime interfectis in nuptiis Navarrai, in manifestissimo quoque periculo fuerit, a quo mirabiliter tamē servatus, fideli opera & felici ductu quorundam nobilium Germanorum, qui studiorum caussa illic commorati, saluum atque incolumem in Germaniā abduxerunt. Atque

L ij illic

illic aliquot annos in Heidelbergensi Academia
 sub Friderico & Ludovico Electoribus, jus civi-
 le cum maxima Auditorum admiratione docuit.
 Inde ob graves causas, legitimam vocationem
 nactus, Lugdunum Batavorum commigravit;
 ibique annis aliquot fidelissime in profitendi
 munere exactis, anno clō. lō. LXXXVIII, in Ger-
 maniam iterum abiit. Hic a Senatu Norico Al-
 torphium vocatus, vixque per triennium jus
 professus, qua solebat fama, vitam cum morte
 commutavit anno clō. lō. XCI. ætatis LXIV.

Monumento ejus hæc inscriptio apposite.

HUGO DONELLVS HEDVVS NVLLI IVRIS-
 CONSULTORVM NOSTRI SECVLI SECVN-
 DVS IN GALLIIS INITIO MOX INDE CIVI-
 LIBELLO FLAGRANTE SECEDERE COAC-
 TVS HEIDELBERGÆ DEINDE LVGDVNI
 BATAVORVM DENIQVE ALTORPHII MA-
 GNA CVM OMNIVM ADMIRATIONE ET
 CONCVRSV EXTERORVM IVRA FACVN-
 DO ORE DOCVIT DEO ET HOMINIBVS
 AEQVE CARVS SENIO TANDEM CONFEC-
 TVS VITAE ET MOLESTIARVM SATVR PIE
 AC PLACIDE ANIMAM CREATORI REDDI-
 DIT ANNO REPAR. SAL. HVM. M. D. XCI. MEN-
 SE MAIO ÆTATIS SVÆ ANNO LXIII. CUI
 BENE MERITO DE ACADEMIA ALTORPHI
 NA SCHOLARCHÆ PERENNIS MEMORIÆ
 ERGO H. M. P. C.

Scripta hæc sunt.

Commentariorum de Iure
Civili libri XXVIII.

Commentaria ad Titul. Digest.
de rebus Dubijs.

Comm. ad Titulos C. de Pactis &
Transactionibus.

Comm. ad Titul. Digest. de præ-
scriptis verbis, & in factum
actionibus.

Comm. ad Titul. Digest. de Ver-
borum Obligationibus.

Comm. ad Titul. Digest. de re-
bus Creditis, de Iure ju. de in

litem jurand. de cond. ex lege
de cōdict. Triticar. de eo quod
certo loco dari oportet.

Commentar. ad lib. quart. Cod.
Iustinian. Paralipomena ad
aliquos Iustinian. libros.

Ad legem Iustiniani de eo quod
Interest. de Vsuris. de Fructibus
de Mora. de Aedilicio edicto.
de Evictionibus & dupli Sti-
pulatione. de Probationibus.
de fide Instrumentorum. de
Testibus.





IVLIVS BEYMA IC.
ET IVRIS PROFESSOR.

IVLIVS BEYMA.

IVLIVS BEYMA natus Decumi vrbe Frisiorum, patre viro Consulari, Groeningæ sub Celeberrimo Rectore Regno Prædinio latinæ linguæ fundamenta jecit. Adolescentiam ingressus Lovanium à parentibus ablegatus, & ibi Iurisprudentiæ studijs initiatus, præclaros in eadem civili sapienti fecit progressus. Deinde Aureliam Galliæ florentissimam Academiam se contulit, atque ibi publicè titulo Licentiati Iuris cum honore est decoratus. Docuit Vitebergæ, Lugduni Batavorum & tandem in Academia patria Frisiarum Franiqueræ summo cum auditorum fructu & progressu. Postea cooptatus fuit in numerum Consiliariorum supremæ Curiae Frisiorum: Cum annum amplius vnum cum honore eodem munere defunctus esset, Leovardiæ metropoli Frisiorum piè & placide vitam cum morte commutavit, Anno clō. Io. xcv. ætatis suæ LIX.


Scripta.

Commentaria in Ius civile parata reliquit, quæ publicè in Academia Lugdunensi Batavorum praelegit hac videlicet Methodicum commentarium ad Institutiones Iuris Inap. Iustiniani. Præte-

rea tractatum methodicè conscriptum in universam materiam contractuum. Adhac in materiam pignorum, item de Usuris, fructibus, & mora, exquisitum Commētarium ad Leges conscripsit & expoliuit.



EVER-



EVERARDUS BRONCHORS-
TIUS I.C. IURIS PROFESSOR

M


EVER-

DAVENTRIÆ natus est, in Transisulania. Pater ei fuit vir doctus, & libris in Philosophia editis celebris, Iohannes Bronchorst Noviomagus, I. V. Licentiatus, Rector Scholæ Daventriensis, & antea Professor Matheseos in Academia Rostochiensis: Mater Clara Costera, Iohannis Costeri, Consulis Daventriensis filia: Familia & genere uterque perhonestus. Fundamenta studiorum & artium jecit in patria, in Schola florentissima, sub præceptoribus parente suo, item Basilio & Lamberto Pythopoëis, viris in politiori literatura eximijs. Tinctus mediocri cognitione humaniorum artium & linguarum, cum patre propter tyrannidem Ducis Albani ex patria in exilium ejectus est, ac ad uberiores ingenij cultum capessendum Coloniam Agrippinam se contulit. Anno cl. I. l. LXIX. Vbi patre post annum defuncto, in eadem Academia Literarum & Liberalium artium præceptis plenius imbutus, tandem Iurisprudentiæ studijs excolendis animum adjecit, ac specimen ingenij publicè disputando

tando in Collegio Iuridico ibidem semel atque iterum exhibuit. Adhæc in eodem Lycæo privatim Titulum de diversis regulis Iuris antiqui enarrandum suscepit, non sine mediocri auditorum concursu, qui postea eundem Commentarium rudem & impolitum ipso ignorante in lucem edi curaverunt. Deinde in alijs celeberrimis Germaniæ Academijs, videlicet Marpurgi, Erphordiæ, & Vitebergæ sub Clarissimis Iuris Antecessoribus, Valentino Forstero, Vigelio, Wesenbecio cursum studij juridici consummavit, privatimque in iisdem Academijs tum Institutiones Iuris, tum alios diversos Iurisprudentiæ tractatus explicandos sumsit. Tandem post emensa legitime scientiæ studia Basileam se contulit, atque ibidem sub Clarissimo Icto Samuele Grynæo gradum Doctrinæ in utroque Iure publicè est consecutus, die xvii augusti Anno cl. l. lxxix. Post adeptum gradum iterum se Vitebergam contulit, atque ibi per annum decendo in Iurisprudentiæ studio sese exercuit. Deinde integro biennio munere publico Professoris Iuris in Academia Erphordienfi defunctus est. Inde in patriam post sopitos nonnihil tumultus militares reversus, in Consulem ejusdè Reipublicæ est electus, Anno cl. l. lxxxvi.

Quo munere per annum functus, patria sua præfidiariorum militum perfidia Hispano prodita, iterum in exilium abire coactus, tandem consentientibus suffragijs, Curatorum, & Consulæ Academiæ Lugdunensis Batavorum, ibidem in numerum Ordinariorum Professorum Iuris electus & adscriptus est, Calendis Iulij anno cl. Ib. LXXXVII. Dum hoc munus Professoris sustinet, varios tum Pandectarum, tum Codicis titulos tractatusque Iuris publicè enarravit, & interpretatus est. Deinde etiam ad scribendum animum appulit, & primum in lucem edidit *quatuor Centurias Evangelio Παῦλ, & conciliationes eorundem*. Adhæc alias duas *Miscellaneas Centurias controversiarum Juris* adjecit, & deinde *Methodum Feudorum* à se conscriptam diuulgavit, atque ita legalis scientiæ studiosorum conatus & labores pro virili adjuvit & promovit.





GERARDVS TVNINGIUS
I VRIS PROFESSOR.

M iij

GE.

GERARD. TVNINGIVS.



GERARDVM TVNINGIVM
 acris iudicij & ingenij virū,
 Lugdunum Batavorum an-
 no clō. lō. lxxvi. edidit. Puer
 inter prima literarum rudi-
 menta, Gallicum sermonem
 & Logisticen in Vrbe patria
 percepit. Quibus innata jam tum discendi lu-
 bidine, Hispanicum simul & Italicum adjunxit.
 Raro tum in vulgus exemplo, & paucis in hac
 gēte usitato, quæ simplicitatis tenacissima, mo-
 rum exterorum odio, transmarinas quoque lin-
 guas parcius colebat. Anno supra decimum octa-
 vo, cum Enchusæ quoque in municipali jure,
 describendis assiduè formulis in foro usitatis, ut
 est captus adolescentium, nonnihil profecisset,
 in Hispaniam ablegatur. Vti Vlixbonæ, celeber-
 rimo Lusitanorum oppido, negociationibus
 Institutiâ curâ præficeretur. Evenit interea ut
 post dies aliquot quam navem conscenderet,
 tempestas subito coorta, adeo infestaret ma-
 re, ut cum maxima jactura, neque sine vitæ
 discrimine, nautæ verterent, & in portum
 redirent. Obnunciantibus videlicet fati habitu

præ-

præclari & ad alia in terra sua profuturi aliquando viri. Neque dubium est, quin ad nobilioris vitæ genus jam a cœlo vocaretur. Domum reversus, paulo post, tanquam instinctu divino, literarum studia, maxima contentione animi cœpit capeßere. Tanto ardore quidem, ut non secus quam in stadio, nusquam prius respiraret, quam ad metam venisset. Literas Latinas, Græcas, Mathesin, ipsam divini ac humani juris scientiam, illas præceptore viro excellenti Rudolpho Snellio, hanc autem maximo Iurisprudentium Hugone Donello, solo quadriennio vix integro absoluit. contendente cum ingeni; benignitate memoria, quam Voriginis instar capacissimam habebat. Anno admodum vicesimo secundo, publicè cum omnium applausu doctrinæ insignibus a Donello ornatus est. Non peregre, sed in ea vrbe in qua natus erat. Quippe fœdum & infauftum tum proficientis primum Academiae auspicijs ducebat, si urbem quæ se peperisset, ea gloria immunem haberet, quam ab exteris sperare tum incipiebat, jam consequitur. Cæterum ne imbelliorum profectum, in umbra consume-
ret, olim quoque & pulverem experiri statuit. Simul ut amorem sui & contemptum aliorum,
quæ

quæ plerunque studiorum solitudinem sequuntur, evaderet. Hagam igitur se contulit. Vbi in conspectu & in luce hominum, causas agere, reis adesse, Mercurio denique, non illi cui consecratus olim fuerat, sed forensi & facundiæ antistiti, totum se dare cœpit. Ita biennio exacto, cum videret, nihil superesse sibi, vel ad magni animi experimentum vel ad laudem, cuius, ut præclaræ mentes solent, appetens in primis erat, denuo Lugdunum redijt. Vbi tranquillum ac præclarum vitæ genus, jus ex cathedra docendi, Lipsio ac Douſa autoribus, amplexus est. Quam provinciam, summo ingenio, incredibili facundia, ac promptitudine ornavit. Si quid esset publice dicendum coram multis, in quo ingenij periclitandæ essent vires, nemo accuratius, nemo distinctius, nemo ornatius dicebat. Tanta autem gravitate cathedram implebat, ut cum loqueretur, ipsam Academiam, non hominem in ea natum, loqui crederes. Eloquentiæ erat facilis & expeditæ, compti sermonis & Latini: cui honestum vocis accedebat lenocinium, Iudicio in primis acri, non in literis modo, sed & in communi vita, moribus integris, & ad hilaritatem factis, animo vegeto, & ut ille ait, semper defæcato. Ante omnia nulli invidere mortalium, adversariorum

riorum raro aut nunquam meminisse, amicorum res ut suas curæ habere, pro ijs apud proceres, apud principes contendere. quos non ut umbratici solent, sed cum fiducia conveniebat. Natus ad Remp. nisi beatus quam ambitiosus esse maluisset. Eo tamen felicissimus, quod malevolis quoque, prono in calumnias sæculo, nihil cui detraherent, præter comitatem reliquit. Amicos habuit præ cæteris, Douzas patrem & filium, Iohannem Grotium, Iohannem Melandrum, Iustum Lipsium, Othonem Heurnium, Gerardum & Reinerum Bontium, Daniele Heinsum, Petrum Scriverium, alios in Academia & in aula non paucos. Inprimis autem Iosephum Scaligerum, quem felicitate fatali, in Galliam missus, ab Henrico Magno, ejus nominis quarto impetravit. qua legatione ita functus est, ut auspicijs & liberalitate Ordinum, non prius huc rediret, quam rem confecisset, & desertę Lipsij discessu Academia, cujus & alumnus & civis erat, virum talem redderet, qualem ea tempestate orbis non habebat. Quam in rem plurimæ adhuc literæ a magnatibus ad illū scriptæ servantur: quas Iohannes Tuningius nunc possidet, principi Henrico ab arcanis. vir ad summa natus, & qui solus nunc fratris deside-

N

rium

rium, pari indole ac moribus solatur. Vitam cælebs finivit anno supra millesimum & sexcentissimū decimo, Augusti decimo & nono, Bruxellis, quo occasione feriarum æstivarum animi causa se contulerat.

Quædam conscripsit e quibus nihil editum, præter libellum quem horis succisivis inter amicos contexuerat: Apophtegmata nimirum linguis aliquot conscripta.

Commentarium absolutissimum ad quatuor Digestorum libros nondum luci datum.





CORNELIVS PYNACKER
I.C. IVRIS PROFESSOR.

N ij.

COR-

CORNELIVS PYNACKER.



CORNELIVS PYNACKER
 natus est in avito suo Pyna-
 criano, patre concilij Choma-
 tarchici Delphici quæstore. à
 proavo materno eâdem quæ-
 stura fûcto, viro prudētissimo
 & extremæ senectutis, quippe
 qui per septuaginta quinque annos continuos
 reipub: munia obierit, studijs artium & dein. S.
 Theologiæ applicatus, cui aliquot annis Leidæ,
 ac post Heidelbergæ operam dedit. Cumque in-
 de Genevam iter institueret, vir illustris & gene-
 rosus D. Elbertus à Pallant Dominus in Selhm
 & Dirsfort, ipsum studiorum & itineris comi-
 tem, per Italiam, utramque Pannoniam, Mora-
 viam, Bœmiam, & Germaniam ad arcem suam
 Selhmensem, quæ est in Clivia, reduxit secumq;
 aliquot menses degenti autor fuit ut legali Phi-
 losophiæ unicè incumberet, & ad metam matu-
 rē properaret, quâ viri nobilissimi autoritate
 motus, Leydam redijt juris studium sub opti-
 mis & diligentissimis præceptoribus amplexus
 est, stadioq; decurso, foro & causis in curia Hol-
 landiæ orandis sese dedit: unde paulo post ad
 Aca-

Academiam Leidensem revocatus professionem juris civilis ab Anno millesimo quingentesimo nonagesimo septimo, etiam nunc lustinet.

Propediem luci dabit *Jura & privilegia militum*, ex varijs collecta, ad usum & observationem militiæ Nassaviæ, quæ est apud Batavos, accommodata.





CORNELIVS SWANENBVRCH
LC. IVRIS PROFESSOR.

COR-

COR. SVVANENBVRCH.

CORNELIVS SWANENBVRCH
 natus est Leydæ, honestissi-
 ma à multis retro annis in ea
 urbe familia. Prima suorum
 studiorum fundamenta ibi-
 dem jecit ubi natus est, tum
 publicè in ludo literario, cui
 præerat Rector Nicolaus Stochius, tum pri-
 vatim apud Rodolphum Snellium Matheseos
 in Academia professorem celeberrimum. Sub
 horum disciplina literarū & liberalium artium
 præceptis imbutus Iurisprudentiæ studijs exco-
 lendis exinde animum adjecit, audivitque pro-
 fessores in ea facultate clarissimos Iulium Bey-
 mam, Euerhardum Bronchorstium, Cornelium
 Grotium, Gerardum Tuningium, ac specimen
 ingenij publicè disputando sub D. Bronchor-
 stio Anno clō. Io. xciii. exhibuit. Paulo post
 Duacum a parētibus ablegatus, quum per mē-
 ses xiv. assiduam juri operam navasset, ibidem
 eorum jussu Titulum Licentiati in utroque jure
 post solennia experimenta consecutus est Anno
 clō. Io. xcvi. mensis Ianuarij die xxx. Inde in
 patriam reversus, quum per integrum biennium
 docen-

docendo disputandoque in Iurisprudentiæ studio ulterius sese exercuisset, tandem summo Doctoris titulo Anno clō. Is. xcvii. Septemb. die xvii. cohonestatus, Academiae patriæ operam suam addixit, & consentientibus suffragijs DD. Curatorum, & Consulum eius urbis Institutiones juris docere cœpit. Nunc varios Pandectarum titulos interpretatur, inque eo uno totus est, ut prædecessorum suorum exemplo, spartam quam nactus est honorificam, ex usu publico dignè ornet.





IOANNES LINDERHAVSEN
I.C. IVRIS PROFESSOR.

O

IOAN-

IOAN. LINDERSHAVSEN.



ARTVS Swelmæ, Ann. a Chri-
 sto nato clō. lō. LXXI. patrem
 habuit cognominem, causa-
 rum patronum, virum ho-
 nestissimum. Decennis Træ-
 moniam studiorum causâ a-
 mandatus est, ubi prima ejus
 fundamenta fuerunt sub Lambachio, & Beurhu-
 sio scholæ istius tunc per quâ celebris, successivè
 Rectoribus. Ex eâ Coloniam Vbiorum transla-
 tus est, in collegio Societatis Iesu (ut vocant) ali-
 quamdiu consedit; Inde in patriam a parētibus
 revocatus, istuc octo plus minus annis, non sine
 gravi studiorum jactura commoratus. Quibus
 exactis de resumendis studijs est cogitatum,
 propinquis & amicis ad id seriò adhortantibus,
 eodem ferè tempore, quo Illustris & Generosus
 Comes Arnoldus Benthemensis, &c. illustrem
 apud suos Scholam primùm aperuisset, ad quam
 nascentem aliquamdiu concessit. Mox inde Her-
 bornam Nassoviorum se contulit. Verum, cum
 nescio qua voluptate ad Galliæ partes perlustrân-
 das traheretur, opportunè admodum evenit, ut
 eo ipso tempore quæreretur juvenis, qui a studijs
 esse

esset nobili puero patriâ Clivo, patre Emundo Gruter, Domino in Crajenstein, &c. quique filium ejus in Galliam duceret. Cujus rei tunc summa dabatur D. Ioanni Piscatori, SS. Theologiæ ibidem professori clarissimo, suo singulari fautori. Hic re intellecta deque mente ipsius jam pridem informatus, commodissimam hanc commodam visendæ Galliæ occasionem non respuendam duxit, consilium sequitur, Hussiam, ubi larem tunc parentes fixerant, venit, præparatur iter Duacum versus. Et cum nullum adhuc certum studiorum genus delegisset, ibidem ad legum Romanarum scientiam animum composuit. Duaco annis vix duobus exactis Lovanium abijt, ubi aliquâtis per cōfidens ad suos remeavit, & Emūdo Gruter qui tūc Delphis agebat præfectis Aulæ & pariter a consilijs Illustrissimi comitis Philippi ab Altâ Flammâ, filium, nō mediocri literaturâ initiatum, reddidit. Inde Germaniam repetens se ad titulum in jure Licentiæ consequendum componit. Exinde rediens in Hollandiam, Lugdunum celebrem Academiam invisit, in qua postmodum parentibus rebus humanis exemptis, tria penè lustra, potissimam vitæ suæ periodum, in exercenda juventute publicè & privatim cum docē-

do tum disputando jugi observatione peregit,
 usque quo D. Cornelio Grotio & Gerrardo Tu-
 ningio professoribus ibidem clarissimus, vitâ
 functis, providentiâ DD. Curatorum, consu-
 lumque Academiae Lugd. Bat. laudatâ, in nume-
 rum Professorum juris adscriptus sit x. Feb. An.
 cl. b. cxi. paulo post titulo quoque Doctoris
 per Clarissimum virum D. Everhardum Bron-
 horst antecessorem ibidem juris primarium de-
 coratus.

SCRIPSIT BINAS

Disputationes Instit. Imperialium.

P*rior*es delinatione methodicâ decidendis ac plenius tractan-
 cum quæstionibus penè mul- dis nu. XXVI.
 tis, earumque notabilioribus Posteriores formâ magis solutâ &
 causis dubitandi ijsque indeci- libera. nu. XXIV.
 sis, propediem, juvante Deo,



ICONES & VITÆ

quotquot haberi potuerunt;
eorum qui

M E D I C I N A M

in

ACADEMIA LVGDVNO-BATAVA

unquam professi sunt:

*Juxta seriem temporis, quo quilibet eorum, ab ipso
Academiæ primordio, professionem suam
auspicati seq; mutuo insequuti
sunt,*

ordine hic industriè & fideliter exhibitæ.



PETRVS FORESTVS.



LCMARIÆ natus Anno clō.

Io. xxii. parentib. s. claris,

(patre nimirum ex nobiliss.

& antiquissima Forestorum

familia oriundo) ibique non

minima primæ ætatis parte

in humanioribus literis con-

sumpta, Lovanium tandem graviorum studio-

rum causâ profectus est. vbi per aliquod tempus

hærentem, nec ullum studiorum genus certum

adhuc diligentem, variæ cogitationes retarda-

runt. cum præter alios pater ipsius Iordanus Fo-

restus ad legum scientiam ipsum adhortaretur.

quæ cum ipsi difficillima videretur, ob tantam

& auctorum & opinionum varietatem, cumque

ipse a litibus, quibus disceptandis dirimendisq;

Iuris cognitio perpetuò est occupata, abhorre-

ret, ea cogitatione abjecta, tandem Medicinã, ad

quam naturã propendebat, consecrandam sibi

proposuit. Noluit tamen ejus studium citra pa-

tris cor sensum amplecti. proinde cum Petrus

Nannius, Latine Lingue apud Lovanienses Pro-

fessor

fessor, civis & Præceptor ejus, per literas patri ipsius hoc suasisset, factum fuit, ut is non gravatè annueret. Cum itaque animum ad eam appulisset, intelligeretque, ex Galeni doctrina omnes ingenuas artes partim ratione, partim experientia comparari, existimavit sibi cum doctissimis & exercitatissimis medicis esse versandum, ut non modo artis theoriam, verùm & tecmarfin rectè posset adipisci. quamobrem cum Lovanii quadriennium amplius theoriæ insudasset sub Hieremia Brachelio, philosopho ac medico insigni, & alijs haud contemnendis medicis, eo tempore Medicinam profitentibus: tandem Italiam accessit, ut praxin artis à Doctoribus peritissimis tam Bononiæ (ubi Doctoratus quoque insignia consequutus est) & Patavij, quam Romæ, alijsque in locis celebrioribus perdisceret. Tum temporis Romæ erat quidem inter primos Gifsibertus Horstius Amsterodamensis, magni nominis medicus, (cujus non raro in libris *Observationum* meminit) qui nosocomio *Mariæ consolationis* præerat: Bononiæ vero Benedictus Fauentinus, Iacobus Erigius, qui nosocomij, quod *Mortis* vocant, curam gerebat. & inter alios vel primo loco nominandus Elideus, medicus nosocomij *Vite*. Patavij verò maximus Anatomicorum

corum, Andreas Vesalius. His omnibus ille propter diligentiam ac fidem acceptissimus fuit. Cum igitur istis in locis apud hos præstantissimos medicos, aliosque non minus celebres, annos plures exegisset multa à tam magnis præceptoribus doctus, cum tædere illum peregrinationis porrò inciperet, tandem sibi locum certum deligendum existimavit, in quo vitæ reliquum ageret, honoremque & opes ex arte suâ honestè quæreret. Quo factum fuit, ut ex Italia in Galliam abiret, in eâque Lutetiam; atque ibi primum menses aliquot inter notos & amicos Medicinam factitavit; cùm humanissimè acciperetur a Vido Vidio Florentino, Regio per id tempus Medico, cui ab Italis præceptoribus per literas commendatus erat. Neque minus gratus fuit Iacobo Sylvio, Professori Regio, cui tum temporis Galerium *De facultatibus simplicium medicamentorum* prælegenti aliqua simplicia atque herbas subministravit, quas ipse partim cum viris doctis, partim cum Valerio Cordo, juvene doctissimo (quocum Romæ conjunctissimè vixerat, cuique ibidem morienti anno clō. Io. XLIV. oculos suggillaverat) magno cum labore diversis Italiæ locis collegerat. Verum postea, id suadente eodem Sylvio literisque commenda-

P.

tijs ab

tijſ ab eo acceptis Biturigas abiijt, qua in vrbe annum unum medicinã cum honore fecit. Tandem patre & amicis crebrò per literas revocantibus in patriam redijt, ubi civibus ſuis curandis operam ſedulam per XII. annos dedit. Inde ſtipendio honeſto evocatus, cum peſtis illic graſſaretur, annis plus minus XL. in eã vrbe Medici publici munus geſſit. Quanta autem viri diligentia fuerit, vel imperitum latere nequit. Quis enim numerum librorum, quos edidit ipſe, contempletur, eum neceſſe eſt indefeſſum planè ingenium admirari. Qui vero *Observationes* ejus attentè & cum iudicio legerit, alterutrum certè ſummæ diligentix famam ſatis eſſe, aut tantam negotiorum molem ſuſtinuiſſe, aut volumina tot ſcripſiſſe, procul dubio iudicabit. Hoc loco ſilere non oportet, primam in Medicina lectionem, & orationem pro laude ejus, in Academia Lugdunenſi, per id tempus inſtauratã, habuiſſe. Cumq; jam tantum temporis ſpatium operam exteris navaſſet, civibus ſuis adhuc nonnihil impertiendũ exiſtimavit. Eam ob rem extremã ſenectã, non ſine magno dolore Delphenſium, domicilium Alcmariam tranſtulit. Galeni in hoc exemplum ſequutus, qui cum Romæ optimam vitæ partẽ egiſſet, ibidemq; & honores magnos
& glo-

& gloriam ex arte Medica consequutus esset, jam
gravis annis in Græciam suam rursus abiit. Ut
Alcmariam redijt, ne minimo quidem civium
suorum operam negavit. Consilium erat, non
tantum honore mortis suæ & sepulchri patriam
afficere, sed re & operâ, quod poterat, iuvare.
Igitur cum patriæ, quod debebat, persoluiisset,
etiam animum quam in ea hauserat, illic reddi-
dit, Anno clō. Io. xcviij. cum vixisset annos
lxxv. Epitaphia exstant hæc

Ἐἰς τὸν αὐτὸν.

Τῇδε ποτὶ σήλη ὅστις, ξένε, δλάνρυα λείβεις.
Παυράδῃ κέλομαι· ἔχρεώ ἐστι γόος.
Ὅσα γὰρ ἔλλαχε μοῖρα κακὴ καὶ γαῖα μελαίνῃ
Τοῖσιν αἰὲρ παύροις γνώριμ' ἔσπε βροτοῖς.
Τοῖσι μὲν ἐν γίνωσκε μόγις πολίεθρον ὀκεῖνον,
Ἡ' ἐλίγη πλεθρὺς πόιο περικλιόνων.
Λείψανα δ' ἀβχηχεῖ θανάτῳ μέλαινα ἀμφιπολεῖται
Κόσμον ἐπ' ἀνθρώπων χεῖλεσιν ἐζόμενα.
Ἦρα φίλον γαῖῃ κατέχευ' ἐπὶ πᾶσι Φόρεσσιν
Ὡλεσέ δ' εἰς χῶρον τῷ δ' ἐν ναιέταεν.

Manibus magni patruī ponebat

IOANNES FORESTVS. I. C.

M E M.

P E T R I F O R E S T I.


Med. artis operibus clarissimi.

NOris ut hospes, ossa quanti marmore
 Sub hoc reposita sint viri, sic accipe.
 Sunt illa Petri, è gente quem Forestia
 Cæli benignior, bono mortalium,
 Magni beârat aura mente Hippocratis.
 Hac, artis usu fontibusque lătricæ
 Orbi relictis, ceu perenni lumine,
 Iam major annis septuagenario,
 Nil mente fractus, hos ut artus exiit:
 Desiderat lugetque civem patria,
 Æther recepit; quo fide tetenderat
 Famâ relictâ posteris industriæ.
 Nunc hospes i, quò fata te vocant tua,
 Sua gratulatus optimo Forestio.

Præceptori & amico vet.
 PET. HOGERBETIVS, Med. Hornan.
 mœrens B. in P.

Scripta ejus hæc sunt.

DE incerto urinarum judicio. XXXII.
 Observationum & Cura. De Chirurgia libri V.
 tionum medicinalium libri



GERARDVS BONTIVS



NATVS est Gerardus Bontius
 ann. 1538. Ryfwici, vico Gel-
 drię, patre honesto & stipen-
 diorum plurimorum viro,
 sed qui militarem vitam po-
 stea pertæsus ad tranquillam
 magis, ac honestam volup-
 tatem pariter & fructum, qui ex terræ cultu & fæ-
 cunditate petitur, more antiquorum se contu-
 lerat. Puer ad percipienda prima litterarum ru-
 dimenta Schoonhoviam a patre missus est, ubi
 Adrianum Agrippam præceptorem habuit; ut
 in ea functione multi inter suos nominis & for-
 mandæ juventuti natum. Hunc deinde Delphos
 est secutus, ubi in eodem ludo & Geldorpius do-
 cuit, vir a festiva libertate & ingenua dicacitate
 celeberrimus. His ad annum clo. lo. LXV. adhæ-
 sit, postea Lovanium se contulit. Hic philoso-
 phiæ totum se dedidit, a qua ipsa (nam naturæ
 contemplationi plurimum intentus erat) ad
 Medicinam pertractus est, in qua Biesium audi-
 vit, quem non multo post Lovanio Viennam
 Maximilianus evocavit. Quo quidem Belgis
 erepto, cum Italia Lovanium mutavit. Vbi Fer-
 rariam

rariam sibi, & studijs potissimum idoneam iudicavit: cæterum honorem, qui supremus est in eo studio, Patavij est consecutus. Patavio in Belgium redijt, paulo autem post Lugdunum Batavorum vitæ sedem elegit, in qua, simul cum receptis in hac civitate literis, & musis, e cathedra docere cœpit; homo ab impietate juxta, ac superstitione averfus; quam ut erat magni animi, subisse nomen pietatis, probitati vero fucum facere, haud raro inter candidos amicos, ac synceros, fremebat: ipse aperti, ac ingenui pectoris, iratus simul ijs ac invisus, qui sceleribus ac fraudi cultum numinis prætexerent, quòd est illi generi familiare. Religionem quippe, esse necessariam aiebat, solam vero ejus speciem, si absit virtus, animi ut plurimum perversi, ac contacti vitij asylum esse; ijs histrionibus prædæ esse alienam innocentiam: quam auctoritate opprimunt ac factis. In utroque enim populi credulitate abuti. Quod & ipse expertus est. Inter philosophos, Platonem proximum nobis, maximè amavit, cum quo Maximum Tyrium philosophum, sed & Nemesium plerumque coniungebat; Illum Platonicum, hunc & Christianum. A quibus ne in morbo quidem divortium fecit. Fato quippe proximus, divini Augustini Steuchi

chi opus de perenni sapientia, sæpe a se lectum, repetijt, & in ista cōtemplatione, cum ad Deum aliquoties ardentem mentem convertisset, expiravit. Iulium Scaligerum, non tam imitatione inertis, a qua abhorrebat, quam iudicij consensu secutus, qui hoc scriptum & legebat ipse plurimum, & non paucis commendavit. Morum erat simplex, ac candidus, ingenio festivo, & ad liberalitatem facto. Dignitatem Academiæ sine fastu, familiæ curam sine severitate sustinebat: uihil ut Italis præter eruditionem deberet, contra eorum vitia optime munitus, non tam instituto, quam indole. Vir bonus absque apparatu, prudens sine ambitione. In vultu gravitatem æstimasses: ubi propius novisses, comitatem ejus amare maluisses. Quorum rationem ignorabat ea nec admirabatur, neque cuivis obvio credebatur: divina solitus excipere, quorum ratio ab humanâ nec dependet, nec investigatur, quia pariter naturam excedit. In cæteris subinde irasci pronus ad stoliditatem vulgo, quam cum indignatione interdû castigabat. Homo quippe acer qui nec ipse sibi gratiam cujuslibet delicti faceret, in fatuitate, a qua aberat longissime, nihil minus quam pertinaciam ferebat, quæ armata nugis, facilius oppugnat veritatem, quam intelligit.

telligit. Hoc quoque ad reliqua accefferat, formæ decor ad ætatem ultimam in eo constans, e qua omnium postremò venerandam canitiem servaverat. Liberos benigne potius quam laxè habebat. quibus efficaci ad virtutem instrumento, non verbis sed exemplo, præibat. Græce ita doctus, ut Galenum ac Hippocratem, hoc sermone semper legeret: in contemplativa medicina tantus; ut non aliud egisse videretur. Activam, in qua paucos ætate sua pares habuit, nemo plures curavit, non tam ad quæstum, quam ad benignitatem exercuit, quanquam duro onere familiæ ac gravi. Adeo promptum virtutibus, invictum in adversis animum habebat. Omnes enim diligenter; destitutos a fortuna gratis accedebat. Supremum Academiæ honorem aliquoties sustinuit, nūquam affectavit. Postremo, quanquam hoc minimum in eo est, qui hæc nondum æstimare didicit; ne privatus quidem obiit. In ipsa enim Academiæ Recturâ extinctus est. Anno clō. Io. xcix. Sept. xv. ætatis LXIII. nimirum climacterico, magnis viris sæpe exitiali. Fatalem horam & præsensit neque extimuit. Quorum alterum ab experientia, alterum ab innata sapientia habuit. Morti proximus, cum non nihil cibi sumpsisset, repugnante stomacho,

Q

cujus

cujus imbecillitate laborabat, ad Reinerū filium conversus, animo composito, Ecce autem, inquit, iste victus est, neque adhuc deditioem parat. Liberos reliquit octo, & in his Iohannem ac Reinerum, alterum Roterodamensis Reipublicę medicum, & hoc tempore Quæstorem: hunc ejusdem artis Professore, summis principibus MAURICIO ac HENRICO NASSOVIIIS a medicinâ: virum quam tenacem patrię virtutis, tam ab ostentatione virtutis alienum. cui, quod miraculi est instar, artis etiam successum reliquit. quasi cui reliqua non deerant, fortunam quoque inter domestica haberet. Duo reliqui, supremum alter Iuris, alter Medicinę gradum in eadem Academiâ tuetur. Scripsit plurima, in Hippocratem præsertim, sed quæ edi noluit. Potius enim eruditionem deesse sæculo existimabat quam scriptores.

EPITAPHIVM.

D. O. M.

ET MEMORIÆ D. DOCTORIS

GERARDI BONTII,

VIRI CVM OMNIVM DISCIPLINA-
RVM TVM PRÆCIPVE VTRIVSQUE
MEDICINÆ LAVDIBVS ORNATISSI-
MI: QVI IN FLORENTISSIMA BA-
TAVORVM ACADEMIA PRIMARIVS
MEDICINÆ PROFESSOR, MAGNÆ
FAMÆ CELERBITATE TOTOS XXIV.
ANNOS PVBLICE DOCVIT, IBIDEM-
QVE RECTOR MAGNIFICVS RECTO-
RATV SIMVL CVM VITA DEFVN-
CTVS EST. XV. SEPTEMBRIS.

ANNO clb. Is. ix.

VIXIT AN. LXII, MENS. VI,

DIES XI.

Coniux & liberi mœsti
posuere.



IOHANNES HEURNIUS
MEDICINÆ PROFESSOR.

IOAN.

IOANNES HEURNIVS.

*Ni Deus adfuerit, viresque infuderit herbis,
Quid rogo Dictamnium, quid Panacea juvent?*

Hic Lara hic & antiqua Belgarum familia oriundus, patrem habuit Otthonem Heurnium, qui ex uxore Geertruda a Velsen primogenitum hunc filium suscepit Ultrajecti, anno clō. Io. XLIII. Ianuarij xxv. stylo antiquo, quadrantem ante sextæ mediam matutinam. Ab ipsius incunabulis placidum & gratiosum Heurnio ingenium fuit, ipsa que indoles Medicæ artis excellentiam in puero persagijt. Nam cum ipsum mater lactasset, non ut fieri solet cunarum agitatione sopiri poterat, sed in lecto repositus domesticum catellum (fidum olim Æsculapij comitem) ludibundus spectans obdormiebat. Ipso autem evigilante defiliens e lecto catullus sua præsentia matri rem denuntiabat. Prima studiorum fundamenta sub Georgio Macropedio, Ultrajectanæ scholæ Rectore, celeberrimo id ætatis viro, posuit. Deinde institutione Arnoldi Eikij, claro tum Ultrajecti in pue-

Q iij

rorum

rorum ingenijs formandis viro, in studiis humanioribus magnos progressus fecit. Lovanium anno ætatis xviii. a patre deductus, per biennium ex publicis lectionibus celeberrimorum Regionum Professorum, Hieremiæ Triverij Brachelij (cujus doctissima extant Commentaria, ad Aphorismos Hippocratis, Galenum & Celsum) Andreæ Baleni, Petri Brogelij & Gemmæ Frisij filij, in Philosophia ac Medicina plurimum profecit, adeò ut jam corroborato studiorum suorum fundamento ad eorum consummationem animum adjiceret. Parisios igitur contendit, ut intima Medicæ artis arcana perciperet, quæ ibi publicè maximo totius Europæ concursu & applausu nitidè enarrabant,

Aurea doctiloqui cœlestia labra DURETI,

Ambrosia & Coopasta labella favo.

Fuit enim hic Duretus non suæ tantum ætatis, sed omnis ævi Medica arte eminentissimus, dicendo, agendoque juxta optimus: & ut Heurnius subindè dicere solebat in Medicorum ordine tertius, Galenoque postponendus, in posteriorum autem serie reliquis omnibus antefendus. Primus enim exstitit qui barbariei mandragora sopitum Hippocraticæ artis genium, acri & incitato suo ingenio resuscitavit, & ex tenebricoso

bricoſo tricarum ergaſtulo in illuſtre theatrum orbis terrarum protraxit. Vnde Stephanus Paſchaſius lib. II. epigrammat.

Prisca quod Hippocrati venerando debuit ætas,

DURETO cur non debeat Hippocrates?

Ille ſua morbos immanes arte fugavit,

Hic a morte ſuum vindicat Hippocratem.

Nam in ultima Burgundia natus, primis ætatis temporibus Parisios venit pauper & inops, ſed mox ingenij vivida vi exſplendefcente reliquos commilitones multis paraſanguis ſuperavit; primuſque in ordine Doctorum (pro ut Pariſijs conſuetudo ferebat) promotus, ditiffimo conjugio proſpera ipſum fortuna beavit. Mox Regia Profeſſione & praxi illuſtris, vitam docendo, ſcribēdo, & praxi aulica ac Regia tranſegit. Nam Caroli Novi, & Henrici Tertij, Galliarum & Polonie Regum perpetuus, cubicularis medicus fuit. A quibus adeò dilectus, ut cum filium elocaret, Rex a dextris, ipſe a ſiniſtris filiam in templum ad ſolemnia ſponſaliorum perpetrāda deduxerint. Ipſeq; Rex ſua præſentia nuptias cohonestans, omnem auream & argenteam ſupellectilem, quā miniſtrabatur, cujus prætium quadraginta florenorum millia excedebat, ſponſæ pro honorario donavit. Tantus enim Regis erga

Dure-

Duretum affectus, ut nisi ipso adstante cibum non sumeret, sæpeque exclamaret, Durete si filium haberem tuæ curæ ejus & educatio & institutio esset. Obijt morte immatura, sed placida ac provisa Anno clō. 15. LXXXVI. ætatis LIX. Mortis genus ex his ipsius Dureti verbis in Commentario ad Coacas pag. 289. colligi potest: *Ut spuma fit in pulmone, ita non semper sanguis e pulmonis commeatu nec de substantia ejus prorumpit. Quod multis juvenibus evenisse comperi, quibus cohibita narium hæmorrhagia, sanguinis anadrome cursum habuit per pulmones, & exitum per os. Ac mihi quoque jam homini quinquagenario cum olim familiaris fuisset narium hæmorrhagia commoda valitudinis ad illud usque tempus ætatis meæ; tum ea suppressa nec tamen anadrome statis temporibus quiescente; qua data porta prorupit per anastamosin venarum pulmonis, atque id quidem sæpè & multum: quæ tamen sedata per Dei misericordiam nullam offensionem parti reliquit, quâ cursum inflexit, præter summam corporis infirmitatem. Sed eum qui sequutus est annum exegi in medendo, scribendo, & legendo Hippocratem clara voce & firmis lateribus. Deo sit honor & gloria qui me sanavit, ac mihi medicine faciundæ rationem aperuit per hæmorrhoides admota hirudine. Sic enim rheuma concitatum retrahitur, efferaque sedatur anadrome atque sistitur. Reliquit liberos plures, quorum IOANNES DVRETVS*
 artis

artis paternę heres, praxi Medica clarissimus, divinum Hippocratis Coacarum opus a patre denso eruditionis robore circumdatum, ipsoq; Sole nitidius illustratum, & a se consummatum, ante multos annos publicavit: reliqui in foro Parisiensi paterni ingenij vigore ac prudentia maxima cum laude Iurisprudentiam exercent. Quę ab hoc viro publicę dicta aut scripta, robore, & brevi ac rotundo acumine, Hippocraticam indolem representant; omnibusq; posteris emulationem relinquunt, imitationem omnem præcidunt. Post editas a Clarissimo Ioanne Dureto patris Coacas, celeberrimus Regius medicus D. RENATUS CHARTERIUS (vir doctrinæ soliditate admirabilis, qui veri Medici munus perfectissime implet, dicta factis æquando, morborumque fœlici medela rem quam mente concepit ostendendo) Dureti in Hollerium de Morbis Internis consummatissima, & admiranda eruditionis ambrosia saturata, Commentaria publicavit: plurimasque alias admirandi huius viri ad Hippocratę lucubrationes brevi promittit; S. Deus adeo utilem laborę prosperet & fœlicitet. Hunc toto triennio tanta sedulitate Heurnius audivit nullam lectionem ut negligeret. Cumque serius interdum ipsum accedere conspiceret, audita

R

non

non semel publico ex suggestu Dureti vox, mi
adolescens doleo jam quædam dicta quorum
non es particeps. Magnum Dureti erga Heur-
nium adfectus indicium, à viro enim gravi, nec
verborum prodigo, quem etiam ipse Rex reve-
rebatur, nunquam ea vox nisi erga Heurnium
publicè audita. Cum MAGNO hoc DVRETO
Heurnius Medicam praxin cottidie frequenta-
vit Parisijs, pluresque a calculo sectione liberari
vidit a peritissimo omnis ævi Lithotomo *Laurentio Collodæo*, nam præter mollissimam in cru-
delissimo opere encheiresin, ea ipsi erat agilitas
pari cum securitate eventusque fœlicitate juncta,
ut sæpe jam calculos extractos ægrotis ostende-
ret, cum ipsum in sectionis præparatione versari
censerent. Studia etiam humaniora ibidem ex-
coluit, assiduè Carpentarium, Ramum, Tur-
nebum, Auratum, audiens. Inde horridam Hi-
spaniam invisere cum animo agitare, pruden-
tis amici dissuasum tot periculis pregnantem pe-
regrinationem omisit, & ad Europæ delicias Ita-
liam iter convertit, anno ætatis XXI IIII: ea-
que tota perlustrata Patavij sedem fixit cum Pe-
tro Foresto, Busenio, Teilingio, sodalibus &
conterraneis suis, qui magna postea fuere Hol-
landiæ in arte Medica lumina. Semel ibi ab
homi-

homicidis, bis a virulentis animalibus vitæ discrimen adiit, nimirum serpente Boas, & insecto Phalangio. Cumque Venetorum ad Turcarum Imperatorem Legatus Heurnium ob egregiam eruditionem amplo stipendio ad Constantinopolitanam peregrinationem invitaret, ipsum sequutus fuisset, nisi inconsultis parentibus id facere reformidasset. Cum igitur Patavij Capivaccium, Stephanellum, Mercurialem, Paternum, Aquapendentem, Guilandinum, summa diligentia audivisset, & in omni Medicinæ parte egregie se exercuisset, Ticinum profectus est anno ætatis xxviii. Cumque ibi aliquamdiu sedulam Anatomix operam sub clarissimo Gabriele Cunerio navasset, & cum Bellocatone celeberrimo Medico praxin cottidianam frequentasset, jam consummatissima Medicinæ scientia, quantum ea ætas ferebat, instructus, Gradu Doctoratus ibidem decoratus est. Loci autem ejus genio allectus cum diutius ibi subsisteret, & jam antea idnotuisset Illustrissimo Domino NICOLA O RENALDO PERENOTO Domino a Granvella & Chantonay, Comiti a Cante-croy, ab ipso per biennium honorifico stipendio pro Medico habitus est. Cum autem cele-

berrimus ejus Academiae Professor ipsi filiam unicam simul cum Professione & tota hereditate tradere decrevisset, jamque publicè doceret ut eruditionis specimen daret. Itali plures cor- rivaies in ipsius perniciem conspiravere. Itaque satis perspecta cum in hujusmodi rebus Heurnio fidelis Italorum esset indoles, repentè clam in patriam contendit, ea festinatione ut exili tem- pore totum iter absolueret, nullum sibi locum tutum nisi patriam existimans. Ita anno ætatis xxx. in ipso belli civilis æstu reversus Ultrajectū, Medicinam ibi exercuit, Domesticusque Medi- cus fuit Celsissimorum Principum de Egmont, & Ultrajectinæ Provinciæ eo tempore Guber- natoris Domini de Noortcarmes, quem ex ve- neno ab Hispanis propinato diuturnus ac tædio- sissimus læthalis Icterus torquebat. Hujus favo- re paternas ædes immunes servavit a tyrannide militum Hispanorum, quibus singuli cives suis in ædibus victum gratis dare, cum summo rei familiaris dispendio, cogeantur. Eorum fastus tolerandus, insolentia perferenda, injurię devo- randę erant, silente sub armorum vi lege & ho- nestate omni; adeò ut quod in universo Belgio domus totidem & privatae tyrannides essent. Ducit tūc Ioannes Heurnius Ultrajecti, in patria
sua

sua, uxore Christinam Bayers, virginem indigenam, antiqua multoque honorum decore clara patricia familia oriundam. Nam Bayerorum familia prisca & celebris in ditione Ultrajectina prosapies, multis ætatibus conjugij copula inferta est clavis ibidem patricijs familijs Helsdingorum, Lystriorum, De Roien, Hanniorum, alijsque plurimis. Functa & Bayerorum familia multis ætatibus primarijs Ecclesiasticis honoribus Ultrajecti, cui in omnibus ferè templis testimonium monumenta præbent. Eorum quidam Episcopi Ultrajectini Vicarij fuere, qui ipso absente Reipublicæ clauum moderabantur. Iam rebus Belgij Illustrissimi Principis Auraici adventu nonnihil recreatis & immutatis elegitur & Iohannes Heurnius ejusdem Principis suffragio in Senatorem seu Scabinum Reipublicæ Ultrajectinæ. Nihil homini Musis & tranquillitati dedito gravius, hoc turbulentissimo temporum statu, accidere potuit. tandemque vix multis precibus ac magno molimine ejus officij vacacionem impetravit. Mox in vrbe Leydeni erecta Academia, eò a Nobiliss. ac Ampliss. Curatoribus & Coss. evocatur ad Professionem Medicam. Deserit igitur patriam, Leydam commigrat, anno ætatis xxxviii, Christi cl. l. lxxxj, Octo-

bris xxxi. Inde anno clb. Is. Lxxxviii, ab Illustrissimis Frisiæ Ordinibus, & Illustrissimo Comite Guilielmo Ludovico Nassovio ad Professionem in Academia Franekerana sustinendam stipendio honestissimo evocatus est. sed Curatorum Consulumque benignitate, locique amenitate detentus, sortem mutare noluit. Præximæ cum auctoritate exercuit, perpetuus Ordinarius medicus Illust. & Celcis. Principis Auricæ, Principis Mauritiij Confœderatarum Belgij Provinciarum Gubernatoris, Principis Chimayæ, & omnium procerum Hollandiæ. Totam ætatem in Hippocratis familiaritate consumpsit, adeo ut ejus locos omnes Græcè memoria teneret, prælectionesque suas incomparabili sermonis venustate ac suavitate condiret, nulliusque scripti subsidio de cathedra, perpetuo divini Senis mysteria enarraret. & de superiore loco disputantem neque honesti vultus decor, neque vocis & motus elegantia destituebant. Quo autem emolumento Academiae Leydensi inservierit, testis clarissima ejusdem Academiae fama, nam bonam, imò potissimam celebritatis partem, ei attulit. Testis & doctissimorum discipulorum uberrima seges, quæ ex ejus schola tanquam ex Chironis antro, prodijt nobilissima. Sexies ibidem

dem Magnifici Rectoris dignitatem sustinuit. Primusque in Academia Leydensi propria manu *Anatomiam* administravit id efflagitantibus studiosis, cum insolens hoc exercitium patriæ nostræ eo tempore esset. Docuit & ibi in Collegio Illustrissimorum Ordinum, quatuor libros Aristotelis Meteorologicos, & tres de Anima, quos doctis Commentarijs etiam illustravit. Intimam hic coluit amicitiam cum viris ævi nostri celeberrimis, Iano Doufa Domino de Noortwijck & Academiæ Curatore, Ioanne Banchemio Supremæ Curiae Hollandiæ & Zelandiæ Præside ac Academiæ Curatore, Petro Deimanno Consule Reipublicæ Leydensis, Nicolao Zeistio Reipublicæ Leydensis Syndico, Ioanne Holmanno Secundo, Francisco Iunio, Luca Trelcatio, Hugone Donello, Everardo Bronchorstio, Iosepho Scaligero, Iusto Lipsio, Francisco Raphelengio. Inter discipulos clarissimi & beneficiorum a præceptore in se collatorum memores hi sunt: *Sebastianus Ecberti* vir summus, & Medicæ Politicæque scientiæ juxta gnarus, multis annis ad clavum Reipublicæ admotus, & inter Potētissimos Ordines Generales Confœderatarum Belgij Provinciarum delegatus, unicus inter eos quos Amsterdamum extulit arte medica
cla-

clarissimus. *Petrus Wittendel*, Reipublicæ Haganae Medicus Ordinarius, vir ad omnium voluntates devinciendas ipsis Gratiarum manibus factus, longa artis experientia in Italia & Hollandia clarus, cuius, post mortem Heurnij, consilio in casibus periculosis Magnates Holladiæ utuntur. *Cornelius Vigius Hornanus*, olim in Academia Dolana Medicinæ Professor, postea Illustrissimorum Comitum Embdensium Medicus Ordinarius. *Baldwinus Hamæus*, profunde æruditionis vir, illustris officio Medico quo per annos plures apud Magnum Moscoviæ Ducem functus est; nunc verò maxima cum celebritate Londini in Anglia artem, qua ab Heurnio imbutus, exercet. *D. Valentius & Guilielmus vander Meer*, Reipublicæ Delfensis Medici ordinarij celeberrimi. *Gualterus Verdoesius* politissimæ doctrinæ ingenium, Medicæ artis in Republica Ultrajectina olim illustre fidus. *Theodorus Velius* Reipublicæ Hornanæ Medicus ordinarius, praxi medica per Noorthollandiam clarissimus. Ioannes Heurnius integra sanitate toto vitæ tempore usus est, semel tantum in Italia paucissimis diebus febris conflictatus, quam ilicò larga venesectio abstulit. Colico dolore statim infestabatur cum calida ac acria copiosius assumeret; ideò sibi a pipere, capis,

capis, raphano, & id genus edulij studiofissime cauebat. Variolis non laboravit, metuens tamen sibi ab externo irritamento, non libenter hoc morbo affectos accedebat. Anno tandem ætatis LVI, Christi cl. l. xcviij, viij. Februarij, tanta sanitatis serenitas lethali procella concussa, tandèq; everfa est. Publico enim in convivio mustum rhenanum crudum & austerum bibens, repentè percepit sibi urinæ reddendæ facultatem interceptam. Domum igitur rediens ne urinæ quidem guttam excernere potuit, nisi post longa tum enematum, tum fomentorum molimina, tantum stillatim & acerbo cum cruciatu. Omne genus medelæ ab ipso tentatum, sed frustra, reluctantis fatis. Sic paulatina dolorum carnificina attritus, anno ætatis LVIII, Christi cl. l. ci. de nocte diei xxix Maij, qui erat Martis; incidit in febrem lethalem, quæ cum subinde violentiam remitteret, mox acrius recrudesceret, fomite mali perpetuò superflite, tandem toto naturæ robore dolorem immanitate attrito, placidè in Christo obdormivit, Augusti undecimo, qui erat Saturni, manè paulò ante sextæ mediam, eodem ferè quo natus momento. Is in crudelissimis doloribus Heurnio mentis vigor & constantia fuit, etiam cum jam in extrema

vitæ tegula staret, ut perpetuò adstantes & amicos placidissimè cum omnium sensuum integritate compellaret. Post mortem in ejus vesica septem calculi reperti sunt (qui ab ejus filio OTTHONE HEURNIO Medicinæ Professore adservantur) forma & magnitudine nucis iuglandis majoris, omnes æqualis magnitudinis & ponderis, nam singuli pendunt drachmas duas, ita ut septem xiv. drachmas expleant. Liberos ex uxore Christina Bayers procreavit undecim, quorum duo ante ipsum vita functi, ipsum cum uxore insequuti tres. Sex etiamnum superstites, quorum tres Ottho, Ioannes, Iustus, paternam artem Medicam colunt, unus Thomas Iurisprudentiæ in Curia Ultrajectina vacat.

IN I. HEVRNII EFFIGIEM.

Qui Medicos purgavit ovans a sentibus hortos
 HEURNIUS, & Phœbi crescere fecit opes.
 Fecit opes Coas Medicis florescere silvis,
 Et Charitum lymphis imbuere omne nemus.
 HEURNIADES doctæ radianti munere linguae
 Illustrans magni turbida scripta Sophi.
 Sollers Assyriâ scrutari sidera curâ,
 Et morbi faciles ritè notare dies.
 Ereptum Gracis, Romana voce Batavis
 Excultum nitidè, qui dedit Hippocratem,

*Sic faciem, sic membra tulit spirantia Magnus
HEURNIADES, Cois ora rigatus aquis.*

I. ANRAET.

ALIVD.

*Zoïle quid ringis? caput hoc quid toruus oberras?
Iam jam Gorgoneos experiere modos.*

EZECH. VALENS.

I. Posthij Archiatri Wirzeburgici
ELOGIUM DE IOANNE HEURNIO,
Lib. 2. Sylvar.

Illustrat medicam fœliciter HEURNIVS artem,
Commodus & viva voce librisq; suis.
Quin etiam reddit vitam morientibus agris,
Mirifica miscens pharmaca rara manu.
Ergo virum præsens celebratq; & suspicit ætas,
Postera sed faciet Dīs in honore parem.

EPITAPHIVM.

a celeberrimo DD. Heinsio positum

I. HEURNIO

eadem in loco cum uxore sepulto.

Hic ille HEURNIADES cui se tot maxima debent
Nomina, cui debet se Medicina, jacet.
Sustulit hunc magni tortor crudelis Erasmi,
Quem toties alijs sustulit artis ope.

S ij

Ne

*Ne tumulto quid desit, adest fidissima conjux,
 Et vite comitem nunc quoq; mortis habet.
 Sic olim conjuncta thoro, nunc juncta sepulchro,
 Continuat pactam nondum aliena fidem.*

EPITAPHIVM.

Memoriæ Sacrum.

IOANNI HEVRNIO

AD PHILOSOPHIÆ ET MEDICINÆ LAVDEM

NATO VLTRAIECTI

AN. cō. l. XLIII. STYLO ANTIQ. MANE

POST HORAM V.

MORIBVS SANCTISSIMIS, ET INGENIO

SVpra HOMINEM PRÆDITO:

QVI CVM LEYDENSI

ACA- DE- MIAE	{	PRIMARIA PROFESSIONE HIPPOCRATICA,	}	INSER- VIIS- SET.
		RECTORATVS SEXIES FVNCTIONE,		
		SVMMA SCRIBENDI CELEBRITATE,		

PER ANNOS XX,

DENATVS LEIDÆ

AN. cō. l. C. I. AVGVSTI XI, STYLO NOVO,

EODEM FERE QVO NATVS MEMENTO.

VIXIT ANNOS LVIII.

MENSES VI.

DIES VII.

Conscripsit, & edidit ipse.

INstitutiones Medicina. Lib. De Elegantia.
 Praxis Medicina Novam rationē, seu Methodi ad Praxin Lib. De Carnibus, sive Principijs.
 Medicam libros tres. Lib. De Purgatorijs remedijs.
 De Morbis Capitis Lib. Lib. III. Prognosticon.
 De Febris Lib. Aphorismos.
 De Peste Lib. De natura & præfatio horrendi
 Cometa qui anno 1577. orbem
 terrarum terruit Lib.

COMMENTARIA
 in Hippocratis,


Iusjurandum.
 Lib. De Medico.
 Legem.
 Lib. De Arte.
 Lib. De Veteri Medicina.
 Præfationem doctam in Secreta
 Alchimie Magnalia D.
 Thomæ Aquinatis, & Io.
 De Rupefiscia, ac Rai-
 mundi Lullij librum.

Ipso defuncto, filius OTTHO HEURNIUS
 In Academia Leidenſi Medicinæ Pro-
 fessor, hæc ejus posthuma
 opera publicavit.

DE Morbis Oculorum, Aurium, Nasi, Dentium, & Oris, Lib.
 De Morbis Ventriculi Lib.
 De Morbis Mulierum Lib.
 De Morbis Novis & Miran-
 dis Epistolam.
 Orationem, De Medicina origine,
 AEsculapidi ac Hippocratis
 stirpe & scriptis.

COMMENTARIA
 in Hippocratis.

Libros duos De Hominis Natura.
 Libros quatuor De Vietus Ra-
 tione in Morbis Acutis.
 Responsum ad supremam Curiam
 Hollandiæ & Zelandiæ,
 Nullum esse aquæ innata-
 tionem Lamiarum indi-
 cium.
 De Humana Felicitate Lib.



REMBERTUS DODONÆUS
MEDICINÆ PROFESSOR.

REM-

REMBERTVS DODONÆVS.

Hoc tam egregium patriæ & seculi ornamentum Anno clō. Io. xvii. Machlinia protulit, vrbs inter Belgij præcipuas vna. Erat in viro acerrimum ingenium, & ad studia magnus impetus: itaque facillimè maximam rei Medicæ & Hærbariæ cognitionem sibi comparavit, quæ nomen ejus nunquam moriturum per totam Europam latè diffudit. Et de eo hoc fatendum, in suâ arte illi pares paucos suâ ætate, superiorem neminem usquam exstitisse. Hoc famæ encomio duobus maximis Imperatoribus commendatus Maximiliano, ejusque filio Rudolpho II, ab utroque in aulam adscriptus, ac curandæ valetudini præpositus fuit. Inde in hanc Academiam à Curatoribus vocatus anno clō. Io. LXXXII. lectionibus eam scriptisque doctissimis mirum in modum exornavit, donec tandem vivere desijt, anno CHRISTI clō. Io. LXXXV. ætatis LXVIII.

Mortuo

Mortuo hoc Epitaphium positum est.

D. O. M.
REMBERTO DODONÆO MACHLIN.
D. MAXIMILIANI II. ET RVDOLPHI II. IMP.
MEDICO ET CONSILIARIO:
CVIVS IN RE ASTRONOM. HERB. MEDIC.
ERVDITIO SCRIPTIS INCLARVIT
QVI IAM SENEX IN ACAD. LVGDVNENSI
APVD BATAVOS PVBLICVS
MEDICINÆ PROFESSOR, FELICITER OBIT
AN. cId. Id. LXXXV. AD VI. IDVS MART.
ÆTATIS SVÆ LXVIII.
REMBERTVS DODONÆVS
FIL. M. P.

REMBERTVS DODONÆVS

hæc in lucem edidit.

A Nno 1546 Paulum Aegi- liberis comprehensam.
natam a Ioanne Guinterio De Sphæra, sive de Astronomia
Andernaco Latine cōversum, & Geographia principijs Cos-
ad Græcum textum accuratè mographicam Isagogen.
contulit ac recensuit, plusculis Medicinalium Observationum
locis interpolatis & a mendis exemplarara, & Annotatio-
repurgatis, præmissa epistola nes in Antonij Benevenij ejus-
nuncupatoria. dem argumenti libellum.
Belgico primum idiomate, & po- Composuit & Curationes omnium
stea Latino, Sirpium Historiam morborum, quas discipulis suis
Pemptadibus sex, seu triginta dictavit, sed editas nondum.

PETRVS



PETRUS PAAW MED. DOCT ANATOMICUS
ET BOTANICUS PROFESS. ACAD. LUGDUNOBAT

T

PE-

P E T R V S P A A V V .



Hoc egregium patriæ orna-
 mentum Amstelodamum
 nobis dedit, vrbs Hollandiæ
 magnitudine & opibus pri-
 ma, ac commerciorum famâ
 illustris. Natus est anno clō.
 Is. LXIV. patre cognomine,
 matre verò Geertrude Spiegels, utraque patri-
 tiâ illic familiâ. Puerum admodum, deprehensâ
 ingenij indole, studijs pater mancipavit. Ac pri-
 ma sanè rudimenta eorum Amersfortiē sub Gef-
 felio posuit, quæ mox sub Alardo Frisio, Amste-
 lodamensis Scholæ Rectore, postea in Frisiâ ad
 maiorem dignitatem translato, continuavit. Et
 tantos in Latinâ pariter ac Græcâ linguâ progres-
 sus fecit, ut æqualium multos antecelleret, supe-
 riorem verò neminem haberet. Inde, adultâ mox
 ætate, ad graviora Medicinæ studia animum ap-
 plicare placuit. itaque Lugdunum Batavorum
 venit anno clō. Is. LXXX. vbi præceptoribus vsus
 Gerardo Bontio, Ioanne Heurnio, ac Remberto
 Dodoneo, quibus familiaris fuit, ut & Lipsio.
 Peregrè profectus anno clō. Is. LXXXIV. Lutetiæ
 primum Parisiorum aliquamdiu egit, ibique in
 Medi-

Medicinâ se exercuit sub Ludovico & Ioanne Duretis. & Anatomicis operam quoque ibidem dedit, Ioanne Fabro præceptore vsus. Hinc Aurelias cum se recepisset, claris famâ Iureconsultis, Gulielmo Furnerio, & Ioanni Roberto, innotuit: sed nullo illic Medicinæ pretio. Exortis verò per id tempus tumultibus Gallicis inde eiectus, comitatus Rumoldo Hogerbetio, & Gellio ab Hillaamâ, illo Bataviæ, isto Frisiæ nunc consiliario, secundo Ligeri Nannetum profectus, conscensâ ibi navi in Daniam abiit. Vnde cum se Rostochium contulisset, ibi aliquantis per substitit, invitatus à V. CL. Henrico Brucéo, primario ibidem Medicinæ Professore. Sub quo cum se aliquamdiu in Anatomicis potissimum exercuisset, tandem publicè summum in Medicinâ Doctoris gradû est adeptus anno clō. Io. LXXXVII. Simul etiam Medicinam profiteri in Academiâ illâ cœpit, & Anatomica proposuit; tum Galenum quoque *De cibis boni & mali succi*: quem & cum Notis ibidem edidit. Itidem alios quoque tractatus, *De Exercitijs, Lacticinijs & Bellarijs*. Postea relicto Rostochio Italiam petiit, quâ vix per trimestre inspectâ, cum in familiaritatem Aquapendentis Anatomici, & Cortusi Botanici se insinuasset, morbo parentis subitò revocatus in

T. ij patriam

patriam redijt. In ejus verò Academia Professio-
nem Medicā accepit anno clō. lō. LXXXIX. man-
data ipsi provincia gemina, vt æstate Botanica,
hieme Anatomica tractaret. Vtrunq̃ue hætenus
cum fide pariter ac laude sua maxima præstitit,
instructo etiam Horto Publico, cujus præfectu-
ram sustinet, & examinatis subjectis humanis
plurimis, quorum sceletis etiamnum ornatum
visitur Theatrum Anatomicum. Vxorem duxit
in hac ipsa Vrbe Mariam Hautenam, Iani Hau-
teni, Vrbi à Secretis, filiam, anno clō. lō. xciii.
qua erepta anno clō. lō. c. xii. nunc viduus agit.
In Academia ter recturæ munere ornatus est:
annis clō. lō. c. clō. lō. c. vi. & nunc hoc ipso
clō. lō. c. xiv. Edita ab eo.

Descriptio ac Delineatio Horti Publici.





CAROLUS CLUSIVS CLARISS.
BOTANICUS PROFESS. HONOR.

T ij

CA

CAROLVS CLVSIVS.



IC in attrebatum vrbe natus
 anno clō. Io. xxv. familia no-
 bili, ad fortunæ bona animum
 honestum attulit, & ingenium
 liberale, studijsq; optimarum
 artium capeffendis aptissimū.
 Vt primum ex ephebis exces-
 sit, Gandavum à parentibus missus, sub optimis
 præceptoribus optimis artibus ritè imbutus est.
 Ætate jam grandior factus ad graviores discipli-
 nas, & imprimis jus Civile discendum, Lova-
 nium ablegatur: vnde mox digressus anno æta-
 tis xxii. Marpurgum in Germaniam profectus
 est, vbi diligentissimus Oldendorpij auditor ali-
 quandiu, cum in familiarem ab Andræa Hype-
 rio Theologo consuetudinem receptus esset, de
 consilio ejus Witebergam Saxonum adiit, potis-
 simum ut Philippum Melanchthonem videret,
 audiret, ac propius cognosceret. Circa annum L.
 in Narbonensem Galliam se contulit: unde pau-
 cos post annos ob bellum inter Carolum V. Cæ-
 sarem, & Henricum II. Galliarum regem, exor-
 tum in patriam à patre revocatus, istuc aliquot
 annos vixit, donec anno LX denuò in Galliam
 rever-

reverteretur, Lutetiāq; biennium viveret. Inde propter intestinum bellum Lovanium abiit, & istic anno vno vixit. Anno LXIV evocatus in Germaniam bimestri istic transacto, per celeres equos in Belgium rediit, & inde per Galliam in Hispaniam profectus, plures ejus provincias, & magnam Lusitaniæ partē, anni spatio perlustravit. Anno sequente in patriam reversus usque ad annum LXXI. in ea permāsit, quo Lutetiam profectus, & inde per Caletes in Angliam. Illa autē ex parte peragrata, denuò Lutetiā & in Belgium regressus est: istic hærens usque ad annum LXXIII. Tunc a Cæsare Maxamyliano II. evocatus Vienne Austriæ concessit, ubi in aulæ familiarium numerum benignè receptus, & Horto Cæsareo præfectus, mox quoque locum eundem apud Rudolphū II. Maxamyliani F. tenuit. Sed inde aulæ tædio Francofurtum se cōtulit anno LXXXVII, ubi sexennio privatim exacto, (etsi vix latere potuerit, nam & consuetudinem ejus gratissimam habuit Guilielmus Landgravius Hassiæ, & annum ei stipendium decrevit) anno XCIII Lugd. Bat. evocatus à Curatoribus Academiæ istius, illic ætatis & gloriæ satur vivere desiit anno 1605. b. c. IX. cum annos vixisset LXXXIV. Vir in quo præter exactissimam stirpium cognitionem, e-

rant

rant cæteræ dotes præclaræ complures, & peritia
linguarum Græcæ, Latinæ, Italicæ, Hispanicæ, &
Germanicæ. Sepultus est in templo B. Mariæ,
cum hoc Epitaphio.


BONÆ MEMORIÆ
CAROLI CLVSII.
ATREBATIS.

Pos.

QVI OB NOMINIS CELEBRITATEM PROBITATE, E-
RVDITIONE, TVM REI INPRIMIS HERBARIÆ ILLV-
STRATIONE PARTAM, INTER AVLÆ CÆS. FAMILIA-
RES ALLECTVS, ET POST VARIAS PEREGRINATIO-
NES A NOBB. DEMVM ET AMPLISS. DD. CVRR. ET
COSS. IN HANC VRBEM CONDECORANDÆ ACA-
DEMIÆ EVOCATVS, ET STIPENDIO PVB. PER AN-
NOS XVI. HONORATVS XCIV. Æ. S. ANNVM IN-
GRESSVS OBIIT CELEBS IV. APR. M. DC. IX.

Scripta ab eò edita.

T Abula Chorographica Gallie Historiæ stirpium Hispanicarum à
Narbonensis. se observatarum.
Vita Hannibalis & Scipionis in lin- Christophora à Costa Historiæ aro-
guam Gallicam translate. matum.
Dodones Historia Plātarū, Gallicæ. Observationes plantarum Panno-
Garcie ab Orta Dialogi, De Aro- nicarum.
matibus apud Indos nascentibus, Petri Bellonii Observationes, La-
Latinè cum Notis. tinè. Ejusdemde Neglectâ stir-
Nicolai Monardis medici Hispa- pium culturâ.
densis De Simplicibus Med. no- Nicolai Clenardi Epistole.
vi orbis, Latinè. Historiæ Americane, Latinè.
Antidotarium Florentinū, Latinè. Tabula Hispania, ab Ortelio edēda.



EVERARDUS VORSTIUS ME
DICINÆ PROFFESS.

V

ÆLIUS

AELIVS EVERARDVS VORSTIVS.



NATVS anno clō. lō. LXV. die
 XXVI. Iul Ruræmūdę in Me-
 napijs ad Ruræ & Mosę con-
 fluentem, ex Vorstiorum cla-
 ra in illo tractu familia, pa-
 rentibus Henrico Vorstio &
 Maria Schæria. Celebres pa-
 trum memoria fuere Iohannes Vorstius Braban-
 tię Cancellarius, & Petrus Ioh. Filius, Episcopus
 Aquæpendentis & Auditor Rotæ ad urbē. Vixit
 etiam non multis ab hinc annis Nicolaus Vor-
 stius, non postremę eruditionis vir. Pueritiam
 Everardus partim in patria, partim Venlonæ a-
 pud avos maternos exegit, usque ad annum æta-
 tis decimum, quo Dordracum in Batavos cum
 parentibus ob bellicos tumultus migravit; ubi
 litteris humanioribus primū informari cepit
 anno quintodecimo Lugdunum Batavorum a
 parentibus missus est; audivitque hic biennium
 I. Lipsium, Bon. Vulcanium, P. Tiaram, alios-
 que, qui tunc in ea Academia erant, viros cele-
 berrimos. Exin in Germaniam ablegatus est, in
 qua

aultra quadriennium vixit, primum Heidel-
 bergæ & apud Nemetes, deinde Colonia Agrip-
 pinæ Philosophiæ & Medicinæ studijs addictus.
 Hinc ex parentum voluntate ad Artem medendi
 vberius perfectiusque hauriendam in Italiam
 contendit, in qua totas annos novem transegit.
 Patavij in Medicina audivit Tres Hieronymos,
 Mercurialem, Capivaccium, & Aquapendētem,
 & Bernardinum Paternum; in Philosophia Ia-
 cobum Zabarellam, aliosque præstantissimos
 viros. Bononiæ Mercurialem iterum, qui tunc
 recens eò à Senatu Bononiensi evocatus fuerat,
 Ioh. Costęum, Casparum Taliacotium, & Vlyf-
 sem Aldrovandum, in rerum naturalium Histo-
 ria incomparabilē. Ferrariæ Hieronymum Bra-
 savolum, Alphonsum Cataneum Archiatrum.
 Hujus familiaritatem nactus in aulam Principis
 illi patuit accessus, vnde rerum aulicarum mul-
 torumque nobilium notitiam atque amicitias
 sibi comparavit, donec ejusdem Catanei opera
 & commendatione, D. Nicolao Granæ Episco-
 po Anglonensi in Magna Græcia ad Sinum Ta-
 rentinum, in Medicum domesticum ascitus est;
 apud quem in extremâ hac Italiæ ora ultra trien-
 nium vixit, multaque observavit, quæ ad regio-
 num illarum, Iapygiæ, inquam, Magne Græciæ,

Lucanię, & Brutiorum antiquitates, situm, mores, rerumque naturalium cognitionem spectāt. Episcopo febre acuta extincto, in clientelam Marchionis Querceti D. Fabritij Pignatelli, qui tunc forte isthic in ditione sua versabatur, se dedit; quocum in agro Sybaritico seu Thurino ad mare Ionium hybernavit, & anno sequenti per Brutios, Lucanos, & Picentinos Neapolim profectus est; ibidemque in aula ejusdem annum integrum commoratus est. quo tempore non solum medicinam in vrbe hac florentiss. cum laude fecit, sed exactissimè vicinam Campaniæ oram perlustravit, Puteolos, Baias, Misenum, Cumas. Excurrit etiam semel per Samnium Bovium usque, ad loci illius Ducem ægrotantem à Marchione missus. Tandem longæ à patria per-tæsus absentiæ, domum postliminiò repetere illi visum fuit, quo post xiv. annorum peregrinationem anno clō. lo. xcvi. mense Iunio incolumis pervenit. Delphos Batavorum, à Comitissâ Meursensi honesto stipendio invitatus, postquam ibi Medicinam biennium fermè exercuisset, ducta intereà vxore, à Curatorib. Academiæ Lugdunobat. ad Professionem publicam evocatus fuit; in quo munere annos jam xv, honorificè versatur, bis sommo in Academia Magistratu

stratu functus: Decoratus honore MEDICI
ORDINARII CELCISSIMI PRINCIPIS
MAVRITII NASSOVII.

Habet præmanibus.

Observationum rerumq; me- *Notas præterea ad Corn. Celsum.*
morabilium per Magnam *De Re Med. aliæque.*
Graciam, Iapygiam, Lucaniam
Brutios, adjacentesq; regio-
nes Commentarium Hædapo-
ricam.

Scripsit olim Commentariolum de Annulorum
origine in gratiam Abrahami Gorlæi, qui
Dactyliotheçæ ejus præfixus est.

Extat etiam ejusdem Oratio funebris, in obi-
tum Caroli Clusij, cum quo, dum viveret, in-
timam coluit amicitiam.





OTTHO HEURNIUS IOAN.
FIL. MEDICINÆ PROFESSOR.

OTTHO HEVRNIUS.



NNO clō. lō. LXXVII, Septem-
 bris VIII, stylo antiquo, Ioan-
 nes Heurnius (postea Prima-
 rius in Academia Leydensi
 Medicinæ Professor) primo-
 genitum hunc filium susce-
 pit Ultrajecti, in patria sua,
 ex uxore Christina Bayers. Inde quadrimus an-
 no clō. lō. LXXXI, Octobris XXXI, cum parenti-
 bus Leydam advectus est: primaque ibi studio-
 rum fundamenta posuit sub Nicolao Stochio,
 uiro gravi ac prudenti, & in puerorum ingenijs
 excolendis ingenio singulari. Petri deinde Mo-
 linei, celeberrimi hodie Theologi, tum in hu-
 maniore literatura, tum in Philosophia, institu-
 tione usus est. Magister autem Artium in Acade-
 mia Leydensi promotus, anno clō. lō. XCIX. Au-
 gusti XXIV., anno sequenti clō. lō. C. Mai VIII. ad
 Philosophiæ Professionem a Nobiliss. & Am-
 pliss. Curatoribus & Cos. evectus est. Anno
 clō. lō. CI. Iulij VII. ibidem Medicinæ Doctor
 renuntiatur. Cumque eodem anno Augusti XI,
 pater ipsius mortalitatem explevisset, ad Medi-
 cinæ Professionem mensis Novembris sequen-
 tis

tis die viii, ab iisdem Curatoribus & Cos. promotus est: quo in studio hodie etiamnum perseverat.

Edidit, & editurus est.

Vivente patre edidit anno 1600, ætatis 23, De HEURNII.

no 1600, ætatis 23, De Ipse autem jam editioni a. *Barbarica Philosophia libros dornat, in Praxi Medica, & duos, ingenij vernantis rudimentum. Theoria diversa: ac quædam Anatomica.*

Defuncto patre quæ posthumæ ejus opera publicaverit, vide in vita IOANNIS Nonnulla etiam ad *Philosophiam Literarum humaniores spectantia.*

IN EIVS EFFIGIEM.

Mentē Heurni corpusq; simul Parca improba nobis
Sustulit, hinc morbis libera facta via est:
Mentem Heurni, vultumque simul, nomenq; parentis
Exprimit, & terris filius ipse dedit.
Hinc alios picta spectas in imagine tantum,
Heurniadem viva cernis in effigie.

DANIEL HEINSIVS.

ALIUD.

Hic Ottho, hic alter viva est in imagine lector
Heurniades, docti docta patris soboles.
Parce modo Lachesis, spes surget & altera Leida,
Non minor hic, certè a patre secundus erit.

STEPHANVS HELSDINGIVS.
REY.



REINERVVS BONTIVS.
MEDICINÆ PROFESSOR.

X

REY.

REYNERVS BONTIVS.



REYNERVS BONTIVS, Gerardi filius Medicinæ & Philosophiæ Naturalis professor ordinarius, natus est Lugduni Batavorum, anno cl. 15. LXXVI. Anno autem cl. 15. xcix. philosophiam naturalem in eadem Academia cœpit profiteri. Cum vero annos aliquot Medicinam fœliciter fecisset, Medicus familiaris Illustrissimi Principis HENRICI NASSOVII factus est. Neque ita multo post, cum ab optimo successu artis & experientia Maximo Principum MAVRICIO Hollâdię ac Zelandię gubernatori &c. innotuisset, & favorem ejus singularem & honestum ab eo cōsecutus est stipendium: dignus habitus, qui salutis ejus curam gerat, cujus salute innititur Respublica.

ICONES & VITÆ

quotquot haberi potuerunt,
eorum qui

L I T T E R A S

in

ACADEMIA LVGDVNO-BATAVA

unquam professi sunt:

*Juxta seriem temporis, quo quilibet eorum, ab ipso
Academiae primordio, professionem suam
auspicati seq; mutuo insequuti
sunt,*

ordine hic industriè & fideliter exhibitæ.



PETREIVS TIARA
GRECÆ LING. PROFESSOR.

PETREIVS TIARA.



ATVS anno clō. lō. xvi, I-
dibus Iulij, Woudrichemi,
quod maritimum oppidum
Frisiæ, quæ Lavicam & Flæ-
vum fluvios interjacet, Vir
ingenij sagacis, iudicij acris:
nec solum Philosophus ac


Medicus, sed & literarum peritissimus. Ac Græ-
cas in Duacenā primum & Lovaniensi aliquan-
diu docuit. Deinde cum Leidæ nova huc Acade-
mia erigeretur, in ipsis primordijs operam egre-
giam navaturus huc se contulit; adeoque gratus
fuit, ut primus in eā Rector Magnificus creare-
tur. Postea cum Franikeræ quoque Academiam
Ordines Frisiæ instituerent, ejus initia ut adju-
varet, relictā Leidā illuc abiit: ubi non ita multo
post diem obiit anno Christi clō. lō. LXXXVI. cum
vixisset annos LXXII.

Scripta ejus.

Poemation De Nobilitate & *guam versus, &c.*
Disciplinā militari veterum *Euripidis Medea.*
Frisiorum. *Pythagora, Phocylidis & Theog-*
Platonis Sophistes in Latinam lin- *nidis sententia.*
Restant apud amicos alia opuscula Græcis itidem Latina facta.
Homeri Hymni. *(Stica. Platonis Eutiphron, & Alcibia-*
Hippocratis Aphorismi, & Progno- *des II.*
X iij IV.



IVSTVS LIPSIUS.


 oc florentissimum ævi sui ingenium in Iscano municipio Brabantia extulit anno cl. l. XLVII. familia honesta, & per matrem nobili. Annos sex jam natus Bruxellas cum parentibus migrat, & studiis illic literarum initiatur. Annum agens decimum, Athum Hannoniæ oppidum ablegatur, ibique biennio exacto carmen scribere coepit; & anno sequente Coloniam mittitur ad Gymnasium, Societatis I E S V, ubi Græcis, Rhetoricis, ac Philosophicis operam navavit. Itaque vix tredecennis orationes scripsit & habuit, pueriles quidem, sed quas gravior etiam ætas in illa ætate laudaret. Philosophica sic illi placuere, ut sufflammandus videretur. Sub id tempus pietate motus, Societate I E S V adgregari voluit, quod cum inaudivissent parentes, abduxerunt, & annos XVI natum, Vbijs Lovanium evocarunt. Ibi Philosophiæ spatia emensum, amœna literarum & antiquitatis studia ad se totū traxerunt. Mox etiam ad Iurisprudentiam animum applicat. Interea pater ipsi fato eripitur, & non multo post mater.

Annum

Annum tum ferè agebat xviii, & per vtriusque parentis mortem liber in Italiam iter capessit, editis prius libris *Variarum*, quibus ad famam viam sibi stravit. Inscripserat hos Antonio Perenotto, Cardinali Granvellano, acri ingeniorum æstimatori; isque ingenio & eruditione ejus delectatus, in domum eum suam recepit, & à Latinis Epistolis esse voluit. Illic biennium egit, otiumque omne lapidibus inspicendis ac veteribus libris inter se comparandis addixit, qui in Vaticanâ, Farnesianâ, Sfortianâ Bibliothecis. Simul viris doctrinâ clarissimis innotuit, Mureto, Manutio, Latinio, Bencio, Vrsino, Mercuriali, Sigonio, Victorio; qui omnes adolescentis famę faventes ingenium exosculati sunt. Lovanium deinde redijt, annum ibi vnum egit, satis juveniliter, in choreis, ludis, ac cæteris ejus ætatis vanitatibus: sed revocatâ saniore mente, ut se expediret, in Sequanos, & Germaniam peregrinationem instituit. In Sequanis cum Victorem Gisselinum, doctoris medici titulo auctum, publicè laudasset, celebrato convivio in febrim acerrimam incidit, eamque satis periculosam. Valentudini redditus Viennam in Austriam se contulit, vbi Busbequio, Cratoni, Biesio, Sambuco, Pighioque innotuit, & placuit; qui rerinere illum

lum varijs conditionibus conati sunt, sed frustra. nam patriam respectabat, & animo redeundi, per Bohemiam, Misniam, Thuringiam, & vicina Saxoniae loca viam facit, cum ecce tristes de afflictâ patriâ, & attrito per militum injuriam patrimonio nuntij. ideò Iënæ paulo plus annum hæsit, & docuit. Sed rebus in Belgio paululum pacatis oculos iterum ad suos & sua flexit, & Coloniam Vbiorum venit. Illic exactis novem mensibus Iscanum repetijt, animo destinans ruri degere, in alto otio & quiete. Ac jam serio rurestre illud vivendi genus ingressus erat, cum ecce bello civili iterum suscitato, licentia militaris ex agro in urbem migrare compulit. Itaq; Lovanium redux, ex amicorum consilio, Iurispergentiæ studijs magis serio se dedit, & titulum etiam Iurispergenti publicè post solennia experimenta sumpsit, anno clō. Iō. LXXVI. A foro tamen & Rep. perpetuo abstinuit. Inde acrius rursus turbato Belgio, & Lovanio capto, Lugdunum in Batavos se transtulit, Ordinum vocatu, anno clō. Iō. LXXIX. Ibi tredecim annos honestissimè habitus docuit cum summo applausu. Sed querulam & debilem ut plurimum valetudinem expertus, præcipue anno clō. Iō. LXXIX, ætatis suæ xxxii, ut ipse ad Deum Opt. Max.

precibus suis testatur. Donec tandem IOANNIS HEVRNII, cuius solius opera utebatur, industria sanitatis instaurationē recipit. Diu CL. Lipsius tædiosissimo malo conflictatus fuerat, febriles insultus varios expertus, stomachus totumque corpus ipsi flaccidum & marcidum. Nec continua per urinæ ductus copiosa evacuatio (quæ ipsi adeo solennis erat ut medico imperito vel diabetes suspicionem facere potuisset) morbo auferendo par erat. Contigit ut assumpto pharmaco materiæ commotæ onus excernens, perciperet ingentem se copiam alvo effundere, eamque continuam & coherentem. Intuetur quid rei sit, videtque attonitus massam figura & colore intestina exprimentem. Consternatur, ilicoque Heurnium vocat, de vita sua actum dicens, nam omnia intestina se effudisse. Inspicit alvi proluviem Heurnius, & leto vultu ad Lipsium conversus, respice, inquit, trophæa de tuo morbo, hic focus & sentina totius mali jacet. Nam erat lenta & viscida pituita paulatim in tota intestinali fistula coacervata a sedentaria & in studijs contabescēte vita, ejus figuram referens, quæ putrescens partibusque vicinis nobilibus nexam communicans, sentinam malorum in totum corpus propagaverat. Sic fomite mali expurgato recreatus est vir claris-

clarissimus. Exorta deinde cū Theodoro Corn-
hertio controversiâ super puniendis hæreticis, è
Bataviâ discessit, profectio per Germaniam in
Eburones, ad Spadanas aquas, morbo, quo la-
borabat, hepatico curando, institutâ. In itinere
Moguntiacū deflexit. Inde digressus, cum Leo-
dici, tum Spadæ biennium fere egit. Interea fama
discessus per Germaniam sparsa, certatim ad se
Principes vbique vocarunt; in Italia Clemens
viii P. M. Senatus Venetus, Ferdinandus Medice
Etruriæ, & Franciscus Maria Urbini duces,
ut omittam Cardinales plurimos: in Gallia rex
Henricus iv: in Germania, Ernestus Vbiorum
& Eburonum antistes, Septemvir Imperij, ejus-
que frater Gulielmus Boiorum dux. Wolfgangus
Salisburgensium, Iulius Herbipolensium, An-
dreas Vratislaviensium præfules. Ad hos cum ac-
cederent Brabantia Ordines, patriam præferre,
& Lovanium reverti visum fuit. Illic, pariter
atque antea in Batavis, tanta fama docuit, ut ip-
sos Principes aliquando auditores habere me-
ruerit: qui postea rude donatū in sanctissimum
Senatum, quem rerum ac Status vocant, ad lege-
runt. Et, antea Historiographi titulo aux-
erat Hispaniarum rex Philippus II. Anno clō. Io.
cvi. xv Kal. April. è tussi, gravissimisq; stillan-

tis cerebri defluxionibus æger esse cœpit, moxq;
 ingravescente morbo x Kal. April. placide ac
 leniter exspiravit, annos cum vixisset L i x. Mor-
 tuo marmoreum tumulum vnâ cum statuâ uxor
 vidua excitavit; Senatus vero populusque Ant-
 verpiensis sarcophago itidem marmoreo com-
 plecti voluit; hâc Epigraphe additâ.

IVSTI LIPSII
 QVOD CLAVDI POTVIT
 HIC IACET
 S. P. Q. ANTVERP.
 INCLYTI VIRI
 FAMÆ ORBI NOTÆ
 VIRTVTI COELO RECEPTÆ.
 H. M. P.

Edita ab eo hæc sunt.

De Diva Virgine Hallensi li- De Militia Romana libri V.
 ber. Poliorcetica, libris V.
 De Diva Virgine Sichemiensi si- De Amphitheatro Romano liber.
 ve Aspricolle. De Amphitheatris quæ extra Ro-
 Admiranda, sive De Magnitu- mam libcr.
 dine Romana libri IV. Saturnalium sermonum libri II.

qui de

- qui de Gladiatoribus.*
De Cruce libri III.
De Vesta & Vestalibus Syntagma.
De Bibliothecis Syntagma.
Commentarij pleni in Corn. Tacitum.
Animadversiones in C. Velleium Paterculum.
Lovanium, sive oppidi & Academiae ejus descriptio, lib. III.
Politicoꝝ, sive Civilis doctrinae libri VI.
Monita & Exempla Politica, libris II.
De Constantia libri II.
Manuductionis ad Stoicam Philosophiam libri III.
Physiologiae Stoicorum libri III.
Commentarij & scholia in L. Annaeum Senecam philosophum.
Dissertatiuncula apud Serenissimos Belgicae Principes Albertum & Isabellam Austrios: item Commentarius perpetuus in C. Plinij Panegyricum, Traia-
- no Imp. scriptum sive dictum.*
Variarum Lectionum libri III.
Antiquarum Lectionum libri V.
Epistolicarum Quaestionum libri V.
Electorum libri II.
De recta pronuntiatione Latinae linguae Dialogus.
Ad Valerium Maximum Notae.
In Tragædias, quae L. Annaeo Seneca tribuuntur, Animadversiones.
Judicium de Cōsolatione M. Tullij Ciceronis.
Satyra Menippaea.
De vera Religione liber, adversus Dialogistam Theodorum Cornhercium.
Dispuñctio Notarum Mirandulani codicis ad Corn. Tacitum, adversus Lucium.
Rejettiuncula Sannionis cujusdam Batavi, pro Diva Virgine Hallensi.
Epistolarum Centuria X.
Epistolica Institutio, è dictantis ore excepta.



RODOLPHUS SNELLIUS MATHE-
MATICARUM ARTIUM PROFF.

RVDOL-

175

RVDOLPHVS SNELLIVS.



ATVS est anno clo. Io. XLVI.
parentibus honestissimis, fa-
miliâ cum vetere tum splen-
didâ, in vrbe Hollandiæ non
ignobili, Oudewaterâ, ad
Iselam flumen; quæ antea *Cornelium* quoque *Valerium*, po-

stea *Jacobum Arminium* dedit, celeberrimi nomi-
nis Viros. Hîc prima literarum tinctura imbu-
tus, mox cum disciplinæ altioris capax esse vide-
retur, Vltrajectum ablegature ad eam Scholam,
in quâ antea floruerat *Georgius Macropedius*. At-
que hinc anno altero post ob parentis obitum
domum commeans, aliquamdiu apud matrem
hæsit, Poeticæ studiosè incumbens, quam tamen
postea iterum neglexit. Vix puerilem ætatem e-
gressus in Germaniam se contulit, ac primum
quidem Coloniam Agripp. adiit, vbi annum in-
tegrum sub *Valentino Nabodo*, viro Mathematicum
peritissimo operam Arithmeticæ & Geometri-
cæ nauavit. inde Heidelbergam profectus, sub
Immanuele Tremellio Hebræam linguam addiscere
cœpit. Hinc peste eiectus Marpurgum in Hafsiam
concessit, ubi diutius commoratus ad docendi
munus

munus traduci se passus est, & literas Græcas Latinasq; totamq; artium κυκλοπαίδειαν cum magno applausu juventutem docuit, suiq; nominis famam per totam Germaniam latissime diffudit. eoq; in loco anno seculi LXXII Magistrali laurea, quamvis reluctantem decoravit *Bernardus Copius*. Cum autem persuasum sibi haberet, peregrinatione prudentiam ciuilem comparari, in Italiam ire statuit, exactisq; in Germania annis XVI. Primum Pisas profectus est, vbi sesquennium Medecinæ operam dedit: inde Romam adiit, epitomen olim orbis. Mox ex longa peregrinatione redux anno seculi LXXVIII in natale solum Oudewateram remeavit, vbi aliquantisper consedit. Quum vero per id tempus Lugduni Batavorum Academia noua erecta esset, Curatorum vocatu in illam se transtulit; ibique simul & priuatim quoddam tirocinium iuuentuti Batavicæ aperuit, & operam suam publicè Academiae impendit; ac continuos XXXIV annos primo linguam Hebraicam, inde Mathematicas disciplinas interpretatus est. Anno seculari cIo. Io. c. ab Illustrissimo Principe Mauritio, Hassiæ Landgrauio literis propria manu-scriptis inuitatus, vti se veteris amicitia ergo inuiseret, anno demum tertio post illuc se contulit. & mox honestè

honestè iterum dimissus, aureo torque, & effigie Principis donatus, & quadrigis denique ejus atque impensis honoris ergo Francofurtum, domum redijt. Inde Rector Academiæ Magnus creatus dignitate laudabiliter vsus, mox ad eam biennio continuandam revocatur. Tandem laboribus studiorum fractus, annisque gravis, correptus astmate diem obiit postridiè Kal. Martias anno CHRISTI cl. l. cxiii, ætatis suæ LXVII.

Scripta ejus edita hæc sunt.

C ommentarius in Dialicti-	Explicationes in Arith. P. Rami.
cam P. Rami.	Partitiones Physicæ.
Ejusdem alius forma Dialogi con-	Prælectiones in Geometriam Petri
scriptus.	Rami.
Tractatio de Praxi Logica.	Annotationes in
Ethica methodo Ramae cōscripta.	Ethicam
Snellio Ramaeum Philosophiæ Syn-	Physicam
tagma.	Sphæram
Commentar. in aureum Philippi	Commentaria in Rithoricam Tha-
Melächtonis de Anima Libell.	lat.

Valerij.



BONAVENTURA VULCANIUS
GRÆCÆ LING. PROF& INTERPRES.

BONA.

BONAVENT. VULCANIVS.



ATVS est Brugis Flandro-
rum anno Christi cIo. Io.
xxxviii. die xxx. mensis
Iunij. Patrem habuit Petrum
Vulcanium, qui ob insignem
eruditionem, pari cum elo-
quentiâ conjunctam, magno

illi Erasmo charus imprimis atque acceptus fuit,
ut Epistolæ ejus testantur. Ab hoc optimis præ-
ceptoribus traditus, annos circiter xvi natus tã-
tos in vtrâq; linguâ & humanioribus literis pro-
gressus fecerat, ut æqualium suorū nulli cederet.
Mox Lovanium ablegavit; Vbi cum per bien-
nium egisset, dubitante patre, Iurisne an Medi-
cinæ studio filium addiceret, opportunè admo-
dum accidit, ut eo ipso tempore quæreretur ju-
venis aliquis Græcè & Latinè doctus, qui Illu-
strissimo Francisco á Mendozâ, Cardinali & E-
piscopo Burgenfi, à studijs esset. cujus rei is ne-
gotium dederat Ioanni Paccio, Historico Regio,
qui tum temporis Lovanij agebat. Ac pater
commodam hanc occasionem visendæ Hispani-
æ, & simul linguæ addiscendæ, non negligen-
dam esse ratus, non gravatè eum Paccij ejusdenq;

fidei commisit, qui in Hispaniam duceret & Cardinali sisteret, commendaretque. isq; anno clō. lō. lxx. per Galliam in Hispaniam abductum, Burgis Cardinali tradidit; qui peramanter exceptum in familiam suam ascivit, & stipendium honorificum assignavit. cum autem is tum temporis totus esset in scribendo libro, *De naturali nostrâ per dignam Eucharistiæ sumptionem cum Christo unione*, ejus operâ statim in transscribendis, & Latinè vertendis, multis Patrum Græcorum, Cyrilli maximè Alexandrini, & Isidori Pelusiotæ, qui coætaneus illi fuit, aliorumque auctoritatibus antea non editis, fuit magnopere adjutus. Ejusdem auspicijs Cyrilli libros xvi, *De adoratione in spiritu, & veritate*; primus Latinos fecit. Præterea Nicolai Cabasilæ Methonen-
sis Episcopi Orationes vii, *De vitâ in Christo*; antea neque Græcè neque Latinè à quoquam editos, Latinè vertit, qui liber postea inspiciendus Theologo cuidam datus, vna cum versione intercidit, vsus est etiam Cardinalis ejus opera ad Epistolas Latinè primùm, deinde etiam Hispanicè scribendas. Bibliothecæ etiam suæ quam codicibus Græcis manuscriptis instructissimam habebat eum præfecit. Cùm verò post obitum Cardinalis, frater ejus, Ferdinandus à Mendozâ, Archi-

Archidiaconus Toletanus, eum in familiam suam recepisset, mortuo etiam illo, à patre graviter ægrotante per literas ad Ioachimum Hopperum scriptas domum revocatus, cum post xi. annorum absentiam periculosissimo tempore per Galliam rediisset quantâ potuisset festinatione, & patrem jam vitâ functum reperisset; ac miserum patriæ statum æquis oculis aspicere non posset, compositis ibi rebus suis, in Germaniam abiit. vbi primum Colonia commoratus, *Cyrilli librum adversus Anthropomorphitas* antea non editum vertit, & Latine edidit; cui adjecit primum ejusdem Autoris librum *De adoratione in spiritu & veritate*, abs se versum: qui antea solus & perperam versus in operibus Cyrilli legebatur. inde Basiliam profectus, & ope Ioannis Baptistæ Heintzelij, duumviri Augustani, vetustissimum exemplar in membranâ exaratum nactus, in quo erant *Cyrilli Dialogi ad Hermiam*, & alia; antea perperam admodum ab interprete habiti; eos de integro vertit. Ibidem etiam *Isidori libros Originum* vna cum *Martiano Capella* ab innumeris mendis ope MS. codicum, & ex conjecturâ emendavit. Inde Genevam profectus, *Arriani Historiam de rebus gestis Alexandri*, turpissimè ab interprete versam, ope MS. exemplaris infinitis locis cor-

Z iij rexit.

rexit, & novâ interpretatione donavit. vnde Bafileam reversus, cum etiam de matris obitu nuntium accepisset, & jam res Belgicas in meliore paulò statu esse cognosceret, peregrinandi satur domum redijt. Et cum in Frisiam cum Legatis Ordinum Belgicorum proficisceretur, ac Leidâ iter faceret, à Curatoribus Academiae Professor linguæ Græcæ designatus anno clb. lb. LXXVIII. triennio demum post Leidam venit, & Professionem suscepit. Ab eo tempore assiduè tam publicè docendo quàm scribendo, per annos XXXII, de re literariâ optimè meritus est. Etiamnum emeritus libros tractat, ingressus annum LXXVII. Ipse de se hoc Epigrammate testatur.

T*Er denos docui Leidis binosque per annos
Cattigenum pubem Graijugenum ore loqui.
Nunc manibus, pedibusque, oculisque, atque auribus æger,
Et senio languens lampada trado alijs.*

Scripta ab illo edita hæc sunt:

<p>C<i>yrilli Alexandrini Patriarchæ liber adversus Antropomorphitas, Græce & Latine: cui adjunctus est ejusdem Cyrilli liber, quod Christus sit unus.</i></p>	<p><i>Ejusdem Cyrilli de Adoratione in spiritu & veritate libri septendecim, quos ille primus vertit. Arrianus de Rebus Gestis Alexandri Magni, Græce & Latine. Callima.</i></p>
---	--

Callimachi Hymni & Epigrammata, cum Moschi, ac Bionis Idyllijs, totidem versibus Latine ab eo reddita, & Scholijs illustrata.

Constantinus Porphyrogeneta de Thematibus Orientalibus, Græce ac Latine, cum Notis.

Agathias Græc. ac Lat. cum Notis.

Nilus Archiepiscopus Thessalonicensis, de primatu Pontificis Romani, & de Purgatorio, Græce ac Latine.

Iornandes de rebus Geticis, cum Notis.

De lingua Getica, sive Gothica, Commentarius, cum Characteribus ei linguae proprijs.

Glossaria Latino-Græca, & Græco-Latina, cum Notis.

Apuleij opera omnia, post Colvianam editionem innumeris locis correctâ.

Aristoteles de Mundo, Græce

ac Latine, cum Apuleij & aliorum versionibus accurate collatus, & innumeris locis castigatus. Cui adjecit Gregorij Cyprij Archiepiscopi Constantinopolitani Encamium maris.

Necdum edita.


Tatiani Harmonia IV. Evangeliorum, cum interpretatione verbali, lingua Gotica.

Poemata Græca & Latina, ac versa e Græcis Latine, & e Lat. Græce.

Proverbia Gnomica ex Hispanica lingua Latinis trimetris & dimetris ad imitationem Mimi Publiani versa.

Ode tres Anacreontica Græca in Natalem Domini.

Emanuelis Chrysoloræ tractatus de comparatione veteris & novæ Romæ, Græce & Latine.



IOSEPHVS IUSTVS SCALIGER
IUL. CÆSARIS A BURDEN E.

IOSE-

IOSEPHVS SCALIGER.



Hic ille est, quem in primâ ad-
 huc ætate tantopere admira-
 tus vir in literis maximus,
 Hadrianus Turnebus, vt *por-*
tentosi ingenij juvenem appella-
 re non dubitaret. Id in suâ
 quâdam ad Ioannem Meur-
 sium epistolâ, anno clō. Io. c. 1. scriptâ testatur
 Iacobus Gillotus, Christianissimi Galliarum
 Regis in Senatu Parisiensi consiliarius, cum inter
 cætera sic inquit: *Nec te nec Grotium fileo, portentosi*
juvenes ingenij; quod de Scaligero tunc juvene magnum
Turnebum dicentem juvenis audivi. Et hoc tam mag-
 num naturæ miraculum Aginnum in Nitiobri-
 gibus dedit anno clō. Io. xl. Annos natus xi. cum
 Leonardo & Iano Constantio fratribus Burde-
 galam à patre missus, triennium primis elemen-
 tis Latinitatis operam dedit. Inde pestilentiâ ex-
 actus ad patrem se recepit, qui, quamdiu apud
 eum fuit, quotidiè declamatiunculam ab eo exi-
 gebat, facto argumenti arbitrio, quod ex aliquâ
 historia peteret. Hâc exercitatione, & usu stili
 quotidiano, Latinè scribere assuevit. Quia verò
 versus Patris excipiebat, ex hac necessitate ali-

A a

quem

quem poëtices saporem imbibit. Itaq; & versu, & prosa oratione Patri pro captu ætatis ita satisfacerebatur, ut aliquando seductum rogaret, unde sententias illas & colores depromeret. Sed admirationem apud amicos, idem dissimulare non potuit Tragœdiæ Oedipi, primæ ingenij vernâ-
tis fœturæ. In quam, quantum ætas illa patieba-
tur, omnia poëtices ornamenta, & verborum delectum impenderat. Anno ætatis *ixi*, cum jam vita functus Pater esset, Lutetiam petijt, litera-
rum Græcarum amore; quas qui nescirent, omnia nescire putabat. Postquam menses duos ope-
ram Hadriano Turnebo edisset, quia destitutus alijs præfidijs in doctissimo ejus auditorio ope-
ram omnem ludebat, in museum se abdidit, & in illo pistrino inclusus, quod ex alijs non potue-
rat, se magistro discere experiebatur. Igitur vix delibatis conjugationibus Græcis, Homerum cum interpretatione arreptū *xxi.* diebus totum didicit, poëticæ vero dialecti vestigijs insistens, Grammaticam sibi ipse formavit; neque ullam aliam didicit, quam quæ ipsi ex analogia verborum Homericorum observata fuit. Reliquos vero poëtas Græcos omnes intra *iv.* menses devoravit. Neque ullam Oratorem aut Historicum prius attigit, quàm poëtas omnes teneret. Bien-
nium

nium cōtinuum Græcis literis impenderat, cum ad Hebræas ecce impetus animi rapit. Et quamvis ne ullam quidem literulam in ea lingua nosset, tamen ad eam discendam nullo alio magistro quam se ipso usus est. Multa versu in utroque sermone lusit, quæ edere odium ambitionis, à qua semper alienus fuit, prohibuit. Multa in Auctores utriusque linguæ observavit; è quibus variarum, Antiquarum Lectionum, Miscellaneorum, & aliorum ejusmodi libros concinnare potuisset: sed hæc alia ab alijs edi, quàm à se maluit. Ut tamen ipsi vigiliarū suarū cōstaret ratio, interpretandos & emaculandos autores integros suscepit. Hoc enim sine ulla ambitione rectè se facere posse judicavit. Anno clō. lō. LXIII. in contubernium se dedit Ludovici Castanei Rupipozæi. exque illo tempore vix ullum à peregrinationibus vacuum tempus habuit, donec in Academia Batava quieti sedem invenit, ad quam venit Curatorū vocatu anno clō. lō. XCIII. Hanc cum per annos XVI nominis sui fama scriptisque illic editis illustrasset, ex hydrope obiit, anno clō. lō. c. ix. ætatis suæ LXIX. Mortuo monumentum é marmore posuerunt Curatores Academiae, cum hac Inscriptione.

DEO
OPT. MAX.
SACRVM
ET

ÆTERNÆ. MEMORIÆ. IOSEPHI. IVSTI.
SCALIGERI. IVL. CÆS. A BURDEN. F.
PRINCIPVM. VERONENSIVM. NEPOTIS
VIRI. QVI. INVICTO. ANIMO. VNA.
CVM. PARENTE. HEROE. MAXIMO.
CONTRA. FORTVNA. ADSVRGENS. AC.
IVS. SVVM. SIBI. PERSEQVENS. IMPE-
RIVM. MAIORIBVS. EREPTVM. INGE-
NIO. EXCELSO. LABORE. INDEFESSO
ERVDITIONE. INVSITATA. IN. LITE-
RARIA. REP. QVASI. FATALITER. RE-
CVPERAVIT. SED. PRÆSERTIM. EIVS-
DEM. MODESTIÆ. QVOD. SIBI. FIERI.
VETVIT. IIDEM. QVI. IN. VRBEM. HANC
VOCARVNT. CVRATORES. ACADE-
MIÆ. AC. VRB. COSS. HOC. IN. LOCO
MONVMENTVM. P. E. L. C.

IPSE. SIBI. ÆTERNVM. IN. ANIMIS.
HOMINVM. RELIQVIT.

Scripta ista sunt.

Opus De emendatione temporis.
 Chronicon Eusebii, cum Notis & Castigationibus: & Isagogi-
 corum Canonum libris III.
 Catullus, Tibullus, Propertius, cum Castigationibus.
 Varro cum Coniectaneis.
 Ausonius cum duobus Ausonianarum Lectionum libris.
 Festus cum Castigationibus.
 Hippocratis libellus De ossibus, cum Notis.
 Sophoclis Ajax Lorarius characteres veteri conversus.
 Stromateus versuum proverbialium vere aureus.
 Martialis Selectorum Epigrammatum versiones Græcæ
 Dionysium Catonem cum Notis & Græca versione amici Lutetiae.
 Iambos ejus morales edidit Daniel Heinsius: item Notas in Senecam, qui & opera ejus omnia brevi, volente Deo, ex auctoris recensione editurus est.
 Opuscula ejus Posthuma edidit Isaacus Casaubonus Lutetiae.
 Librum de Aequinoctiis edidit Ioannes Rutgersius ibidem.
 Manium cum Commentariis.

Nullus vero extat auctor, sive Græcus sive Latinus, in quem non plurima notaratur, quæ partim in librorum suorum marginibus, qui in auctione sunt distracti; partim in Gallia in amicorum libris notaverat. Partim vero ex legato ejus Bibliotheca publica Lugduno-Batava adhuc servat.



PAULUS MERULA I.C. ET
HISTORIARUM PROFESSOR.

PAV-

PAVLVS MERVLA.



Vnc Dordracō debemus, primarię Hollandiæ vrbi, virum, in quo certarēt, probitas, candor, humanitas, modestia, & doctrina. Adolescēs jactis præclaræ eruditionis fundamentis in Academia patria, pere-

grinandi studio ductus in Galliam se contulit, ubi cum Aurelijs tum Genevæ octo totos annos literarum & Iuris civilis studio impendit. Inde Italiam adiit, cujus præcipua loca & Academies cum fructu perlustravit. Hinc in Germaniam reversus, & Argentinæ diu commoratus, peragrata mox reliquâ Germaniâ in Angliam se transtulit, ut illam quoque videret insularum maximam. In patriam redux ad forum animum applicuit, & causas agendas. Sed cum discessisset Lipsius, ille accersitus vacantem Historiarum Professionem publicâ auctoritate suscepit, in eâque exactis xv. annis cum neglectâ valetudine studia nimis attentè tractaret, fractis corporis viribus, dum restaurare eas parat, uxore comite iter Rostochium versus capessit, amicos & affines illic salutaturus. Illic bimestri elapso, firma-
ta au-

ta nōnihil valetudine, dum redire cogitat, morbo impeditus acuto, sanguinis atræque bilis vomitu, & dejectionibus spontaneis cum febre continua, denascitur xix. Iulij clō. Is. c. vii. cum vixisset xlix. Sepulto hæc inscriptio posita.

TIBI

PAVLE MERVLA

QVI

DVM. DEVS. TE. NOBIS. SVPERSTITEM. VOLEBAT.

OB. SINGVLAREM. TVAM. ERVDITIONEM.

MAGNAQVE. ET. MVLTA. IN. OMNES BENEFICIA.

DOCTISSIMORVM. AVDIISTI. HVMANISSIMVS.

HVMANISSIMORVM. DOCTISSIMVS.

HOC. QVALECVNQVE. MONV-

MENTVM.

MOERENS. BENE. MERITO

F. P. Q.

P. D. I. F. EX. A. D. viii. KAL. AVG.

clō Is. c. xiii.

AVE. ET. SALVE. VIR. PAVCIS. COMPARANDE.

S. T. T. L.

Edita ab eo.


- P** Praxis Civilis Provincialis Curie apud Batavos.
 Ennij Fragmenta cum Cōmentarijs.
 Eutropij.
 Cosmographia General. lib III. Specialis IV.
 Cynegetica idiom. Belgico.
 Vita Erasmi & Epistole aliquot nondum edita.
 Vita Francisci Iunij.
 Angeli Merula Historia Tragica.
 Historia Ecclesiastica & Politica mille ducentorum annorum. Reliquos quadringentos adtexit Guilielmus Merula F.
 Willeramus Abbas in Cantica Cantorum cum Commentarijs.

Edenda restant.

- Historia Belgica.
 Historia Gelrica.
 Synchronismus earum rerum quæ proximè elapso seculo in Orbe Christiano contigerunt.
 Historia sive Fasti Rerum a Romanis gestarum.
 Fasti Dordraceni.
 Descriptio Romæ.
 Descriptio Dordraci.
 Descriptio Batavia, idiom. Belg.
 Belgica Vnita, idiom. Gallico.
 Status Belgia idiom. Belg.
 Discursus Politicus in Donationem sive Cessionem qua Philippus Rex Hiss. &c. in Infantem Isabelam Ius transcribit Provincia-
 rum Belgicarum Comitatumq; Burgundia Carolesij. Anno 1598.
 Cosmographia pars altera.
 Praxis Latina.
 Praxis Criminalis Provincialis Curie apud Batavos.
 Commentarij in IV. Institutionum Iustiniani lib.
 Tractatus de Dotibus.
 Antinomia Iuris.
 De linguis Varijs.
 Diatriba de Lingua Gallica antiquitate, imitatione, & dialectis.
 Nomenclator Cynegeticus.
 Fragmenta Vett. Poetarum cum Annotationibus.
 Tabula antiquitatum Romanarum
 Historia de DIis Vett.
 Historia Magistratum Romanorum.
 De Comitibus Rom.
 De Legibus Rom.
 De Sacrificiorum Ritibus apud Vett. Romanos.
 De Sacerdotibus Rom.
 De Diebus Festis apud Rom.
 Lectiones in Iulium & Augustum Suetonij.
 Lectiones in I. & II. libb. Flori.
 Lectiones in Taciti Germaniam.
 Chronologia in Lucanum, Casarem de bello Civili, & Dionysium Halicarnassem.
 Orationes quedam, & Poemata.

B b

PETRVS



PETRVS MOLINEVS PHILOSOPHIAE NATURALIS PROFESSOR.

PETRVS MOLINEVS.



ATVS patre Ioachimo Mo-
lineo Pastore Ecclesiæ Aure-
lianensis, anno clb. lb. LXVIII.
VIII. Id. Octob. in agro Vexi-
nate, qui est Franciæ & Nor-
manniæ confinium. Vnde
paulo post in Sueffonas tran-

slatus est. Strage Bartholomæa latè sæviente cum
fratribus admodum pueris ad necem quæsitus,
ancillæ industria servatus est. Sedani prima lite-
rarum stipendia meruit. Inde Lutetiam missus
studiorum causa, civilibus tempestatibus in An-
gliam pulsus est: ubi usus est consuetudine do-
ctissimorum virorum Wittakeri & Reinoldi.
vt verò audivit Franciscum Iunium accitum esse
Lugdunum Batavorum ad Professionem Theo-
logicam, eò iter intendit, favente quidem even-
tu, sed Æolo ac Neptuno iratis. Nam in præsen-
tissimum mortis discrimen a tempestatis vio-
lencia, dum in Hollandiam trajicit, adductus est.
Inde Leidam venit, ilicoq; pulcherrimo Poëma-
tio, cui titulum VOTIVÆ TABVLÆ fecit, Deo
Servatori gratias egit. Experientiaque compro-
bavit omne solum forti patriam esse. Nam pla-
cuit

cuit statim viri ingenium primatibus, & honestam qua ipsi gratularentur condicionem quærebant. Sed nulla alia quàm in Schola Triviali se offerebat. Docet igitur ibi loco post Rectorem primo Græcos Latinosq; poëtas per menses aliquot. Sed adeò nobile aceruditionis cote subactum ingenium, non diu in privata scholæ tenebris fortuna delitescere permisit. Moritur IACOBVS RAMSÆVS clarissimus in Academia Leidenfi Professor Philosophiæ, eiq; pro suggestu Organum Aristotelis Græcum docēs, Molineus subrogatur, anno ætatis xxiv. Quanto tunc vividi ingenij acumine, & subtilissimo in intimam veritatē penetrāte iudicio publicas disputationes sustinuerit : & Aristotelis libros φυσικῆς ἀκροάσεως, De Cælo, De Generatione & Corruptione, De Metæoris, De Anima, publico ex pulpito docuerit, iuncunda cum recordatione meminere ejus privatim & publicè auditores perpetui, *Apollonius Scottus* Supremæ Curiaë Hollandiæ & Zelandiæ Confiliarius, *Jacobus Broeckhovius* Senator Reipublice Leidenfis, *Iustus Svanenburgius* Secretarius Reipublice Leidenfis, *Simon Scottus* Reipub. Middelburgensis Secretarius, *Ottho Heurnius* in Acad. Leidenfi Medicinæ Professor Ordinarius. *Henricus Delmanhorstius* Reipub. Leiden-

Leidenſis Medicus Ordinarius, alijque infiniti. Dum publica Profeſſione fungitur privatim *Elementa Logica* auditoribus ſuis prælegit, quæ magna cum admiratione a viris doctis lecta, ea ut publici juris faceret quò pluribus prodeſſet perſuaſere. Magnatibus & Principibus dum hac ſtatione fungitur, gratiſſimus. Sexto anno Profeſſionis crebris ſollicitationibus Eccleſiæ Pariſienſis in Galliam revocatus Lutetiam venit, ibique Sacro Miniſterio initiatus eſt. Nec multo poſt a Catharina Burbonia, Henrici IV. Galliarum Regis ſorore, quæ filio Ducis Lotharingiæ nupſerat, in Lotharingiam ductus eſt. vbi pientiſſima Princeps aſſiduè tentata ſoceri & mariti præci- bus, & monachorum technis, qui ipſam a vera fide avertere ſumma ope nitebantur, Molinei in afferenda veritate experta eſt induſtriam. Ex eo charus Illuſtriſſimæ ſœminæ & inter domeſticos habitus. Qua rebus humanis exempta, Lutetiæ manſit, ubi adverſariorum circumlatrantium, & ſubinde in arenam provocantium acumen improbum ſæpè retudit. Ideò inſidijs appetitus capitis diſcrimen non ſemel adiit. Vocatus a D. Pleſſæo Mornæo & a Synodo Andegavenſi Salmurium ad ſuſtinendam Profeſſionem Theologiam, Synodi authoritate & Eccleſiæ Pariſienſis

Intercessione prohibitus est. Quin flagitantibus illustrissimis ac Potentissimis Hollandiæ Ordinibus, & CELCISSIMO PRINCIPE MAVRITIO NASSOVIO Confœderatarum Belgij Provinciarum Governatore, Nobilissimisque ac Amplissimis Academiae Leidenfis Curatoribus & urbis Consulibus obnixè hortantibus ad capescendam in Academia sua Professionem Theologicam, certus eis obsequi, clamoribus suæ Ecclesiæ studioque parentum ægrè retentus est.

Edidit.

CVM Professione in Academia Leidenfi fungeretur,

Elementa Logica.

Meditationem in Psal. CXXIII.

*Adversus Iacobum Perro-
nium Episcopum Eburonicen-
sem.*

*Lutetiæ in vita occupatissi-
ma scripsit tamen Latine,*

*De Peregrinatione & Altari-
bus.*

*Gallicè. In Purgatorium & In-
dulgentias ac Satisfactiones*

*librū, cui titulus est, A QVÆ
SILOE.*

Apologiam Cœnæ Domini.

*Anatomen errorum Cuffetel-
li.*

*Defensionem Fidei Catholicae pro
Serenissimo Majoris Britan-
niæ Rege Iacobo. Cui novis-
sime addidit, DE IM-
PLETIONE PRO-
PHETIARVM, ubi pā-
duntur arcana Apocaly-
pticos.*

*Heraclitum seu Meditationes
de vanitate & miseria vita*

huma-

humana.

*Theophilum, seu De amore
Dei.*


*Caxerio, excepta ab ama-
nuensibus ex ore dispu-
tantium.*

*Responsum ad XXXII. quesita DE MONARCHIA TEM-
Petri Cottoni, una cū LXIV. PORALI PONTIFI-
questionibus Cottono rege- CIS ROMANI.*

stis. Et alia minutula quæ referre
Acta disputationis cum Petro longum esset.

Daturus cum bono Deo alia plura si quando se-
ex isto vitæ actuosæ æstu in portum subducere,
& aliquid otij nancisci potuerit.





DANIEL HEINSIUS BIBLIOTHE
CARUS HISTORICARUM PRO.

DANIEL

DANIEL HEINSIVS.

DANIEL HEINSIVS, Nicolao Heinsio, Nicolai, viri ab eruditione varia in patria celeberrimi, consulis Gerardimontani filio, & Elisabethe Navegeria, Gandavi anno cl. lo. LXXXII. natus, vix in patria vixit, Fortunæ, ut subinde loqui de se solet, privignus. Trimulo vix major quippe, Veriam a matre cum nutrice ablegatus est, ut materteras illius, nobilissimas matronas, Catharinam & Elisabetham Houwelias, quæ calamitate temporis adductæ eo se contulerant, puerilibus blanditijs in exilio oblectaret: paulo post in Britaniam a parentibus deductus, Doveræ & Londini cum hæssisset menses aliquot, Delphos Batavorum primo, mox Ryfwyckum (Hagæ vicinus vicus est) eosdem est secutus: vbi avunculum recenter Ordinibus ascitum, cum matertera, germana matris sorore, magni animi fœmina invenit. quæ post occupatam ab hoste urbem, cum immani pecunia multata esset, quod maritus amplæ dignitatis vir, summus rerum criminalium per Flandriam Præfectus, Auriaco hæssisset,

set, & cum eo in Zelandiam elapsus esset, cum vxore Præsidis, rustica veste, quam in vijs assum-
pserat, per media hostis præsidia, ad Divi Phi-
lippi munimentum, quod in Flandriæ finibus
Scaldi imminet, pervenit, ubi navem naçta cõ-
mode, in eam se conjecit. publico accenso, qui
ad eam rem missus a marito venerat, hosti qui in
ripa astabat, ignaviam eminus per gestus expro-
brante, & militari lascivia crudelitatem subinde
ingerente. Pater ea fuit prudentia, ut cum paulo
ante deditionem Gandavensem a Brugenſibus
invitaretur, qui præclarum illi in vrbe sua mu-
nus Syndici offerrent, ipse autem propter fata-
lem nonnullorum in Rep. intemperiem, miram-
rerum omnium præſagiret conversionem, ho-
norem oblatum laudaret. cæterum omni fun-
ctione publica se abdicaret: Espinoiæ principis
bonorum, tum molesta satis cura, & negotijs fo-
renſibus contentus. Donec patriæ ruenti se sub-
duxit; solo amore pietatis. quam ex Desiderij
Erasmi lucubrationibus perceperat, quas perpe-
tuo legebat. multis consilium illius admiranti-
bus, quem in partibus fuisse, nemo prope gnarus
esset. Seditiones quippe & plebeiam insaniam,
sed præcipue superiorum contemptum, ne cum
specioso quidem prætextu admittebat. Quod ad
extre-

munusque diem filio inculcabat. Religionem enim mantellum esse agebat, quæ cuicumque improbitati induceres, eam facile cælaret. In maximis patriæ turbis, crebro verba ista vsurpabat, Audi, Vide, Tace, Abstine. Quæ in Lycestriana quoque factione sæpe repetebat. cum nonnullos ea implicatos videret, & præsertim pietatē professos. Vnde, vulgo omnia in partem alteram interpretante, primum timidus, mox cum ad successum esset ventum, qui non raro est cruentus, callidus appellabatur. Videbat enim principes in aliena Rep. primū voluntates licitari civium, mox sanguinem: securos vtro res cadat. cum morituris quippe, nisi si succedat, scire se pacisci. Eos ergo aut prodesse sibi, aut molestos amplius non esse. Religionem vero illis ludum, plebi autem escam esse. Ea animi prudentia, functiones aliquot postea suscepit. Intelligebat enim, neminem ut vellet in exilio versari, cujus maximum incommodum agebat esse, quod privatus non viveret. Ryſwici aliquamdiu amore ruris & commoditate loci captus cum hæſſet, Hagam cum affine & filio se contulit. In qua vixit puer prima literarum elementa, a parente primum, cui post amissas opes & forenses occupationes, unū hoc supererat solatium, mox

ab anu quadam, quę mercede ludum aperuerat, edoctus est. Præstante interim omnia optimo parente, quę a præceptore expectari poterant. Nam & manum pueri jam scriptitantis ducebat, & nonnullas voces Gallicas quas disceret quotidie præibat. & cum filij indolem apprime haberet perspectam, novo quotidie præmiolo invitabat: delinquentem autem solo vultu in officio continebat. Paulo post in Zelandiam cum parentibus migravit. Vbi a doctissimis præceptoribus, Iohanne Belosio inter alios, viro innocentissimo & supra fidem erudito, Nicolao Olivario, Petro Montano, & Tobia Schemeringio, primis literarum & philosophiæ, præter Logicam quam dicunt, Moralis quoque & quæ de Natura agit, principijs imbutus est. Verum ut nihil cum maiore animi molestia quam Grammaticorū canones hauriret. a quibus occulto quodam naturæ instinctu abhorrebat. Nam ad Græcam eruditionem, quanta quidem ibi solet percipi, nullis præceptorum monitis compelli poterat, cum ætatis anno nono, priusquam ullam syllabarum percepisset rationē, quam cum maximo labore postea perdidicit, versus scribillaret, & occasione qualibet effunderet; supra quam credibile, laboris fugitans, & in lufum toto ani-

mo intentus. Quæ res cum non vsquequaque præceptoribus placeret, qui libenter tamen con-
nivebant, quicquid delinquebat, versibus ple-
runque iussus expiabat, qui de facili proveniebāt.
Anno admodum ætatis decimo & quarto, Fra-
nekeram a parente addiscendi juris causa missus
est. Vbi Henricum Schotanium bis quotidie do-
centem audiebat. ita tamen vt majorem Græcis
literis, quarum ineffabili tum studio efferebatur,
curam impenderet. quas brevissimo tempore
arripuit. Adeo vt cum Musæi De amoribus Lean-
dri & Heronis poematum, manu sua descripsis-
set, & ex eo aliquem poetici sermonis percepis-
set gustum, paucis post mensibus hoc ipsum alijs
prælegeret. Postquam ibi sesquiannum egisset,
Lugdunum missus est: vbi annum & amplius
lectiones juris & in Græcis Bonaventuræ Vul-
canij, viri clarissimi, aliorum item audivit. Phi-
losophiæ supra cætera omnia addiscendæ cupi-
dus, sed quæ ex Platone & Aristotele, ac eorum
interpretibus, simul cum facundia hauritur. Clā
parente quidem hæc omnia. qui diversa longe a
profectu ejus quem jam foro destinarat, spe & a-
nimo voluebat. quare domum revocatus, deser-
tor prope studiorum factus est. Nam & a foro
abhorebat, sacris studijs addictior, & autores

Græcos Latinosque omnes, maximo ardore mētis ac cupiditate, cœperat percurrere. In hac vrbe primum a Iosepho Scaligero & Philippo Mar-nixio, primis sui sæculi hominibus dilectus est. Et ab illo quidem tam constanter, vt cum alias non semel, tum sub ipsum vitæ exitum, nemi-nem se, dum vixisset, pari amore profecutum ef-se affirmaret. quem & ipse supra omnes est vene-ratus. neque parum debere semper est professus. Cum raro dies esset, quin divinum senem acce-deret, & quæcunque scriberet, cuius ea cunque essent generis, maxima cum voluptate audienti prælegeret. Sæpe audire ex eo memini, solo con-spectu & oratione maximi herois, ita nonnun-quam inflammatum fuisse, vt non raro noctes totas ex profectus desperatione insomnes tradu-ceret, aut de commutanda vitæ ratione cogita-ret. idemque illi evenisse, cum præclara aliorum scripta evolueret. Neque minus & a Iano Douſa amatus est: qui quotiescunque, siue Academiæ causa, siue sua, Lugdunum Haga se conferret, ul-tro sæpe & privatum & adolescentem visitabat, sæpe etiam Nordwicum abducebat, vbi dies aliquot plerunque in literis cum voluptate in-credibili ponebant. Deperibat enim adolescen-tem innocentissimus senex, senem vicissim co-lebat

lebat adolescens. Cujus rei testes esse possunt, sanctissimi & nobilissimi herois liberi superstites. Vtrique rebus humanis exempto, astricto & soluto sermone parentavit. Iuvenis publice docere cœpit: anno admodum supra decimum nono. cum Latinos primo, mox autem Græcos exponeret autores. Postea Politica professione donatus est. nunc Historicam tuetur. Post Doufam filium & Paulum Merulam, tertius publicę a Curatoribus bibliothecę præfectus est.

Hęc autem edidit.

Illium Italicum, cum Crepundijs. quæ postea indigna judicavit quæ tolleret.

Auriacum Tragediam, quæ in Curia Leidensi publice exhibita fuit.

Eclogata. in quibus diuersa & diuersi generis. quæ sæpe edita.

Maximum Tyrium philosophum, cum Latina interpretatione & Notis.

Aristotelis librum De poetica, cum interpretatione & Notis.

Librum De Constitutione secundum Aristotelem Tragediæ.

Paraphrasten antiquissimum in Ethica Aristotelis, nunquam antea editum, cum interpretatione sua.

Q. Horatii Flacci opera. Quibus

librum de Satyra, in quo inter alia De affinitate ejus cum Græcorum Satyris, materia, forma, instituto poeta & aliorum cum diuersis usq; præcipuis ætatis hujus viris prolixè disputatur, & Notas addidit.

Theocritum & Græcos interpretes, cum Theocriticarum Scholarum in eundem Libro. qui cum Iosephi Scaligeri Notis & Isaaci Casauboni Lectionibus est editus.

Hesiodum & ejus Interpretes, cum Introductione sua in Opera & Dies, in qua antiqua ejus libri philosophia exponitur. Item Notas in eundem.

Peplum Græcorum Epigrammatum

- tum in quo omnes celebriores Graeciae Philosophi, encomia eorū, vita & opiniones recensentur aut exponuntur.
- Senecae Tragœdias, cum suis & Iosephi Scaligeri Notis.
- Theophrasti Eresij opera, infinitis locis a se emendata, cum interpretatione GAZæ, quam recensuit passim.
- Orationum volumen. Item Orationes aliquos seorsim editas, quarum prima est De studio Politico, & Aristotelis Politicis, cum Prefatione ad eadem, publice habita cum secundum Politicorum inchoaret. Secunda, quam habuit, cū Græcarum literarum Professionē collega suo traderet. Tertia, cum Libellum de Magistratibus Romanis inchoaret.
- Item Dissertatio de libro Senecæ, qui Apocolocyntosis inscribitur.
- Homiliam in Natalem Domini: Item Homiliam in cruentum Iesu Christi sacrificium, siue De passionē Domini, quæ aliquoties in vernaculum, Gallicum item sermonem sunt conuersæ.
- Orationem de Historia præstantia, cum ad illam professionē esset vocatus.
- Clementis Alexandrini Græci Theologi opera recensuit: & Latinam interpretationem ad Græci codicis fidem passim interpolavit. qui nunc editur.
- Sunt qui illi Satyras duas Menippeas, Hercules Tuam Fidem, & Virgulam divinam ascribunt. quas aduersarius Iosepho Scaligero tribuit.
- Circumferuntur & diuersa Poemata vernacula, quæ illi attribuuntur, sed quæ autor hætenus non edidit pro suis.
- Nunc Platonicas Dissertationes, & Aristarchum, siue libros De disciplinis veterum, prolixum opus, meditatur, & in octo Politicorum libros Paraphrasin.
- Themistij orationes quasdam ante non editas publicavit.

Ex his pleraque aliquoties ab autore aucta, emendata, recensita, & de novo edita sunt.



D d

DOMI-

DOMINICVS BAVDIVS.



NATVS est Insulis Flandro-
 rum VI. Eid. Aprileis clō. lō.
 LXI. Pater ei fuit cognomi-
 nis, Mater Maria Hyems, par-
 lectissimum conjugum, &
 inter rara fidei exempla nu-
 merādum. Tirocinia studio-
 rum egit Aquisgrani, quo pater cum familia pro-
 fugerat ob scævitiā Ducis Albani. Patrem ibi-
 dem amisit quo anno inrita est pacificatio Gan-
 davenfis. Paulo post ejus obitum missus est
 Lugdunum Batavorum, ut illic pars fieret nas-
 centis Academiæ. Ibi per VIII menses commo-
 ratus redijt Gandavum, quo se mater usa benefi-
 cio pacis receperat, inde profectus est Genevam,
 ubi per susquialterum annum Theologiæ sacris
 operatus est, & sæpius publice disputavit propo-
 suitque sub præsidio Theodori Bezæ, Antonij
 Faij, & Lamberti Danæi. Inde Gandavum re-
 versus clō. lō. LXXXIII. sub eodem Danæo theses
 Theologicas esseruit corā frequenti hominum
 conventu. Postea contulit se Lugdunum Bata-
 vorum, ubi quum per menses xv. alsiduam Iuri
 operam navasset titulum Doctoris consecutus
 sub

sub auspicio Hugonis Donelli pridie Non. Iu-
nias clō. lō. LXXXV. Sub finem ejus menses acces-
sit numero comitum splendidissimæ legationis,
quæ tunc ab illustrissimis Ordinibus missa est
ad reginam Elizabetham. Illic innotuit multis a
fama vel dignitate clavis, sed uni instar omnium
maxime charus fuit Philippo Sidneō, cujus mor-
te fecit jacturam ingentis patroni. Anno clō. lō.
LXXXVII. Nonis Ian. adlectus est Hagæ comitis
in ordinem Advocatorum. Postea per annos de-
cem continuos vixit in Gallia, nulli bono invi-
sus, & gratus acceptusque primarijs regni viris,
quorum nomina consecrati sunt æternitati. An-
no clō. lō. XCI. renuntiatus est causarum patro-
nus in suprema curia Parlamenti à principe
Senatus Achille Harlæo, cum cujus unico filio
Christophoro, quem Christianissimus rex Hen-
ricus Magnus honore Legati ordinarij decora-
rat, profectus est in Angliam. Inde pertæsus de-
sultoriam vitam fixit sedē Lugduni Batavorum,
& conspirantibus suffragijs Curatorum Acade-
miæ, Consulumque ejus vrbis, designatus est
Eloquentiæ professor, clō. lō. CII. VI. Eid Majas.
Post obitum verò Pauli Merulæ cœpit explicare
Cornelium Tacitum Augustæ historiæ princi-
pem. Docuit etiam conjunctim publice jus Ro-

manum, ijsdem ultro liberaliterque invitanti-
bus ad eam operam studiosæ juventuti impar-
tiendam; nec ordine motus est, quasi nescius
exercendi, sed honesta missione donatus stipen-
dijs nullam partem imminutis, ut onere suble-
varetur. Anno clō. Io. cxi. ab illustrissimo po-
tentissimorum Ordinum confessu, scribendæ
historiæ munus pro parte injunctum est. Anno
clō. Io. c. xiiii, Augusti iiii, circa vesperti^am febre
correptus est, quæ delirio ac vigilijs continuis
miserè ipsum attrivit, donec omni robore exu-
tus mortalitatem explevit xxii. Augusti, circa
horam pomeridianam tertiam.

Edidit.

D E Indicij's Belli Belgici libros tres.	eadem Commilitionis tumultuantes.
Poemata.	Oratio in Obitum Iosephi Iusti Sca- ligeri.
Monita civilis sapientia versus jambicis.	Et alia nonnulla opuscula, tum soluto tum astricto sermone.
Oratio ad Studiosos Leidenses ob	




GILBERTVS IACCHÆVS
PHILOSOPHIÆ PROFESSOR.

D d iij

GIL-

GILBERTVS IACCHÆVS.



Hoc præclarum sanè ingenium
 Abrædonia nobis dedit, non
 incelebre Britannia septen-
 trionalis emporium, ac sal-
 monum piscatu nobile. Patre
 amisso mater vidua Thomæ
 Cargillo erudiendum tradi-
 dit, admirando juventutis instruendæ artifici.
 Ac prima illa eruditionis rudimenta adeò avidè
 est amplexus, ut in ipsis illis principijs præclari
 fructus minimè incertam spem præberet; quip-
 pe æquales, quotquot essent, prætergressus, sum-
 mo ingenij vigore præditus, intervallo non exi-
 guo post se reliquit. Iactis vtriusque linguæ fun-
 damentis, ad Academiam ablegatus, Philoso-
 phiæ operam diligentem navavit, præceptore
 vsus Roberto Hoveo, viro multò præstantissi-
 mo, quique nunc in Academiâ Andreamâ Theo-
 logiæ professionem summâ cum nominis sui
 existimatione tuetur. Ex ejus consilio in Germa-
 niam mox profectus, in Academiam Iuliam se
 recepit, ibique viros præstantissimos, Ioan-
 nem Caselium, Theodorum Adamium, Dun-
 canū Liddelium, & Cornelium Martini etiam,
 cum

cum summâ diligentîâ audivit. Inde Herbornam cum abiisset, Mathiam Martinium, virum non minus ingeniosum, quàm doctum & probum, præceptorem in primis habuit. Ibi cum per aliquod tempus substitisset, celebritate Academiæ hujus pellectus, quia illustriorum aliam nullam aut viris præclaris instructiorem existimabat, in eam se contulit; nec diu commoratus fuit, quin perspectâ ejus doctrinâ, & ingenij promptitudine, Curatores Professionem Philosophicam ei demandandam putarint, quam nunc anni sunt complures quod cum laude summâ tractat. Sed cum tam præclarum ingenium Philosophia sola occupare totum non posset, ad Medicinam illud applicuit; summumque in eâ Doctoris gradum est adeptus anno clb. l. c. xi. Docendo intentus hactenus quidem nihil edidit; verum editioni paratum penes se habet.





IOAN

IOANNES MEVRSIVS.



ATVS est hic anno cIo. Io.
LXXIX. Losduni, qui pagus
Hagâ uno miliari distat, ce-
lebris admirabili partu Mar-
garetæ Hollâdicæ, quæ Co-
miti Hennenbergensi nupse-
rat. Vix sexennis primis La-

tinæ Linguae elementis domesticâ operâ à pa-
rente imbutus, ad reliquum literarum tiroci-
nium septennis Hagam amandatur; ibiq; exacto
quadriennio, sub Rectoribus Bernardo Beiema,
& Folquero Westerwoltio, Lugdunum Batavo-
rum transijt in disciplinam Nicolai Stochij, ce-
lebris per id tempus Scholę publicę Rectoris,
sub quo duodecennis Orationes scribere cœpit.
Ad Græcæ linguae studium naturâ pronior vix
tredecennis carmen Græcum scribebat. Anno
ætatis xvi in Lycophronem, obscurissimum
totius Græciæ poëtam, commentari instituit;
xvii in Theocriti Idyllia, post Henricum Ste-
phanum, Isaacum Casaubonum, & Iosephum
Scaligerum, viros in literis omnibus maximos,
Spicilegium scripsit. Exin ingenium ad omne
literarum genus applicuit. Remotissimam Græ-

cię historiam, & sepultas penè cum ipso tempore antiquitates, eruit ac revocavit in istis studiorum suorum primitijs. Mox ad Latinas literas, ordine præpostero, sed quem D. Hieronymus præscribit, magnus autem vir, Iosephus Scaliger, est secutus; animum adjecit. & à primis Romæ cunabulis orsus, magnus illic quoque antiquitatis admirator, & cultor. idque *Cura Plautina* loquuntur, & *Animadversiones Miscellaneæ*. Deinde à rudiore Româ ad adultam & cultiorem transiens, hanc quoque illustrandam sibi proposuit. Atque hujus sui conatus testes dedit libros *De Funere*; & *Luxu Romanorum*. Ad Poëtica etiam delatus plus præstitisset, si ad naturam studium quoque & curam adjecisset. sed in eo genere ipse se destituit. nam quos dedit *Jambos Morales*, *Elegias*, *Heroidum Epistolas*, & *Epigrammata*; ea semestris vnius opera sunt, extraordinarium animi oblectamentum, cum totis 1x annis antè paucos admodum versus scripisset. Inde ad Philosophiam se etiam convertit, non scholasticam illam, sed masculam; quæ generosas mentes ad virtutem excitat. & dum inibi est, *De Gloriâ*, librum edit. Porro nec Theologiam quoque intactam reliquit; atque ita *Meditationes Christianas* conscripsit in Psalmum cxvi, & tres priores partes cxix.

Inde

Inde in Græciam studia reduxit, sed illam sub imperio Romano barbarescentem, & *Glossarium Græcobarbarum* vulgavit; in quo collecta vocabula clb. clb. clb. lb. c. ad quæ jam alia accesserunt clb lb. ccc. iteratâ editione brevi vulganda. Pari studio ad Latinam linguam se trāstulit; &, quod priori illi responderet, *Latinobarbarum* quoque concinnavit, propediem itidem publicandum. Et gemino illo opere vtriusq; Imperij, Orientalis pariter atque Occidentalis, barbariem non parum illustrabit. A Ioanne Barneveldio, viro Nobilissimo & Amplissimo, Reip. hujus Nestore, ad erudiendos privatim filios evocatus, decennium in ejus familiâ & consuetudine egit. & peregrè cum ijs profectus maximorum totius orbis Christiani principum aulas vidit, & bibliothecas. atque ex his præclara monumenta multa, nunquam hætenus edita, deprompsit. quorum partem jam reversus publicavit; partem aliquando quoque juris publici faciet; si vitam, & otium Deus concesserit. Dum peregrinatur, anno clb. lb. c. viii. Aureliani summo in Iurisperdentiâ Doctoris titulo cohonestatus est. In patriam redux Academia celeberrimæ operam addixit; & injunctam à Curatoribus Historiæ primùm, deinde linguæ etiam Græcæ Professio-

nem

E e ij

nem, moxque ab Illustriss. ac Potentiss. Ordinibus fœderatarum Belgij Provinciarum Historiæ patriæ conscribendæ partes suscepit. Scripta ab eo, atque edita, hæc sunt.

- L**ycophron cum Commentario. Leonis Imp. *Tactica*, itidem antea nisi Latine edita, Græcè & Latine cum Notis.
- Spicilegium Theocriticum.
- Macrobius cum brevibus Notis.
- Criticus Arnobianus, tributus in libris VII.
- Hypocriticus Minutianus.
- Cato de R. R. cum Notis.
- Cura Plantina.
- Animadvers. Miscellan. libri IV.
- De Gloriâ, liber unus; & Auctarium Philologicum.
- Poëmata.
- Panegyricus dictus Iacobo I. Britannie regi.
- Meditationes Christianæ in Psalmum CXVI. & tres priores partes CXIX.
- De Funere, liber singularis.
- De Puerperio, Syntagma.
- De Luxu Romanorum, cum Mantisâ.
- Codinus de Originib. Constantinop. cum Notis.
- Herodis Inscriptio, totidem versibus Latine reddita.
- Apuleij Apologia cum Notis.
- Phedrus cum Animadversionibus.
- Glossarium Græcobarbarum.
- Constantinus De Administr. Imperio, antea non editus, Græcè ac Latine cum Notis.
- Leonis Imp. *Tactica*, itidem antea nisi Latine edita, Græcè & Latine cum Notis.
- Hesychij Milesij opuscula, partim hætenus non edita; &
- Bessarionis Epistola, Græcè & Latine, cum Notis.
- Rerum Belgicarum libri V.
- Sunt apud eum alia, ad editionem parata, aut propediem paranda.
- Palladij Historia Lausiaca, hætenus Græcè nondum edita, Græcè & Latine, cum Notis.
- Glossarium Latinobarbarum.
- Codinus de Officijs aulae Constantinop. cum versione Latina, ac Notis.
- Harpocratonis Lexicon X Rhetorum, cum Animadversionibus.
- Bibliotheca Græca libri IX. singulis Musarum nomine inscripti.
- Chronicon Constantinop. & extor.
- cum Latina versione, & Notis.
- Theophylacti Bulgaria Archiepiscopi Epistola, necdum edita, cum Latina versione, & Notis.



E c iij

PE-

PETRVS CVNAEV S.



NATVS est anno clō. lō. LXXXVI
 Flissingæ Zelandorum, pa-
 tre mercatore, qui filio recēs
 nato intra tertium mensem
 migravit Middelburgū, Ze-
 lādorum celebre emporium,
 ubi mercaturam per annos
 xvi exercuit, obiitque anno clō. lō. c. ii. Filius
 natus annos xi v. Academiam Lugdunensem
 adiit. Ibi per diversas disciplinas, sine duce, se
 circumegit: & pro animi libidine, modo ad
 Theologiam, modo ad Iurisprudentiam, pluri-
 mum vero ad Hebræas & Græcas literas ani-
 mum applicuit. Magni enim putavit, liberos
 impetus sequi. Et præterea, res nulla eum urge-
 bat. Sæpe, cum studiorum illi tædium obortum
 esset, mercaturæ dare se decrevit: & invitabat
 eum privatarum rerum oportunitas. Sed forte,
 & casu magis, quam animi destinatione, persti-
 tit in incepto. Postea otij sui sedem elegit amœ-
 nissimam urbium Leidam, ubi eruditissimo-
 rum hominum, qui illic sunt, familiaritate usus
 est. Tandem anno clō. lō. c. xi. à Nobiliss. A-
 cademiæ Curatoribus & Urbis Consulibus mā-
 data

data illi est Latinæ linguæ primum, ac dehinc
Politica professio, cujus auspicia fecit ab inter-
pretatione Cornelij Taciti.

Edidit,

A Nimadversionum librum Item, Iuliani Casares à se ex
in Nonni Dionysiaca, in quo Græco versos.
errores & inscitiam illius au- Scripsit & libros III. de Republi-
toris persecutus est. ca Iudaorum, quos nondum
edidit.
Satyram Menippeam in sui se-
culi homines plerofq; inepte Parat etiam Commentarios in
eruditos. Flavium Iosephum.





WILLEBRORDUS SNELLIUS
PROFESSOR MATHESEOS.

WILE-

VVILEBRORDVS SNELLIVS.



ILEBRORDVS SNELLIVS,
R. F. natus Lugduni in Ba-
tavis, præter illa quæ partim
vertendo partim commen-
tando illustravit, Apollonij
Pergei libros *περὶ διωρισμένης το-*

μῆς, περὶ λόγων ἔχοντες ἀποτομῆς de sectione determina-
ta, de rationis & spatij defectione ævi culpâ &
vitio fugaces, suâ industriâ suscitatos publica-
vit, quibus & quartum, jam diu perfectum,
περὶ νύσεων de lineis inclinatis propediem primâ
quâque occasione adjiciet.



THOMAS ERPENIVS LINGVÆ ARABICÆ
ET ALIARVM ORIENTALIVM PROFESSOR.

THO.

THOMAS ERPENIVS.



ATVS est Goricomij Bata-
vorum, Anno M. D. LXXXIV.
tertio Idus Septembris. Stu-
duit tum Leidæ, tum in
Gallia & Italia: unde in pa-
triam reversus, an. MDCXIII,

à Nobilissimis Academiæ Curatoribus, Linguæ
Arabicæ, & aliarum Orientalium Professor est
constitutus.

Edidit.

Annotationes in Lexicon Arabicum Fr. Raphelengij.

Grammaticam Arabicam.


Libellum Proverbiorum Arabicorum, à Iosepho Scaligero I. C. F.

& se, versione Latina & scholijs illustratum.

Paratque alia brevi edenda.

Ff ij

Vides



Ides hîc, Spectator Candide, veram delineationem Bibliothecæ Publicæ celeberrimæ Academiæ Lugduno-Batavæ, prout in usum Reipublicæ (præcipue tamen Doctorum Virorum & Studiosorum publicitûs instituta est: quæ ingenti numero variorum & insignium librorum




*Italia, quos bellus, quos quondam Græcia novit
hic locus unus habet*

Tgeologicorum, Iuridicorum, Medicorû, Philosophicorum, Historicorum, Mathematicorum, aliarumque scientiarum & artium, ut etiam diversarû linguarum, Hebraicæ, Chaldaicæ, Syriacæ, Arabicæ, Græcæ, Latine, Italice, Gallicæ, Hispanicæ, Germanicæ, Belgicæ, &c. egregie instructa est.

est. Præter typis excusos quam plurimi etiam codices manuscripti reperiuntur; augeturq; eorum numerus quotidie munificentia & liberalitate Nobilissimorum Academiæ Curatorum, & diligenti cura Bibliothecarij imprimis etiam liberalioribus donationibus & Legatis magnorum Virorum, ut initio structuræ, Inviictissimi Principis Arausionensium Guilhelmi Comitis de Nassau. p.m. & Reverendi Viri, Doctissimique Theologi Johannis Holmanni Secundi aliorumq; præstantium Virorum, quorum nomina in perpetuam memoriam typis descripta in tabulis ibidem servantur; ut & Incltyti istius Herois illustrissimique Viri Iosephi Scaligeri, qui ex hac Vita migrans, multos eidem insignes libros manuscriptos idiomate Græco, Æthiopico, Persico, Armenico, &c. exaratos legavit, ut literis, sic libris propagandis æternitati nomen suum consecraret; nam ibidem armario seorsum inclusi cum insigni epigraphe in perpetuam ejus memoriam custodiuntur. Conspiciuntur præterea effigies tum Inviictissimi Principis supradicti, & Mauritijs de Nassau, &c. tum etiam aliorum præstantium Virorum & Professorum, quorum animi immortales in iisdem locis loquuntur, aliaque id genus plura.


Habes hic Spectator Candide veram delineationem Anatomiae Cliberrimae Academiae Lugduno-Batavae, quae ibidem conspicitur more Amphitheatri Romani exstructa, Locus ille a Nobilissimis ejusdem Academiae DD. Curatoribus sectioni corporis humani est destinatus in usum Medicinae Studiosorum & aliorum, quorum constitutionem corporis humani novisse interest. Cernis ita esse constructam ut sex subselliorum gradus contineat in collis morem leniter assurgentium horum subselliorum infimus & primus ordo vacat Professoribus, & si qui sint illustri nobilitate aut fama insignes, Secundus, assignatus Studiosis Medicinae, Reliqui deservunt usibus eorum, qui studio videndi discendique frequentes eo conveniunt.



THEATRUM ANATOMICUM

quo tempore Anatomia non exercetur disposita sunt apto & eleganti ordine, per singulos subselliorum gradus plurima diversorum animalium ossa cadavera (liceat ita vocare totam istam ossium compagem, quam Graeci Sceleton dixerunt) mirabili artificio inter se connexa; tam virorum & foeminarum manu sua vexilla insignioribus sententijs ornata tenentium, quam aliorum animalium quadrupedum & volucrum, ut Equi, Vaccae, Porci, Cervi, Lupi, Caprae, Aquila, Cygni, Mustella, Simia, Baviana, Felis, Gliris Muris, Talpa ossa. Visitur etiam preparata pellis humana, & intestina praeterea ad ipsum Anatomiae ingressum in loco editiori varia instrumenta Anatomica visuntur, quae omnia magna cum admiratione eorum ibi spectantur, qui hunc locum invisunt.

Exhibetur tibi, Lector cādide, hic vera delineatio Horti Publici inclytæ Acad. Leydensis apud Batavos, verusq; ejusdem situs, prout herbis varijs, plantis, floribusq; amenis, & versicoloribus nobis à Deo ad sanitatē conservandam clementer concessis ibidem consitus conspicitur; qui magnis Nobilissimorum DD. Curatorum sumtibus loco amœno, apto, & salubri constitutus est, in usum studiosorum, præcipue eorum, qui Medicinæ studijs operantur, quales sunt Pharmacopola, Chirurghi, Medicinæ candidati & Studiosi, aliq; Botanica scientiæ amantes. Curarunt præterea ad arcendas pluvias, & deambulationis gratia in eodem adificari





herbarum medicis cognoscere vires, Monstrat Apollineas Phæbus et alter oper


signem porticum, in qua visuntur res haud vulgares, quarum nomina, ut & herbarum, plantarum & florum quibus consitus est hortus hic recensere nimis foret propterea. Idem hortus multis peregrinis herbis & plantis magnâ & diligenti cura. Inspectoris quotidie locupletatur & augetur; quæ omnia maximopere faciunt ad ornamentum Academia; & voluptatem, & admirationem eorum, qui huc spectandi causa veniunt.


F I N I S.


121 54. Fortuna 3^a. 1844















21.9.27 (S)



2893-717

